


蕊淵集序

珂月以一月光圓滿一切受光之處
有若璋者有若脩月斧者有若璧者
有若夜明簾者有若流星四馳大小
珠落玉盤者而要其光所停蓄則曰
蕊淵何爲璋分劃一器瑩徹相比而
不能特達其中耿耿結爲魄質人間



望之指爲蟾兔龍女謠是也何謂修
月斧珂月嘗有無可奈何選矣天下
之文盛于吳越而衰于吳越崑崙岷
嶓之水赴壑于東南而沃焦于東南
猶之月然光滿于望而亦虧于望珂
月所持律甚嚴蓋妖墓之所顧而却
也璧之義主合以天下之才希珂月

則珂月遠矣以珂月之才攝天下天
下有不從珂月而受光者哉而不觀
唐公主夜明簾耶散之則萬顆光貫
之則一片光散而復貫之則爲閃爍
不可迫視之光珂月取周興嗣千字
文顛倒其義卽枇杷二字昔人棘手
君獨遊刃胸中何啻九曲哉于是爲

時義爲詞賦爲典冊言爲應酬小篇
所稱流星四馳其眩轉也大小珠落
玉盤其錯綜也若珂月者徑寸妙用
含吐摩盪獻珠人與金翅菩薩不覺
攝入其光中何況世間穿針倚樓捲
簾吹帶之輩乎珂月光無所不受而
獨題其詩集曰蕊淵則其涵空吸遠

尤于詩有別長耳蕊淵義本道藏與
日中瓊池對自九鳥旣淪澄鮮全注
于月南薰之歌首疏淵派三百十一
孔子隄而濬之而自闢其奧于猗蘭
之操至履宋而楚湘波汨沅流幽沈
蕭瑟尤難爲懷秦漢之際英分隕沮
而劉項垓下大風二歌猶泚泚作濤

聲蘓李其三百之瀾耶曹劉其蘇李
之潰耶六朝靡而不典唐宋盛而旋
衰我明日月高耀千古而桂樹團團
亦未免攀枝躡條之憾此珂月蕊淵
集所爲梓耳聞之君如日臣如月今
天子以神武英濤流光六幘恍惚太
陽瞳矐懸象四照而珂月且將蓮炬

送院斲牕催草受日之光分而布之
采風貢謠達于帝聽卽以蕊淵集爲
喜起拜手之詞判璋合璧夜月瑩瑩
庶民惟星各安厥職頒脩月之玉屑
以各令厭飫然後使龍女取君所撰
著向秦淮月下倚洞簫而屬和作大
小珠聲徐理中興頌以博君一粲仍

恐桃葉枝殘渡江楫短月中姓字爲
桓子野之靈所魔致每聞清歌輒喚
奈何也

甲戌秋日社弟薛案題



序珂月遺吟

余與蓮旬定交久得交珂月在最初
地髻而快賞其文勒之晤錄自余始
蓮旬猶憶之更數年而偕僧西吾訪
對小齋竟兩日夕才名正赫濯滿世
又更數年而塔焉化矣嗟乎珂月文
性異骨往故異余輒料其爲楊德祖

爾正平出世一番不合時宜而死茲
特在出處未究竟時何以死也蓮旬
示我遺吟一編讀之見風騷跌宕之
中忠孝節志耿耿具現是豈凡夫小
儒所能掉管哉樂府不減錦囊古風
逼于黃皮至若和尖義雪韻十章坡
老且拱手退舍卽極博自命誰復出

之自然嗟乎可謂才也已矣自古以
才夭者不少蒙莊云善夭善老夭與
老均有善存乎其間珂月以文始以
文終嗟乎可謂善夭也已矣

攜李埽菴道人譚貞默題于西湖之
濱舍



題卓珂月詩集

吾友蓮旬將搜緝珂月遺稿刻之先得其詩若干首屬予稍爲之評次予時愀然不忍携歸旣携歸不忍讀旣讀又不忍竟讀嗟乎此何心哉此何心哉已從禪觀之餘略爲展視則見其詩之奇之博之風流所不必言而

吾尤喜其奇以則博以雅風流以道
不類今所自命以長吉襲美等輩者
一味軋苗釘餽縱恣顛越以藏淺陋
博聲名誤後生欺當世也如此才如
此人竟使之如此已耳予雖欲讀其
忍竟讀雖欲評其又忍竟評也耶雖
然慮無以慰蓮旬意不得已忍涕爲
書數語卷端歸蓮旬蓮旬其急授剖
劖氏予請於漢相如魏子建唐退之
宋子瞻諸詩賦中特虛一席以待珂
月爾時境遠情忘或能竟讀之竟評
之以謝珂月并以謝蓮旬耳蓮旬其
謂之何丁丑春日河渚隱人聞啓祥
書

蕊淵集目錄

賦

香鶴賦 有序

桃葉渡種桃賦 有序

雌君臣賦

笑賦

哭賦

山中晚烟賦 有序



國家圖書館 NATIONAL CENTRAL LIBRARY, TAIWAN, R.O.C.

續秋霖賦

古樂府

神仙樂府補亡八首

宮闈樂府補亡八首

三變梅花歌

玉龜 四章

梅花落

雞鳴

舊京歎

八索詞 八首

南山 四章

雙烈引

鞭虎探龍曲

追和晉桃葉歌

十眉謠 十首

江南弄 梁體

夜飲朝眠曲

隋體

白頭吟

三婦艷爲蔡桂張綉剪燭作

子夜歌

過松陵吳茂申次其壁間韻贈之

再次茂申韻贈沈君晦昆季

爲魏子一賦覆巢

三章

五言古詩

五君咏

五首

後五君咏

五首

相逢行

醉中限韻贈呂吉士

和陳道掌韻贈陳道掌

讀史至孫伯符甚愛之

放歸草堂作

五日看人遣妾

爲張家佩蘭作

五日五君詠 五首

如何

夜吟

代內悼女伴詩 四首

題竹窻銷夏圖次野君韻

淶水歌

贈細君丁楣字雲想

贈沈梯生四十初度

玉蘭花

兩年詩稿爲小奚失于路次

舟中慰婦

雪中讀水艸

梨花

櫻桃花

救桐

泊烏鎮不寐作

雨甚水溢懼而作歌

用林用始韻送王無擇歸閩

五月十三登燕子磯次大人韻

再壽丁翁二百言

穢園

過無錫酌惠泉而甘之得錫字

靈谷得谷字

後湖鏡空亭觀荷得鏡字

七言古詩

前溪曲

哭美人失嫁而死者

讀沈子旋磊菴集

觀吳姬演劇歌

題畫

雁不來

贈相士倪懷山和張君一先輩韻

夢中謠

題鸚湖陸狂生乞巧文

邵翁夫婦八十雙壽

聞蟬有感

丙寅燈夕

望燈詞

題春波影雜劇

迎春詞

紀游

桃花燈七平口號

桃花月七仄口號

瘦妙歌

花燭詞爲李青來蔣姬賦

醉中贈介子

五日招徐子不至

贈武康賀令君

長吉硯

宣城詹日至之母張夫人七袞悅辰

同徐子奇登顧况讀書臺

壽舊揚州守徐君五袞

登金山絕頂

阮圓海先生花燭詞

寒江曉渡歌

臘月二十四日壽母篇

大明宮詞

贈友人筆

藍橋懷古

上宋喜公師

破浪行

贈沙鳳

雕蟲歌贈顧山臣

長安看花行贈葉潛之

爲大人輯漉籬集成呈詠

觴政詩 二首

越三日右嗣至再用前體爲詩

蓬島篇

翁夫人血影石

咏雪效歐陽體

節孝歌

十四夜泊江干

乙丑除夕

燈下與寒氏聯句

紫微山和唐章孝標韻

問雲軒次枯雪上人韻

嚴無敕自餘杭卜居敝里

父命初春入京預識之

曉起同內子登虎丘作 二首

贈譚者顧韻

讀毘陵女子贈江郎詩

生平

迎芳詩

代墻內人語墻外人

邵玄浹結夏深齋和其來韻

泛清溪

憶少年時讀書法華山之樂 三首

男兒三十歌

陳華真封公七十二壽

五言律詩

入金陵

余有閣名相於

無題

和寒氏枯杏再花詩 二首

贈秀初讀書舸閣

舟中贈別張燕客

螢火詩

閱沈椒羽病中詩

暑中過嚴無敕

西湖卽事

爲沈君房題画

痛飲讀離騷

桃葉渡種花詩

憶少年讀書水一方之樂 三首

七言律詩

贈紀伯紫

月沙閣秋社

初冬飲意花居

露坐有懷

對客

秋日輯閨秀詩

戲贈張秀初

當年

登鏡閣

梅雪吟 二首

爲何郎題画蘭

春霽社集大暢亭

一春花事到醪醑

阿誰

和下第者韻兼賀新第者

余掌上有文成奉字詩以述之

七哀詩 七首

徐青芝八鬟合詠 四首

贈張文倩歸所歡

陳道掌著嘯閣日箋賦贈

江邦玉築別業于橫山

童戲四咏 四首

閨戲四咏 四首

臘梅

携妓看花

花下獨酌有懷

王邑侯太夫人八表詩

暮雪

花月吟 四首

咏雪追和坡公尖叉韻 八首

五別詞 五首

桃葉渡頭雙柳 二首

同吳默寘讀書

讀彤管遺編

初夏爲祝翁七表詩

壽岳石帆大司馬七表

社飲 一首

四月十二日初度

江行見新月

太息

壽鵬鷄居士

初冬孤山社集

晤錢聖月于海昌

久寓硤山思歸

玄浹留連未行再嘲以詩

醉後贈邵子

遲邵子觀劇不至

問雲軒次拈雪韻

竹浪館看荷

二首

無題

贈仁和聶令君

題璇璣圖詩

雁字

六首

夜泊江干書所見

甲戌元日

壽黃翼文次韻

國門羣社

次沈孚中金龜換酒詩韻

甲戌端午

秋閨夢成

丁婦翁六表詩

贈丁韻舍同乃叔叔潛北上

自警

徐大津赴任武陵

讀方水弟別東園詩

除夕取一年詩文草稿火之漫賦

之子

贈琴士

凱歌

題逆旅主人壁

次韻壽陳芬若母黃

陳功次母七表

上大人五十壽

感舊

五言排律

留不得篇

辛未初正寒氏示我悼亡詩次韻

醉中和陳則梁韻贈劉墨仙

湖山花月夜

贈徐野君二十韻

聽庵覽師說法

和崑明池詩

出吳江

贈歌者紫玉青螺十韻

六言排律

小改書室數椽二十韻

言排律

錢彥林新居落成

看競渡

次唐光威哀三女郎韻

多男子篇

遠遊篇

五言絕句

贈程闇仙 八首

咏梅和董遐周韻

十香詞 二十首

春閨迴文

吊張氏佩蘭 二首

穢園雜詠 十六首

歸自秣陵作 二首

道旁樹

次王無擇韻 二首

六言絕句

題家乘

七言絕句

客邸初聞爆竹

書薄少君悼亡百首後

和徐安期催粧詩 四首

題李易安漱玉堂集

輓張女郎 二首

題陸放翁集

霍姬怨 五首

後霍姬怨 五首

戲題女冠王修微期山草

題呂吉士畫四絕

追贈盧翰 三首

湘妃 五首

雨中游蘭蕩飲于張氏園中 有序
六首

竹枝詞

爲陳道掌題帳眉

四薛咏 四首

山暗

水仙花

八女鬟詩 五十
六首

咏紫釵佳事 八首

嘲梅花

代梅花答

悔

咏紅白梅花 二首

新春對雪戲成色聲香味四絕句

秦生游于禾代其閨人招之

和秦淮女子詩 十三首
有序

吊小青詩 十首

無題 二首

有贈

錦屏八咏 八首

閱崔鄭合葬誌戲題 二首

擬春詞

賦得花明月暗

無題

客舍逢冬節

雲陽道中 四首

秦淮竹枝詞 四首

雪中觀美人 五首

贈李澹如 三首

衛風考槃章

題四十二章詩

看菊限黑字 五首

和徐亦于韻贈小妓

新月 十首

爲李青來贈梅姬 二首

爲梅姬答李青來 二首

席上口占題王子嚴畫蘭 三首

寒夜

贈童子鴻 三首

和枯雪上人冷泉亭韻

和陳季方海棠花下哭亡妾詩 二首

月下聞歌

春風宜東余西行三日而風無東意

次韻徐安期催粧詩 四首

渡頭樓上

和薛歲星哭維節詩 十首

自題雜撰曰卓筆

寄內

代內答

西溪道中

昭君怨

兩相如

馬上楊花 二首

和峩眉道人詩

附三言

題桂花粉

三五七言

讀小青傳

詩餘

烏夜啼 卽事

秋蕊香 解嘲

如夢令 閨情

三字令 莫春

桃源憶故人 本意

蝶戀花 晚春

十六字令 春去秋來花
去鶯來四首

鳳凰臺上憶吹簫 朝人

謁金門 山居

應天長 春閨

雨霖鈴 旅雪擬
辛稼軒

望江南 美人
足

如夢令 自題三
李齋

釵頭鳳 錯認

送入我門來 去年
今日

浣溪沙 月夜步
沈園

憶秦娥 題唐解
元雜劇

南鄉子 春歸

荷葉杯 春堤
二首

減字南鄉子 美人
曉妝

如夢令 去問來
問二首

青玉案 宮怨

踏莎行 秋夜

國家圖書館. NATIONAL CENTRAL LIBRARY, TAIWAN, R.O.C.

梅花引 元夕

減字木蘭花 壽劉士雲母徐

清平樂 青樓夜話

迴文菩薩蠻 私歡迎送詞

一剪梅 讀三國志

河滿子 嘲游女二首

玉聯環 夜景

惜分釵 閨別

鵲橋仙 兒子病亟夜分不寐次乩仙韻二首

鵲橋仙 同友人看花和方秋厓韻

解佩令 幽期有序

鷓鴣天 和宋子京韻有序

十拍子 游仙詞

減字木蘭花 燕姬墜馬圖

凌波曲 舊名醉太平

百字令 次坡公赤壁韻

水龍吟 次坡公
楊花韻

水調歌頭 次坡公
中秋韻

瑞鷓鴣 湖上
上元

洞仙歌 次坡公孟
蜀宮詞韻

滿江紅 拜鄂王祠
追和原韻

聲聲慢 次李易安
韻二首

千秋歲 次秦少游
韻弔少游

河傳 咏明河事次
温飛卿韻

西江月 次坡公悼朝雲
韻為寒氏悼亡

卜算子 次坡公悼超超
韻為寒氏悼亡

東風第一枝 正月晦日為沈
不傾五袞壽

鵲橋仙 十二月
望雪

好事近 雪景

漁家傲 題摩
尼閣

長相思 月夜江
舟作

南鄉子 贈龍
女

浪淘沙 閨憶

虞美人 和魏子一咏虞美人花十首

虞美人影 和魏子一咏虞美人花影十首

雜著 嗣刻

錦囊逸句

花舫綠

蕊淵集目錄 終

蕊淵集卷一

賦

○○○香鶴賦

有序

唐無可先生向獲孤鶴貯之櫟園屢求嘉種
與之偶不就踰數年忽有異香出自毛孔遍
體馥郁取其片羽佩之香可累月不散海內
咸欽其寶篇章橫陳余亦妄裁小賦用紀奇

蕊淵卓人月珂月著

蓮句云
詩變而
賦蓓蕾
於荀卿
爛熳于
屈宋迨
班馬之
肥痴齋

梁之輕
儼各撮
其勝會
然賦其
衰矣諸
賦自舉
性情而
無濫觴
之過風
氣在蓓
蕾之後
爛熳之
前

跡云爾

原夫櫟園有鳥華亭無光飛來玉樹之苑謫自
白雲之鄉惟賢主兮是擇羞衆禽兮爲雙比文
士之傲睨疑美人之矜莊獨處十年之久乃發
自然之香庭前隱隱室中拂拂不自牀頭非關
樹末篆何爲乎在翎蕙何爲乎化翮誰覆之于
水仙孰啖之以香屑乃使拾墮羽兮懷袖集衆
毫兮綴囊如熏百和似浴蘭湯屈子紉之以爲

佩何申椒之能芳洛妃采之以爲贈豈翠羽之
足當斯其幽情養鼻妙致通脾何必收香於倒
掛不貪雄麝之一臍洵孤山之異種染梅芬於
縞衣時一舞而散馥笑羊家之貽譏遂有疑爲
徐卿所化詫爲子晉所乘塗以三世之血等之
千年之齡伴青溪之道士驚赤壁之夢魂亦已
稱其異質終不得其香因因復思頻伽之溲渤
想鸚鵡之舍利或齧勃賀於園中或現莊嚴於

遠條云
語不說
盡亂辭
干唱嘆
中略露
其音咀
之無窮

蛤○蜊○何○斯○鶴○之○有○靈○與○衆○奇○而○相○契○其○必○本○蓮○
花○以○爲○胎○具○梅○檀○而○爲○氣○者○乎○重○日○曄○珍○禽○兮○
翺○翔○梳○雲○鬟○兮○振○雪○裳○傲○鸞○鳳○兮○吉○光○賤○鴛○鴦○
兮○在○梁○嗟○人○之○多○淫○兮○失○其○香○望○淨○因○兮○終○茫○
茫○

○○○ 桃葉渡種桃賦

有序

家君種花記云秦淮無桃花猶歲時無春女
子無眉色文人無文心也癸亥之冬流寓淮

水與桃葉渡相望追憶當日渡江時與百尺
樓胭脂井同一淒斷旁有官地數武因種花
其上臨流繞屋綠葉成陰爲女郎留一小影
復將建阿閣於旁以供往來客子凭闌倚檻
之游一時水衡諸君咸歡喜護持乃開種花
之社徵詩盈篋屬余賦之
夫何造物之不韵兮使秦淮而無春春氣之見
於萬物兮獨桃花爲有神有山水而無花兮孰

蓮句云
此乙丑
客渡口
時同香

鶴賦作
也自余
入清涼
山中桃
花萎謝
今作賦
人復與
花俱逝
矣

枕○篔○而○不○施○錦○茵○有○雲○霞○而○無○花○兮○孰○文○士○而○
不○得○美○人○雖○起○秦○帝○於○九○京○兮○亦○傷○夫○功○之○未○
成○若○使○六○朝○之○人○而○知○之○兮○豈○不○笑○我○輩○之○無○
勝○情○爰○嗟○古○亭○之○荒○爲○補○渡○頭○之○空○遣○佳○人○兮○
選○枝○向○仙○人○兮○乞○種○擬○牡○丹○於○春○洛○爭○梅○花○於○
雪○隴○水○添○漪○兮○似○破○顏○鳥○紛○來○兮○如○心○懂○人○向○
花○而○締○初○盟○兮○花○向○人○而○愁○情○之○未○永○乃○欲○憑○
劉○郎○以○爲○媒○兮○邀○潘○令○而○相○董○於○是○初○移○根○兮○

如○出○苧○蘿○而○館○於○土○城○始○迎○人○兮○如○洛○水○之○忽○
然○而○來○神○曉○媚○兮○如○巫○嶺○之○雲○氣○自○生○夜○艷○兮○
如○入○宮○而○覩○墜○地○之○列○星○披○烟○兮○如○逐○夢○而○有○
所○尋○裊○露○兮○如○紅○汗○之○熒○然○而○濡○身○風○中○飛○去○
兮○如○塞○上○送○琵琶○之○聲○霧○後○標○鮮○兮○如○內○視○三○
日○而○肌○盈○分○影○在○衣○兮○如○向○郎○膝○上○而○婉○伸○落○
瓣○在○水○兮○如○閨○中○之○魂○散○而○隨○人○黯○然○於○雨○中○
兮○如○擁○被○蔽○面○而○不○可○親○翩○然○於○月○下○兮○如○雞○

蓮旬云 一路妖 冷變幻 令人迷 離此處 轉入渡 口如雲 中明月 忽墮掌 中

皮再少而增淫小蓋遲放兮如不得貴人姊召
而未行樹頭樹尾覓而無所見兮如秦樓既空
而不知其上追萼綠與雙成此雖桃花之具美
今落俗境而誰齒所以無人而亦芳兮顧得人
而更喜問花肯來兮花應許令花得所兮花知
已倚雙柳兮作婢拜淮月兮為姊豈惟花中之
神歎有棲兮抑亦古美人之魂可託於此渡江
之檝猶欲倚於枝前桃葉之歌尚似聞於樹裏

至若人來兮花始舒人去兮花亦知人有心兮
肯為花歿花有意兮亦能相思尊前試舞兮侑
酒向人一笑兮索詩洵有色而復有情兮可有
題而無詞為之咏曰天台無信桃源逝兮神情
髣髴此其是兮黃鳥任罵花不言兮風姨任妬
花自憐兮歷歷白榆天上列兮菲菲瑤草烟中
植兮比之目前孰多少兮我終與子式相好兮

○雌君臣賦

薛諸孟
云語有
典要不
得但以
織毒相
賞又云
世人倘
自視爲
男子應
毋恨吾
封月

天爲地郭陰乃陽包或改其故是曰人妖故男
有王侯卿士之級女有后妃嬪孺之條爵與德
而必配名與義而相交乃冠乃笄旣服飾之有
異相外相內亦職思之不淆然而日月光華山
川秀異或慳於彼或毓於是衷相衣而臨朝用
巾幘而相遺喜傅粉而熨衣效紅禪而錦髻君
臣皆女子之心朝野無丈夫之氣乃有翩翩閨
秀矯矯女宗出其智勇壓彼賢雄理國家之大

事而不慚負乘奪君子之爵號而莫有怨容豈
慮三綱之倒置直叅二儀而處中蓋自媧皇出
女統建神襟立共工戰五十絃兮可揮五色石
今可煉蹟太奇而莫繼統一失而男篡維呂有
雉稍存一綫維武有狐其力乃辦緊先代之才
人作空門之比丘髮已祝而重挽齒雖落而更
抽指金輪而自命逐少帝於房州花不風而自
發馬不轡而可柔草檄者聞言而感懷餒者得

旨而羞先聖後聖其揆則一垂簾稱制皆非其
匹苟舍夏而求夷有新羅之真德百濟之鋒甫
擢太平之錦旋織稽君統其止此問臣品其安
述則有陰安丘嫂臨光呂嬖鳴雌老負鄒魯雙
嫫皆皇室之勛戚蹇不存其子夫封以亭而以
郡羗執信而執蒲櫻桃或非婢龍陽或非奴蓋
安釐之錫爵似襄城之僭呼彼赤紱而墮馬此
紅袖而啼魚若乃南北分疆魏齊竊據令萱陸

姬元又胡婦產高岳者豈培塿之山育彥深者
兼師保之傳此與南漢之盧瓊同有侍中之僚
署彼孟嘗屏後侍史恒隨景初官中尚書有數
阿雷分宰相之權阿鄭掌中丞之務雖小異其
官名當不殊其仕路目中朗朗必堪三管之司
腹內便便要、是五經之庫他如班昭嫁於曹室
韋母出於宋門著八表七誠而馬融受讀賜百
徒十婢而苻堅告存太史氏之職不墮宣文君

之號彌尊學士則有蘭英之韓氏博士則有大
捨之阿袁玉階純素邀宋武之令譽瓊枝璧月
賡陳朝之綺言至於管伎造箋而較書之銜可
奏女童應試而進士之名不謏斯皆儒林之珠
玉莫非文苑之篋塤文事今既多武功今不少
高涼使者乃綉幟之譙姝西域大行是錦車之
馮嫫若夫王廙起兵亦如孫子試巧家有女而
正嬌人有母而已老將軍建貞烈之旗司馬設

孔娘之燾亦有侯唐王氏起衛滑青忼慨軟血
欲揚王靈授爲果毅軍容實勅較海曲報讐之
呂母與白頸懷化之女陳彼爲叛逆之將領豈
望此輩之忠誠又若英雄欺人男女易服婁逞
錄事於揚州崇嘏參軍於王蜀石女爲國子祭
酒而猶自倘佯孟婆至御史大夫而忽思筑獨
名更芳於芳蘭志更堅於堅木凡茲女士各有
雄才其心一往而首不回須知語言文字之皆

蓮句云
每于世
間法中
作度世
想

障。何况功名富貴之必灰。似雪中之鴻寄跡。笑
醯甕之雞聚雷。何如江南耿姑。受比大先生之
號。崇昌縣主。晉三景法師之階。紅線暫稱內記
室。而即遁。曹姬自署掌書仙而去來。亂曰懿厥
哲婦真奇男。今五等六等爵俱擔。今聚成女國
我往叅兮。雖為執鞭心所甘。今恨不同時進一
譚。今决茲塵網遊鬱藍兮。

○笑賦

遠條云
人生至
情無過
哀樂莊
生善笑
屈子善
哭皆有
至情人
也不笑
不哭之
文吾無
取焉

笑之時義大矣。上壽下壽疾於彈指。一歲之中
開口無幾。是以仲尼有不愠之篇。老氏標無憂
之旨。飯必供乎禪悅。味必嘗乎法喜。世出世間
一笑而已。試仰觀而俯察。取物理以究圖。彼天
帝其何笑。擲梟矢而警噓。彼山靈其何笑。春澹
冶而軒渠。彼上仙其何笑。曾赤脚而胡盧。彼黠
鬼其何笑。鑄鐵檻而挪揄。若夫洞口笑桃。相逢
必飲。簷前笑梅。疎枝不禁。薔薇賣笑。而可憐。小

草鉤笑而已甚。以至燕雀坐雕梁而笑鵲。鸞鳩
捨榆枋而笑鵬。駟馬笑兮仰秣。梟羊笑兮掩睛。
稽萬類其若此。况吾輩之有情。盍相尋於歡伯。
常自養其喜神。搏髀捧腹。齒冷頤解。鼓掌何傷。
掀髯無罪。方捉鼻而哄堂。又噴案而飯灑。其裒
也。疑是充耳之人。其咳也可號。觀場之矮。何必
黃河之暫清。偏覺興趣之如海。蓋嘗博稽金海。
玉海。參以今文古文。啾爲嗎。黨噉與啖。鄰晒不

異於彼。矧顰不同於此。嘖非以竹而鞭。犬乃天
斜爾兩脣如新篁之釋箬。端乍啓其猶。皴苟得
風而動。頰或對月而露。斷常存此意。聊樂我員
兄及弟。兮啞相好。婦若子。兮嘻不嗔。呵呵吃吃
局局欣欣。曝然放杖。啞然散纓。旣持身其無忤。
將與世而同塵。於是三絕倒於清言。再投波而
不窘。詭聞豚蹄之祝。而哈詳舉委蛇之狀。而輒
謁囊鬚之司空。聽絃歌於邑尹。希夷子無端自

墜。亾。是。公。不。覺。其。所。可。以。獲。上。而。信。友。可。以。解。
紛。而。消。沴。抑。若。香。閨。雪。艷。玉。貌。酥。融。嗚。嚶。有。度。
娑。姸。甚。工。倩。之。一。言。寫。盡。碩。人。之。致。鹽。之。一。字。
曲。傳。吳。女。之。容。妍。巧。迷。乎。下。蔡。冶。繇。動。乎。王。公。
忽。洗。兒。而。貢。荔。時。裂。繒。而。舉。烽。或。墮。馬。而。病。齟。
亦。逢。雉。而。關。弓。窺。堂。前。之。眇。使。望。樓。下。之。蹙。翁。
披。老。奴。之。扇。障。習。官。婢。之。帶。鬆。莫。不。騁。手。神。於。
杏。靨。吐。芳。氣。於。蘭。胸。宜。千。金。而。相。買。雖。傾。國。其。

可。從。至。如。繕。性。幽。人。知。心。快。客。向。冥。理。以。自。怡。
恒。相。視。而。莫。逆。聞。步。兵。之。嘯。則。迫。爾。于。蘇。門。之。
巔。晤。夙。世。之。朋。則。粲。兮。于。襁。褓。之。日。執。手。而。踰。
虎。溪。登。山。而。望。月。出。學。五。年。而。夫。子。之。顏。開。拈。
一。花。而。如。來。之。意。得。皆。契。悟。之。景。光。固。語。言。之。
無。涉。彼。夫。污。下。之。士。偶。聞。大。道。聚。族。啁。譏。是。曰。
姍。笑。嚶。咿。儒。兒。奔。趨。權。要。願。隱。肩。高。是。曰。諂。笑。
碌。碌。因。人。眸子。則。眊。職。焉。相。嗤。是。曰。目。笑。黃。金。

結交雲雨顛倒退有後言是曰背笑虺虺其雷
終風且暴謔浪不止是曰狂笑劍術既疎倚柱
而懊箕踞哆侈是曰愧笑當怒反怡不可測料
刀藏其中是曰毒笑夢中易頭怵然而覺半樂
半哀是曰恠笑此又樂國外之別傳而非大家
兒之所效也

○哭賦

聽吾一曲人間可哀天之上兮地之下愁莫寄

連旬云
生平遭
遇惟苦
無樂非
獨愁言
易好本
非不痛
而呼故
楮中尚
有屈放
孫贖之
悲

今憂莫埋泣或疑于婦態啼或疑于兒哇號則
乾而不濕俵則往而屢回于是忠孝之儔志義
之客有怨必盈吞聲不得號號兮震南山田田
今壞墻壁玉廬兮起長風銀海兮生潮汐創巨
痛深爵踊獸躑狀非一端事可類摘若夫七日
而師陳境外五日而身斲檀衢奏頭下而請戮
枕尸股而脫誅投樂噐于凝碧宣諫草于青蒲
無不審其大節忘此微軀或乃聽鴿魂消聞雷

體○伏○冬○圃○竹○萌○秋○塘○水○縮○飲○酒○二○斗○而○嘔○血○數
升○蓼○莪○一○篇○而○晨○昏○三○復○惟○天○性○之○濃○至○忍○忘
情○于○鞠○育○至○如○玉○樹○着○土○金○刀○掩○苴○驢○鳴○代○送
塵○尾○殉○亾○仗○策○叩○西○州○之○戶○援○琴○登○顧○氏○之○牀
祝○予○喪○予○之○慘○怛○于○寢○于○野○之○淋○浪○情○之○所○鍾
厥○明○以○喪○算○不○可○減○厥○背○以○傷○師○及○友○之○誼○篤
子○若○弟○之○痛○長○卽○使○下○士○寡○恩○庶○人○殺○禮○然○而
物○或○不○得○其○平○情○皆○不○知○所○起○舊○主○踐○夢○而○入

秦○小○君○呼○天○而○過○市○聞○十○貳○之○命○而○摧○心○聽○立
庶○之○言○而○切○齒○亦○復○傾○國○興○哀○如○喪○考○妣○此○與
鄭○人○之○悼○遺○愛○晉○民○之○望○峴○山○丈○夫○含○玦○珮○女
子○脫○珠○鍍○諱○其○名○字○掩○其○市○鬪○河○有○金○水○之○號
碑○有○墮○淚○之○顏○竝○足○徵○至○誠○之○動○物○亦○以○見○末
俗○之○非○頑○又○有○三○獻○之○足○纍○纍○雙○瞳○之○血○縷○縷
長○沙○策○治○安○而○悲○來○汝○南○談○世○俗○而○聲○舉○摩○麟
角○以○浣○袍○攀○驥○車○而○覆○紵○感○烏○頭○之○忽○白○飛○清

霜于酷暑。漢兵畧地。今歌垓。吳讐未復。今抱柱。
忽當未央之宮門。俄在昭烈之廟宇。高山頂上。
之十日非多。汴河軍中之三呼良苦。捧班師之
詔而搯腕者飛。招故相之魂而設祭者午。凡皆
懷才欲試。蓄憤難伸。時不可兮。再得哀未。免兮
填膺甚而出之。以誕幻託之于狂醒。燕市之慟
無謂。棺邱之癡有情。皐羽登臺。竹與石而俱碎。
陸生行野。林無樹而不驚。讀香山之長慶詩。而

涕隨語下。對伯機之支離。叟而悲與。嘯并迂。莫
迂于楊墨之感。岐而見染。惟莫惟于苻姚之列。
壘而安營。鬼谷何以沾襟。于蘇季。雍門不覺。狼
戾于田文。移窮途之痛。于隣女。灑亾妾之淚。于
妃靈。造羊陟而詭爲物。故坐荀彧而等于壙。塋
聚唐衢與何嘿。真一輩之畸人。乃至韓氏匱糧
之娥。杞家迎柩之婦。一里爲之不寧。高城爲之
失固。猛虎孔多。泰山不去。著簪已亾。少原懷故。

運旬云
恨別二
賦所不
能及

連旬云
殘箋一
幅自中
秋攜歸
重陽寄
至流傳
葉曾翁
署中越
三年矣
問計而
往向散
帙間得
此舊楮
如獲蕉
鹿

聶姊撫弟而自明。敬姜悼夫而得譽。固女子之
善懷。已拔羣于荆布。抑聞書契既立。鬼乃嗷嗷。
鳴如轉磨。天亦咷咷。傷哉豐沛之蛇母。奇矣晉
殿之蒲牢。露盤傾而銅仙泗出。葢榜落而土偶
淚拋。豈獨人生之多感。亦有千古之奇妖。葢凡
三界之內。未脫五行之交。總為癡嗔之藪。澤無
非痛苦之穴。巢盍去此。而適彼。曰蓮花之樂郊。
○○ 山中晚烟賦 有序

甲戌初夏省大人于白門之逍遙谷。薄暮微
行。觀此烟態。大人顧謂小子。賦之不及半篇。
命觴而罷。乃寢。乃興。則俗務塵勞。應酬交錯。
探我胸次。與烟俱紛矣。新秋薦爽。鼓柁東歸。
江流晏如。布帆無恙。回首白雲之下。悄難為
懷。乃于古錦囊中。出斯舊稿。殘牋欲漫。昨夢
依然。陸續填完。如塗塗附。迨乎重陽之序。奴
子入京。復為竄易。數言錄寄大人。一笑計距

譚梁生 云蓮旬 就景拈 題珂月 探奇報 命此等 韻事惟 眉山有 之今讀 共遺墨 一往深 情又不

在文字 交好間 也謾誌 一絕靈 氣態蒙 欲際天 榮花夢 筆恰仙 仙屋梁 落月無 消息化 作窓中 五色烟

初命構時凡六越月矣然而草草償逋未單
厥慮於予心猶以為速也

四月徂夏晏坐祓園高春初過清酒未溫童子
驚傳一事甚異先生出門倚杖而視嗚呼噫嘻
何龍嶰之失踪而虎岩之沈醉也水不水兮黠
黠山不山兮濛濛地不見塵土天不見霓虹高
低若一枯苑皆同近者都遠實者忽空將世界
之不立惟爾我今在混沌一炁之中既莫測其

何自而云然亦安知其何時而復故微風掠不
開籬落遮難住白鷺下食兮迷津杜鵑欲歸兮
無路縹縹緲緲亭亭云云落落莫莫熊能魂魂
輕容之縠徧覆若亾之綃橫陳縐紋不可熨以
斗細縷莫能紀其升丈尺無度剪刀弗痕非采
藍之所染不集翠而自成于時樵牧之人有眼
皆昧匪面是謀而以聲會雖離朱在斯不能辯
人于十步之外少焉月出倏爾星流月慘愴兮

疑去聲

籠上聲
糊音厨

充耳明璫而隱于蟬鬢。星闌于兮囊空無物而
 飛螢是游樹樹有蓮。國周遭之寶網。家家皆海
 外滅沒之蜃樓。誰以天地為爐而焚香。鬻鬻豈
 有百萬之竈而烝米浮浮。或者松煤之凝也。藜
 火之賸也。日煖藍田玉初潤也。呼龍種草耕方
 迅也。何必三素之雲。茲堪贈也。何必五里之霧。
 茲堪陣也。至于離濃就淡。自密將疎。蒙花恍惚。
 鎖石模糊。儼書生之寄鵝籠。象美女之藏碧欄。

迷離兮可憐。柳眼之倦閉。羃歷兮不知。竹粉之
 新塗。因而遠思楚澤之蒸。妄憶巫臺之艷。不靈
 胡陰。不雨胡暗。恐有物以相噓。疑乘夢而來探。
 又復求之史傳。佐以詩篇。若散五侯。可侈傳蠟
 之盛。倘逢霸主。必傷抱木之賢。分一綫以入吳
 宮。而認為靈鬼。幻五色以招窳子。而當成古仙
 童子。乃俛而悟。仰而言曰。美哉此山中之晚烟。

○續秋霖賦 有序

薛諸孟
云子讀
此爲丁
丑漏天
如昨雨
泣淙淙
恨不見
我月人
與之同
淚

歲在甲戌當秋而霖昊天不備害我田稗瞻
言百里淪胥以鋪爰倣盧生賦以志閔
帝其醉乎何林離狼籍而相於戲乎旣蕩蕩兮
無節亦夢夢兮不視一人彝酒而酣身百族崇
飲而廢事遂使羲和毀轅望舒裂轡日已失而
弗知辰或離于房次任風師之跋扈與雨妾之
淫恣號且呶兮條葉鳴晝作夜兮烟雲膩盡傷
者曰怨曰咨荒湛者罔聞罔治當斯時也庭有

木而忽拔徑無草而不腓鸞鳩瘠廡蟀肥蝸牛
飽蜘蛛饑蟻螾出蠅蚊歸非冬月而感發似黃
梅之駮衣雖有阮家禪郝家腹而都不得被乎
秋陽之輝于是農夫擁襖而悲老圃輟鋤而忖
稷翼翼兮翬斯飛菽旆旆兮旗悉偃舊穀盡矣
胡繼將食新矣忽損嗟人力之幾何莫回帝心
而使反我生不有命在天弗如共閉門而下楗
然而江頭估客村驛征夫舟楫爲生活車馬日

蓮句云

筆端復

如秋霖

之欲酒

馳驅勢難守爾牖戶以謝泥塗安爾牀第而棄
 簡書則莫不嘆橐囊之霑渥悼頂踵之淪濡亦
 復臨深而戰陟高而盱曰吳其為沼而民其為
 魚乃若流亾異國之人孤寡深閨之女簷花細
 落屋茅麤補欲歸來兮未能求蔭庇兮何所巫
 山暮兮誰攜錦衾竹窓曉兮孰縑水縷淚與梧
 桐之滴俱長心較芭蕉之折尤苦蘭有眼兮如
 彼之滂沱而欲穿柳有髮兮如彼之蕭騷而無

蓮句云
 古語作
 亂辭具
 見裁量

緒矧余抱江淹之恨處處虞卿之窮以無告之黔
 首對難問之碧翁漏室無餘地兮重足立空堦
 不絕響兮雙耳聾有烟無火兮薪濕握錢易粟
 兮市空執行雲而施雨羗獨困此臥龍國旱兮
 不用予以為霖霖國潦兮舍我其誰作矐矐徒
 恃媧皇兮不虞石破而天逗浪憑李靖兮烏知
 瓶羸而水洪又安能不於邑于永夕而強排遣
 其心胸哉亂曰豕白蹄月離畢羊墳首星在留



雨淫淫。河水深。夜漫漫。何時旦。



蕊淵集卷二

古樂府

○○○神仙樂府補八首

玉鑪三澗雪

王方平登真多山命童子歌

騎黃麟兮冠遠遊天公玉戲兮鴻雪漉漉米可
以丹砂兮雪可以銀鏐彼狡獪兮吾所羞偶來
人世兮烟塵相糾仰真茶兮滌我喉烹之玉鑪
兮萃如綠錢之浮願分此兮以與肉多氣少之

倪鴻寶
云諸篇
才兼鬼
仙僕役
二李上
天曰玉
樓人地
采石磯

家圖書館. NATIONAL CENTRAL LIBRARY. TAIWAN. R.O.C.

髑髏勝於腸之酒。今不可以勸酬。采藥畢。今歸休望東海。其漸淺。今如手中之一甌。

舞山香

李陶子咏落花詩云誰同研光帽一曲舞山香自言西王母筵上見此舞舞未終帽花皆落去又天寶中寧王常戴研光帽插紅槿花舞山香一曲曲終而花不落蓋以頭項不動為難也二說可疑以俟識者

來日苦短短紅顏如舜華。朝開幕隨落不如生。仙家仙家能不老。所貴知幾早。及花未落須摘之。安置帽上不可遲。安置帽上還復慮。一動搖。

蓮旬云却愁五衰相現時耶

時花落去清修未固天難住。

廣陵散

亦名太平引嵇康得之月華亭異人者韓臯曰叔夜作此以刺晉託之鬼神耳

悲廣陵實維古揚州之濱。瑤琨篠簜不復輸。王庭厥草天厥木。喬木則已凋。落葉蕭蕭。西風始高。金代火令君微。臣驕商絃慢與宮同。調天運苟如此。勞心徒怱怱。

錢塘破陣樂

洞庭君宴柳毅時奏

蓮旬云似幽憤詩亦似供奉遠別離詩誰言此散不傳

連旬云
神仙中
英雄得
此猶真

遠條云
筆古而
艷正如
仙妹千
萬歲時
顏如十
七八好
女子世
間鮮巧
詞賦則
時花美
女瞬息
凋謝耳

一怒洪水興再怒五山裂三怒涇陽之子甘何
食大聲發天地拆玉柱牽金鎖掣朱其鱗血其
舌身如何莫知尺千雷萬霆交霰雪雲烟沸涌
宮殿岌辰發靈虛已至彼國午戰未還申奏帝
闕殺人六億傷稼八百憂勞賢兄驚忤賓客剛
腸所激胡能抑嗚呼剛腸所激胡能抑

貴主還宮樂 同上

牧羊少女淚如珠巾袖無光臉不舒雨鬢風鬢

有所須鳥起馬驚君子至含羞細舉肝腸事夫
壻無情舅姑棄心目斷盡天茫茫洞庭尺書煩
寄將願為親戚永不忘客聞此言氣血動恨無
毛羽乘風縱但慮水深不能控語君有術君勿
疑往逢社橘三擊之武夫出波當導而再拜解
書敬相付忽攜雨工不知處如言遂達深宮訴
老父旁皇叔父嗔舉兵立誅薄倖人嬌花一枝
重放春祥風卿雲擁幢節節數部真融洩笑

語紅粧千萬列中有一人鳴珮環自然蛾眉妖
且閒若喜若悲香霧間須臾扶入千金主凝碧
張筵深謝汝不然已作涇陵土

霓裳羽衣

廣寒宮舞曲

蘇摩蘇摩七寶殿中居左有吳質右望舒五夫
人不妬嫉結璘純狐盡飛入天孫機杼班新式
素練裁衣寬不窄八九陳鴛鴦二六鳴鳳凰流
風迴雪空中翔善哉主人試奇術變化五濁下

蓮句云
神遊八
極縹緲
天外亦
似奔晨
翰目

界盡作琉璃色遙聞殿上傳語玉宇莫閉瓊樓
儘開今夕羅家一小兒當與孔昇真人橋上來

蘇摩月神純狐嫦娥
孔昇真人唐玄宗

紫雲迴

明皇夢十仙子所授

青者蟲白者喪黑者水黃者豐赤者兵與荒紫
兮紫兮仙之祥如車如馬如困倉美人乘之澹
徜徉帝遣來授聖唐正始音隸太常

紅窓影

崔蒞奴冥授甥女云
是舍人元稹撰詞

蓮句云
烟雲縹
繞靈光
浮動比
練時日
等篇更
脫酒

蓮句云
幻與恍
惚奇響
幽氣

蓮句云
此真朱

登等樂
府各擅

勝場若
唐山夫

人有何
與古而

鍾譚以
為美談

蓮句云
較春歌
尤覺奇
尚

月○弄○影○使○人○靜○日○弄○影○使○人○醒○精○精○翼○翼○汝○太
俗○恨○不○借○羿○弓○射○汝○車○脫○輻○漫○漫○長○夜○歡○娛○足
頻○邀○月○姊○舉○杯○相○屬○

○○○官闈樂府補亾八首

秋風入松柏

雍門為齊王彈

胡○為○乎○秋○兮○風○淒○淒○兮○不○知○貧○士○之○未○授○衣○兮
一○維○彼○松○柏○兮○日○後○凋○兮○尚○不○免○于○遇○風○而○號
解○二○矧○伊○眾○樹○兮○將○空○林○兮○何○以○庇○天○下○之○寒
今○解

禽兮三解

赤鳳凰來

戚夫人祀靈女廟踏歌

翁○為○赤○鳳○媪○為○野○雞○火○井○炎○炎○雞○逐○鳳○飛○鳳○將
其○雛○雞○哺○其○兒○羽○翼○已○就○網○羅○安○施○兩○雌○同○居○
其○志○則○睽○兩○兒○皆○雄○不○可○竝○棲○鼓○瑟○擊○筑○憂○來
強○推○豚○蹄○黍○酒○神○其○祐○之

武遊郎

漢武帝笛曲

黃金屋兮阿嬌尚衣軒兮目挑北方人兮傾城

蓮句云
不媿秋
風詞堪
稱茂陵
客

百華舞兮骨鳴心有欲兮未厭惜容華兮易殷
處帝宮兮若囚美八駿兮遨遊積翠池兮湯湯
蔚金檝兮生香縹玉笛兮叫雲呼青鳥兮巨靈
駐金母兮龍車命玉女兮咀花莽自許兮仙才
願從邁兮龜臺

無愁

北齊後主琵琶曲

無愁酒酒如澗無愁肉肉如陵無愁國家國家
有金城嘉爾鄴水獻我天皇后之璽我有珍珠

蓮句云
語諸而
調高

為后造車何必往周市黃花秋不落歲歲清觴
酌外有國師眇能視內有國媧補天角聞道江
南唱莫愁此乃是我無愁天子之好逑
國師和士開
國媧陸令萱
黃花穆后小字
伴侶 同上

蓮句云
李王孫
灣頭詞
妖宕此
作孤峭

鱗鱗魚鷓鷃鳥漢宮之木聯理好有情無情皆
伴侶寡鵠單鳧吾不取坐同匡牀出竝馬願得
生死不相捨卿非卿我非我日共命五月五日

絲繫定。長命絲不可斷。琵琶絲。膝上按。攜出三
堆看獵夥。更殺一圍制。日可。馮小憐以五月五日進

瑤臺第一聲。武才人初進時教坊獻此

昨夜瑤臺失鸚鵡。飛入王宮作女主。寄言瑤臺
阿母勿為儂。苦見天子庸。知非福祐一聲高唱
入紫府。天下白鶴青鸞敢鳴否。

春光好。天寶羯鼓曲

殷其雷。在樛櫨之下。春為我春夏為我。夏有勅。

賜汝柳杏開。莫使徘徊過春社。爾花不聾我鼓
不啞聽之聽之鼓無當于五聲而八音之領袖
也。

荔枝香。長生殿小部音聲

彼側生兮人知其色。味不知其馨兮明馳千里
七日而至華清兮絳紗籠之一殿紅雲兮瑤肪
瓊液如嚙十八娘之唇兮彼美人兮含玉魚而
取涼津兮慎勿多啖此熱物恐傷君兮傷君之

蓮句云
有金輪
皇帝籠
罩一世
之氣

蓮句云
味自向

中花
中着想
乃阿環
風流亦
可向鼓
聲中着
想

遠條云
宮闈奇
詭自無
外家寒
後態此
更如秦
時毛女
飛出宮

稽別有
靈氣

齒如蟲蝕花莖兮雖曰傷之齟齬一笑又消魂

今荔枝有十八娘者閩王女所嗜故以其名
名之山谷題楊妃病齒圖云多食側生

○三變梅花歌

紫髯客庭前一梅樹其出五其年蓋百矣忽
作千葉玉蝶狀未幾開一枝作梨花狀未幾
開一枝作海棠狀客曰異哉乃屬曾波臣為
三變梅花圖而予題其首

白可紅卑可重可以海棠晨睡可以梨花夜溶

蓮句云
天然天
然

不知三女為粲奔密公不知一女三少歸申公

為君醉壓李暮笛梅花三弄移羽宮莫教老幹
飛成龍瓊鱗瑤甲狼藉乎吹香弄影之春風

○玉龜四章 謝孝陵也

或曰龍升兮于彼九關或曰龍蟄兮于此龍蟠

之山解一赫赫金陵昊天其命之金陵作陵玉龜

其正之解二皇何來皇覺衲聖何去聖僧塔世壽

國年僉乃禪臘解三傳法王印現人王身暫游影

蓮句云
去來
起分明
指與

寺永宅幽窻同恍共惚不知境之虛真四解

○梅花落

梅花落落亦不足嗟飛仙豈復戀遺蛻會使黃
上生雲霞有時未忘人間約安妃英妃入簾幕
玉容秀靨紛相謔君不見南國佳人怨標梅何
如蚤趁落花來

雞鳴

雞鳴雞鳴此非蒼蠅聲喑喑復膠膠君子當夙

興努力及少壯世治羞賤貧鳧鴈不足弋何不
往弋功與名黃金結交親若弟兄豈有弟兄不
如友生琴瑟既好合堦筮宜和親儼籩豆吹玉
笙祝爾兄弟爲王臣同授侍中郎衣錦歸故庭
常棣何鞞鞞桃李舒陽春驚嘆世情換黼黻王
道平賤妾亦復被象服回念當日聽雞鳴聽雞
鳴不可以聽牝晨

○舊京歎

蓮句云
情事可
憐

乘無驢渡無楫食無米侍無妾閉門則悶今出門而踏盍歸乎來今吾有吾故鄉之蕪業揖枝頭之翠烟今且不與子接矣

八索詞

蓮句云
輸贏字
鮮巧

儂輸一片心贏得好夫婿焚香世尊前折簡以相遲為恐郎移情從郎索盟誓

蓮句云
咏句奇
險八首
中最佳

郎眼能攝儂如芥吸于珀佯嗔舉玉梭魂亦隨之擲今日幸團團從郎索魂魄

蓮句云
與還君
明珠各
一傷感

郎身到處牽郎口復不慎將儂誇語人妬者讒將進儂實畏人知從郎索舊贈

蓮句云
好容易
好情性

郎為天下才寫物有如鏡儂慙無好容差勝或情性欲附青雲垂從郎索佳詠

蓮句云
第二首
奉倩

生來嬌不耐炎天紅汗濡浮瓜苦未足嗛嗛茹玉魚欲抱嗔郎熱從郎索涼軀

蓮句云
那得此
佳弟子

女紅誰不工性獨愛文藝日以郎為師不辭儂作弟織女巧休貪從郎索餘慧

蓮旬云
夢從郎
索妙
蓮旬云
初之盟
普八之
永訣二
專願墮
習氣吾
所不喜

辛苦事長征殷勤囑珍重送郎并送春籠鸚亦
相痛角枕半邊虛從郎索新夢

剪髮結同心明明有如月人言郎負儂羞恨誰
為雪以死嘗試之從郎索長訣

南山四章為丁徵君頌也君六旬之前一

載桂吐異色而長郎舉于鄉次春復見

芝草叢生人謂雙瑞是以頌之

南山有桂五色七香臯塗合浦閩河玉梁維君

家之祥○南山有芝三秀九實螢火燕胎玉脂

石蜜維君家之吉○君子既用如桂斯棟君子

既效如桂斯權乃葩乃穎為百藥先老人食之

宜永年○君子將驅汝芝則車君子將獅汝芝

則龍乃根乃莖為神仙肉老人食之宜辟穀

雙烈引 弔鳥鎮戴氏二子婦
之懼辱而自沉也

有雙其鎮一鳥一青青即不可知鳥則水已青

○有雙其烈一死一不生生即不可知死乃千

秋生○爲歌乘舟不子而婦於乎其古之共姬

乎一火一水誰曰女而不婦○爲歌凱風姑而

不母於乎其今之貴梅乎一雉一魚僉曰婦也

而母楊升庵太史嘗傳唐貴梅矣今傳戴氏二婦者爲歸安茅鼎叔其事其文悉敵耳

○鞭虎探龍曲

祭忠貞公也公祠在虎踞關烏龍潭之間其配享者爲道

逢翁樂

清樵夫

仙不教以玄而教以禪也關之上匪虎匪石鞭

之若禽嗟與仙同旋兮○樵不歸于山而歸于

蓮句云絕勝魏晉郊廟

歌

水也潭之下有龍有珠探之猶蜓嗟與樵同止

○追和晉桃葉歌

桃葉安往哉桃花自婀娜對景多所傷辜負花

看我

當日渡江人以手不以楫今日江空流有楫亦

難接

王郎不憐花獨憐葉與根也嫌花太放曾不受

蓮句云此二

尚齊梁
旄語

殷勤

○○十眉謠

成都大慈寺画明
皇按樂十眉圖

一鴛鴦

亦名八字

蓮句云

譜出眉

語

鴛鴦復鴛鴦被底常為侶寫作雙眉兩分去有
時眉上暗通辭分明却是鴛鴦語

二小山

亦名遠山

螺黛五斛費如土泥美人嬌嬾一簣輒弛淮南
小山煩為賦之

薛諧孟
云亦有
年類矣

三五岳

我聞世尊相毫如五須彌卿卿非鑠骨胡有五
岳眉

四三峰

蓬瀛與方丈圖于華蓋上君王好神仙晨夕欣
相向但恐下有弱水一寸餘溺盡千古英雄七
尺軀

蓮句云
麗詞中
大警悟

五垂珠

蓮句云
讀曲歌

妙手

蓮句云

既能竊

藥而奔

天上應

可獲罪

而走人

間

蓮句云

雙剪不

借如聞

燕語

眉端吐珠光。不獨髻上有。誰能摘取不。

六月稜

亦名郤月

神龍藏指端。樂部棲鼻肉。羿妻獲罪走人間。摯
兔携蟾眉上宿。

七分梢

燕燕飛紅爾襟。烏爾衣借雙剪。剪愁絲。雙剪不
借飛入花陰。却畫雙剪長鎮眉心。

八烟涵

三眠楊柳千眠草。朝朝暮暮烟如抱。粘上深閨
眉兩道柔嫩。春風豈能掃。

九拂雲

亦名橫烟

曉起理絲髮。紺雲拖象牀。邀郎畫眉色。直與雙
鬢侵笑問。將無長。

十倒暈

日月暈占風雨。美人喜時春風舉。欲占美人情。
但看眉上暈如許。

蓮句云
正恐陰
晴難量

○江南弄 梁體

美人遺我扇頭書，出沒縹緲烟中。鳧中有何言，
弔故姝弔故姝。霍小玉得才人不能束。美人遺我雙遠遊，
謂我賤之與履。侔得為君履，他何求。他何求，求緩計。屢方新君莫棄。

○夜飲朝眠曲 隋體

憶飲時仔細，裏春波。因勸杯還止，非醒色自醜。
倦深羞說卧半髻，壓纖羅。

憶眠時艷葉覆，初花重。寮難透，日複帳不聞鴉。
郎起驚殘夢，嗔言獨睡佳。

○白頭吟 有序

椒羽有茂陵之寵，閨中怨言聞于外。余戲以韻語譜之，不為附會，取其真率云爾。

今年喪一子，郎笑妾獨啼。啼笑為何故，云將置新姬。

郎君賣才華，馳騁章臺下。寄語章臺人，才人安。

蓮句云
才人可

鄧如是

可嫁

亦曾許君娶但莫娶青樓當時君唯唯今記此
言不

十年如一日常向女伴誇今日訴郎薄先舒兩
頰霞

朋友不責善坐視郎棄婦不敢恨檀郎但恨檀
郎友

棄却當年誓新歌百歲詞祇恐青樓女負郎被

儂啗

不知古女人云何號獅子賤妾弱于螽君心猛
于兇

願與新人居猶恐旁人評薄之既不宜厚之復
疑術

今人不如古那敢望白頭但願一心人青髻無
相尤

麗姬曾買笑長門亦買文錢刀真有用意氣何

蓮句云
正復獅
當攫兇

薛諸孟
云小玉
所云一
生歡愛
願畢此
期也嗟
乎慘矣

足云

○三婦艷為蔡桂張綉剪燭作其主人一張一陳一王

大婦揉丹桂中婦理綉牀小婦獨無事剪燭愁
未央神游洛川上張幕見陳王

○子夜歌

儂言口中渴無梅徒勞勞郎言梅太苦不如東
方桃

春柳日三眠將比春秋婦儂家擁夫婿三眠亦

暹旬云
妖媚不
如齊梁
却有超
脫處如
稼軒之

如柳

呼鬟買花栽花須並頭者錯持瑞香來被儂揉
碎也

與郎合歡久忽然談昔日面如霜後楓復作春
花赤

道郎不相思好夢何頻寄道郎果相思臨風久
無嚏

贈郎真珠箔教郎懸戶裡難道出入間不記儂

簾子

儂有水晶屏盟言寫其上夜起擊碎之無屏不須想

檀郎世希有養郎如養龍破壁忽飛去好畫已成空

○過松陵吳茂申次其壁間韻贈之

相見未晚鬚髮尚蒼談鋒激射前輝後煌
飲戶最下忽焉千觴潦倒醉夢白雲帝鄉

遵旬云 養虎養 鷹外別 有一法 蒼莽 二作亦

雨脚漸短風頭正長天下筆戰憇此小康

○再次茂申韻贈沈君晦昆季

阿兄如玉山玄水蒼季如劍影匣中煌煌

此室雖小不減謨觴北牕試望言思故鄉

霖雨不已道里阻長且琴且酒嵇康杜康

○為魏子一賦覆巢三章

君恩長兮璫燄短巢已覆今有完卵讀父書兮手澤煖

蓮旬云
翻覆得
妙

璫○燄○短○今○君○恩○長○卯○則○完○今○巢○已○亡○讀○父○書○今○
淚○浪○浪○

淚○且○止○君○恩○有○如○此○臣○願○將○何○似○願○君○監○于○前○
王○璫○燄○勿○復○起○臣○父○殊○不○死○猶○可○報○君○以○其○遺○
書○與○遺○體○



國家圖書館. NATIONAL CENTRAL LIBRARY. TAIWAN. R.O.C.

蕊淵集卷三

五言古詩

○五君咏

暇中搜古來卓姓者得六十餘人擇五君者
咏之一王者一大臣一婦人一釋子一道流
其王者出鶡冠疑是趙悼襄王遷史曰卓之
先趙人也豈秦遷趙時其族人取國謚省
文爲姓者故入漢而猶稱王孫歟是用首咏

以著得姓之始云

卓襄王

秦趙本同枝趙號秦乃笑良由悼襄王貽國于
不肖松栢似齊青三戶楚同弔但餘良醫言龐
煖無能療

卓茂

峩峩褒德侯高名世所佩新莽顛倒時不汗亦
不碎龍飛訪舊賢七十老人在設法順人情一

語古遺愛

卓文君

奔是情所爲何必稱奇識洵知才可憐家貧胡
惻惻登橋強郎題富貴不忌得幸哉附青雲遂
覺雙眸特

卓契順

長公自才華何與頭陀事竭履惠州程祇博銀
鈎字獲觀天上人天上如已至所嗟章惇徒大

蓮句云
諸詠俱
高簡無
俗韻此
首三四
句筆太
前

蓮句云
大難爲
他

薛諸孟
云子厚
自有天
在

與卿懷異

卓壺雲

風塵有憂哀久居誠不可咫尺入玄關縹緲雲
端坐金丹怡妙顏燦若新花朵琅簡落人中先
生杳何所

○後五君咏

五君之外益以五君一富人一信義之士一
女冠一文士一忠臣孝子

卓王孫

汶山飽蹲鴟鼓鑄成奇富貴客何足招無端自
貽疾筵前鳳凰鳴壚畔芙蓉瘦猶能甘杜門不
覩君王后

卓恕

會稽與建康相去千餘里停食遠相須懷人果
來止風波不能違然諾重於璽雞黍范張期塵
見於吾子

遠條云
杳然自
遠

遺句云
知画

蓮旬云
氣甚超
逸

蓮旬云
烈士悲
心此中
略見

卓英英

錦江幻文君復聞錦江句疑自墉城來今于易
遷住西華逗紫情萼綠期歲暮仙人亦多懷莫
恨塵緣誤

卓田

每觀淪落人文氣如虹霓三衢喚買舟長嘯恣
東適英雄多溺志慨慷歌虞戚擬之辛幼安二
稼應堪敵霓音逆

卓敬

北燕掠南來惆悵談壬午忠貞具至性仙人贈
以虎下石有少師九族皆網罟不負惟一人泫
然感成祖

○相逢行刺時也

相逢不可得乘車入郎門來時心自切到戶聲
復吞久之郎不出既出亦不言却憶當年見殷
勤何太繁今日含羞處還如妾未昏左顧屏間

蓮句云
但見淚
痕濕不
知心恨
誰

雀右顧帳上鴛。舌底藏深歎。睚中貯淚痕。低頭
窻下坐。手撚衣帶溫。時時自起立。宛轉步庭軒。
欲覓無人地。聊陳宿昔冤。惟郎轉相避。中懷如
浪翻。妾雖諒郎意。道路謂郎諛。安得風吹郎。與
妾同高騫。

○醉中限韵贈呂吉士

呂子負良才。筆墨秋香馥。落落寡應酬。冰壺濯
肝肺。酒德比晉人。允為竹林最。勝肥兼勝痴。俗

士供嘔噦。我來大江南。觸目盡珠貝。波斯滿意
收。得君在人外。匡坐一夕談。五濁今可脫。貽余
數卷書。仲宣乃逢蔡。所嗟遭際同。有如狼與狽。
蛾眉老閨中。鏡奩擁塵盞。吉士未賓王。王朝羞
藹藹。

○和陳道掌韵贈陳道掌

我聞武夷山。曲折如波縠。大物毓陳郎。經學于
今復百寶生。毫端日月掌中沐。壇坫久寂寥。楚

違旬云
賈胡眼
鼻應可
五用

蓮旬云
揮斥羣
雄莽莽
自運亦
有威江
東之氣

然响空谷其言明且清
法器推黃目下士蒼蠅
聲予書不能讀况復吾子文
金泥封簡牘東禹
并西昌高步斯稱獨笑子
食無魚俗士渠渠屋
貧病定相依裘冷心偏燠
伏枕踰二旬研田不
登穀託身有良朋弗藥徐可卜
僕文持贈君君
文又矜僕床頭互評論
毛生髮為禿髡墨便能
知從茲堪射覆一咲傾百壺
擊碎漸離筑雞林
來市文精氣通荒服
醉眼看人間魚魚還鹿鹿

○○讀史至孫伯符甚愛之因念余今歲乃伯

符威江東之年慨然賦此 丙寅作

漢季英雄多風流伯符絕一往看獅兒江東理
殘業饑鷹東西投老狐前虎立君子兩雄間不
借絲毫力喬家女有歸銅雀春無色豫州扇耳
輪西堦漫相識仲謀富家翁應非阿兄敵餘子
不堪懷懷君二十一我生當君年前路如烟織
匡坐無所為垂頭怨編帙編帙忽逢君火熾令

喉渴咄哉好男兒。乃不如孫策。

○○放歸草堂作 和沈叔羽韻

蓮旬云
如此道
心各應
早世

擊楫向中流。矢志有如日。製錦欲登廟。箔蠶未
成室。轉思古達人。富貴苦于桎。幸哉猶食貧。五
鬼何須叱。閉戶自爲娛。落筆風雨疾。舉腕摹五
悲。撫心愧三立。對月堪起舞。拔劍劍光澀。有客
言。鷲虫將飛先歛戢。靜存而踈。虧痴者故自急。
一咲林葉空。萬物從余蟄。

蓮旬云
一種幽
恨囁囁
在耳

○五日看人遣妾

堂前刈高蒲。與妾心俱斷。淚珠不覺垂。紅浪杯
中亂。回首嫁來時。斷玉閉深幔。爲妾延春光。爲
妾尋秋看。春雨飄紅來。點衣不教浣。墻東秋月
明。三影常相勸。感君恩情深。吳吟那敢戀。短短
六年餘。濃膠忽冰泮。幽閨織柔絲。美錦不成段。
封姨未相催。好花已辭幹。客歌換馬詞。妾自悲。
秋扇嘖嘖告空牀。從茲與君判。掩面下階行。有

薛諧孟 云廬江 小吏仲 卿妻千 載芳魂 紙上啼 忽憶蘭 芽隨地 種毘陵 陳郭碎 操枝

月○難○相○見○夫○婿○日○送○歸○雙○鬟○亦○離○伴○去○影○尚○遲
遲○不○信○終○相○拚

○○○為張家佩蘭作

蘭○花○自○開○謝○不○生○大○道○旁○所○居○宜○空○谷○吾○亦○愛
吾○香○三○閭○紉○作○佩○携○之○入○長○江○張○家○有○弱○女○所
志○在○九○章○蘭○花○相○比○潔○屈○子○相○爭○光○十○三○喜○詩
書○自○名○佩○蘭○娘○十○四○事○柔○翰○十○五○女○紅○長○過○眼
皆○通○曉○入○耳○無○遺○忘○羣○居○寡○言○咲○獨○坐○閉○明○窓

不○敢○識○秋○氣○不○敢○踏○春○陽○逮○事○王○母○范○能○使○病
者○康○父○情○與○母○性○調○之○如○飴○糖○如○是○四○五○載○隣
戚○俱○稱○揚○媒○人○來○納○采○云○欲○匹○鴛○火○姻○緣○落○何
所○姓○吳○居○武○康○憶○自○十○五○時○兩○姓○訂○吳○張○阿○翁
聞○女○好○父○母○卜○云○臧○但○謂○孝○廉○耳○豈○知○人○無○良
竟○以○十○二○月○履○冰○入○他○方○嫁○娘○新○出○閤○矯○若○驚
鴻○翔○表○褐○亦○云○美○何○況○紈○綺○裳○珠○玉○竟○無○色○但
有○美○人○光○艷○影○雜○燈○月○盡○態○極○輝○煌○春○色○向○深

蓮句云
看他真
處朴處
老處又
須看他
埋伏處
轉身處
關捩處
搖蕩處
真處

薛諸孟
云悲哉
悲哉此
亦吾里
之奇痛
也似甚
似甚

鎖乃今知無雙之子及期嫁當是家室祥却自
後日看此時女已塲此時道路口紛然預忖量
有人談阿翁聖哉開元皇阿翁欲姓李新婦未
姓楊有人談阿姑德似后妃良樛木一云咏兼
能薦邑姜有人談阿壻衛伋事須防庶幾學楚
建避難早出亾此或惡薄語豈是事之常誰知
入門後所事漸相當大人意難必日皆常汪汪
雖復有夫壻不得同匡牀合卺未三日驅之天

一方謬云當讀書始欲逞其狂阿姑何無言意
乃更深藏相夫縱其欲使之不我防兼欲塞婦
口免令已慝彰嗟哉佩蘭者何以保幽芳婉婉
固有餘安能調虎狼獨居常臬兀進謁每踉蹌
袖中方備办門外又驚麗翁意不得遂乃以衆
苦嘗屏食復屏侍操作不可量間寄尺書歸字
字鑽肝腸言苦不言故父母亦難商但來屢迎
女終不令還鄉蓋自半載別歸寧久荒唐却以

蓮句云
新郎亦
唯唯重
復得妙

翁母歿女家來吊喪殷勤三致意親戚勸多方
乃得暫放女隨父赴歸航哽咽私訊問約畧終
不詳所言歿節意未既亦云將虎穴免虎口相
見如冥茫拜母拜王母少喜多悲涼團聚甫十
日門外報新郎新郎統諸僕父母來倉皇云欲
促女去勿得久徜徉丈人怒向壻新婦哭向郎
汝父無面目汝豈無心腸新郎亦唯唯良久自
徬徨新婦牽郎議我爾恩情長翁姑難共居不

若依爹娘此中借一枝重複理洞房新郎亦唯
唯遣婦啟乃堂乃堂重計議婦人終不剛但畏
新翁厲不敢相抵抗留女勿留壻此則我主張
夫妻重計議似此終不良但知娘女好却使夫
妻妨恩情如我爾安可中道傷新婦思復歎男
兒何披倡豈有丈夫漢無策庇女娘此中不可
共何如私出疆新郎亦唯唯但苦無餼糧新婦
翻入室自簡嫁時囊珠玉出寶篋紈綺離奩箱

一半質典庫一半貨街坊佩飾有釵鐲織紡盈
七襄亦復相料理爛然白與黃閨房共喁喁終
日束行裝一朝辭堂上宣言歸武康阿母持之
泣云何忽欲行女兒怨阿母向日不留郎因茲
不悲涕意氣反慨慷再拜別王母再拜別弟兄
寄語別阿父阿父赴膠庠翩然入舟裏一室皆
張皇王母年八十更復多悲愴緣知王母愛向
比阿母強兼之疑其意扶病下寢牀急切自追

逐尾舟窺其詳行行遠復遠乃入茗菰鄉漸與
武康左前途正茫茫王母命舟子貼泊前舟旁
下舟問何意今當走何方新婦驚自白從此入
吳閭意欲暫避跡何期勞阿娘王母躊躇語此
行殊孟浪本在家中住何須往他邦翁姑索子
媳怒發將誰當踪跡倘無覓訟獄何周章新郎
亦唯唯惟向婦端相新婦慘吁氣雙淚落浪浪
正恐作此論不敢告爹娘今復相逼迫終當葬

犬羊王母聞此言低頭無商量忽聞衆勞攘翁
姑遣追亾新郎亦唯唯新婦增悒快有言亦難
吐有翼亦難翔拭淚不復落撒手不復忙好言
慰王母遙囑謝家堂兒今返夫室不致累爹娘
便可相訣別促舟歸武康王母向東去夫婦向
西行入門見翁姑翁姑聲厲揚歸家泄我醜遠
遁何軒昂室內婆鞭媳堂前父撻郎新郎逐書
館新婦哭空房阿翁見新婦于心終不忘久矣

相剪逼今朝更慘傷囊篋知變易更復搜奩妝

新婦無以應詬厲如勒降新婦扃戶坐哭泣聞

外廂須臾哭聲寂從婢多疑慌房門久不開排

闥入瞻望椅上無所見揭帳不在床面目驚如

土步履皆乖張猛然一舉首鴛鴦乃在梁白練

繞其頸流血漬胸膛解懸手足戰新婦已冰僵

毅氣猶迸射形容如隕黃風日有慘色天地爲

低昂翁姑來相視惟恐耳屬墻昇棺遽入歛不

諱諧孟

云慘哉

慘哉吾

更哭吾

亡友也

蓮旬云

梁字借

用

蓮句云
如此詩
與焦仲
卿妻何
止肖其
咳貌千
古一切
奇痛事
俠烈事
各得一
首便成
一部詩
更

令外開喪。新郎匍匐來涕泗交頤。龐父母屢顧
叱聲咽不得揚。矢志願同穴。久之亦涼涼道路。
相頓足。固知有此場。阿父聞此事。鬚髮為怒張。
阿母聞此事。中心自悔傷。王母聞此事。淚竭目
無光。親朋聞此事。長歌當哀傷。欲彈不成響。欲
拍不成腔。人言張家女。乃為顏色映。不思失節
婦。為色亦被戕。或為顏色羞。或為顏色光。歿同
輕重異。鴻毛與太行。試看桃李花。狼籍東風狂。

幽蘭在空谷。自吐自摧藏。貴賤迥如許。憑人自
比方。豈謂離騷後。乃有佩蘭娘。

○○○五日五君詠

乙丑五日友人爭拈懷屈之詩。然競渡始自
句踐而曹娥之歿。孟嘗君之生。俱堪憑弔。又
介子抱木人知為寒食。而不知為此時。家君
廣之為五君咏。依韻屬和。

晉介子綏

蓮旬云
詠史立
論詩家
所難五
詠簡而
能恣

烈○士○棄○功○名○亦○如○棄○其○股○胡○為○中○野○號○子○獨○得
樂○土○火○攻○固○下○策○含○咲○勿○含○怒○火○中○見○龍○逢○虐
焰○同○膏○雨

越王句踐

甲○幟○耀○晴○波○江○濤○助○高○壘○如○墨○亦○如○茶○蛇○豕○憐
不○視○一○鼓○獲○仇○讐○似○薦○江○中○鮪○如○何○蘇○臺○平○觀
臺○復○經○始

楚屈平

文○士○如○幽○花○境○窮○香○更○發○自○憐○寧○自○摧○我○頭○不
受○摔○江○水○盪○文○心○應○與○江○同○歇○鄙○哉○相○九○州○螢
光○爭○日○月

齊田文

游○子○誰○堪○託○斷○絮○空○中○霏○咄○哉○雞○狗○兔○座○上○走
與○飛○英○雄○耻○仰○食○不○爭○門○下○輝○三○千○無○一○士○奇
客○皆○安○歸

漢曹娥

蓮旬云
諷語古
淡

蓮旬云
賈生受
此一唾

蓮旬云
詆笑語
全是傷
心處

蓮句云
面出女
英雄

薛詩並
云此詩
遂成奇
識宿終
如是為
之奈何

蓮句六
俯仰間
自然成
辭

弱女可憐生氣共江湖。恣筵簌響寒波。驚破波
間翠躡。巫往龍堂。披髮正酣醉。游魂慘相持。終
古如初墜。

○如何猶憶此是破筆第一首
時在壬戌夏秋之間

如何千古恨。盡貯余懷裏。世上殺英雄。蒼蒼亦
如此。有眼難向天。無朋將覓鬼。唐衢哭是痴。劉
生醉亦鄙。我欲踏蓮花。消此宿塊壘。

○夜吟

俯首理愁端。白月逗人仰。三星扶月來。痴作美
人想。艷影擬入房。蕉枝橫相攬。躑躅自迎之。臨
窻承以掌。秋雲忽然生。明珠覆重網。失我掌中
人。階蟲發悲響。

○代內悼女伴詩四首

余婦丁有姊。歸陳一表姊。郭歸胡一姒。汪一
娣。沈四人者。其容與德不相若也。而皆與余
婦稱莫逆。其境之苦樂不相若也。而皆不壽。

蓮旬云
各各得
其性情
絲髮畢
肖

其年或二十或三十不相若也而皆歿于一
年之內燈下言之不勝擁髻之感代爲悼詩
有姊初于歸夫壻爲狂喜胡爲病不憐拔杏而
栽李長喟入黃泉眼中丁去矣同賤不同榮難
與天爭理須拔眼中丁
宋真宗時謠
有姊姨所生視余若親妹一旦嫁于胡揮絃歌
出塞昨歲偶逢之無端涕相對不意果長辭佳
人悵難再

有娣靜于雲噫嗟命如葉舅也宦遐方狡童冷
正業舉案事嚴賓霜天汗常浹生不如死安怡
然就封鬣

有娣自洲錢來結閨中友生爲才人兒出乃才
人婦疑是女休文帶圍日移紐花落子不成當
恨東風否

○題竹窻銷夏圖

此君饒秀野能使煩懣刪恨無居可種種此尺

蓮句云
龍鳳語
當刪

幅間更移遠峰至好襯冰雪顏幽人何為者將
無稽與山晨夕晴雨際領畧殊不閒鳳來吾欲
附龍去吾當攀冷風透肌骨從此犯銀灣

○ ○ 淶水歌

可憐前溪水桃李昔云賒左流鄂不去右流千
片花花鄂壞水色紅泉以相誇奄忽風氣改歷
歷栽桑麻惟餘一泓淶淶于窻上紗窻涵茜裙
影乃是天半霞亦有霜葉墜認作香紅拏竹桴

詞云
涼中
深秀
氣宅
八直作
吊古語
往往倉
父面目

聊遡洄縹緲星漢槎深入何所見村婦首如鬢
荒塍有遺秉墻角懸枯瓜休文臥何處子夜嫁
誰家古樹黯無色辭鶯而受鴉遙聞山寺鼓日
暮聲三搗聲聲怨溪水滌盡古繁華鄂不之不
與柎同

○ 贈細君丁楣字雲想

昔有女子芊容華桃李靚先庚三日生後甲亦
相等厥父為祝融厥舅為玄冥遙遙神明胄至
今文采炳火配水宜壬柔從剛則丙余以丙午

降褰修爲余請拂几陳鏡臺踞床啖胡餅碩人
頽然來衣裳皆以褻進酒調絲絃釋書理瓶綆
荆釵慕鮑桓綉幃思譙先更其名曰楣此意可
深省婦人持門戶不亞丈夫猛吾乃君之楹君
乃吾之筵何須古栢梁何須飾文杏自吾得之
子室家革而鼎生女勿悲酸好歌真雋永
丁芊嫁玄冥之子壬韓昌
黎詩云女丁婦壬傳世婚
祝融之女
三湘采辛夷高置吾門閣晴霓回帶之白雲自

棲歇葯房繚以衡其香紛秘醇在御有瑟琴清
音度林樾結交貴結心豈在雙絲髮白頭矢如
新相歡不相咄賭茗亦醉人談鋒頗英發有時
效叅禪天花散十笏春深共饌饌歲暮煨榾柮
晨昏樂嘉賓渾忘坐磨蝎巍峩夫人城窈窕神
仙窟女誠進士才男少封侯骨頰年被放回室
無金谷罰何羨七夕盟世世情無闕在南願爲
鷓在北願爲蟹試看雲中君永伴人中月

○贈沈梯生四十初度

辛未八月

詩書最靈妙。能補怯夫胆。三世傳一經。平地復生敢。梯天踰八門。蓬龍拂玄髮。衆手摘榆星。明月讓君擘。顧影好容儀。的的封侯領。暫息南山陽。躬畊。有噲狂嘯。閒自娛。壯心寄鉛槧。風雷吞吐間。霞鮮或烟黯。聲來林木驚。氣溢江波撼。一瞬四十年。疆仕有餘感。唾壺敲已殘。攘袂鼓坎坎。羣峯列劍鉞。排闥一流覽。蒼者曰蒹葭。紅

者曰菡萏。秋光麗于春。秋香亦云醜。何必學桃李。早歲鬪濃淡。咄哉今之人。浮名恣相噉。蜂糖豈不甘。母寧取橄欖。及茲露未霜。露在杯中湛。呼朋游醉鄉。命妓舞華毯。佳兒復解事。芼之以玉糝。

公羊高生平平
生地地生敢

○玉蘭花

寒梅既已零。梨雲意猶歛。如何女墻頭。忽復起光艷。云是瑤臺花。辛夷名可驗。齊紫不復披。素

蓮旬云
傾吐殆
盡有與
花礫礫
之意憶
徑山三
門一株
花開拂
雲可當
此咏

蓮旬云
每懷三
十年來
散佚諸
稿與花
朝月夜
閒思往
事同一
苦趣今
誓不追

練何其褻此婢太肥生。妙舞霓裳占合之離騷
言門楣信無忝曾聞陳朝歌後庭照冠劍唐昌
觀中開感召仙娥覘入宋號無雙廣陵看不厭
茲花是與非今昔勞思念須臾皓月來花月兩
不欠輝與輝相涵態與態相閃有若霧茫茫亦
如波潏潏空濛不見花微香散茅店香以比蘭
莖潔比玉無玷或指為管城江郎藻初揆惟予
欲闢之急揆手中槩

紫者曰木筆白者曰玉蘭即辛夷也

○○兩年詩稿為小奚失于路次悵惘累日探
諸腹笥十得三四耳因名之曰憶艸而作
詩紀事

癸酉甲戌間跋涉千餘里寫我下第憂略探山
川理盡托毫素傳遂盈數十帋一朝失康衢悔
不謹護視貧士無餘貲所寶墨汁耳墨非烟所
為金壺之骨髓自慚文未靈何足忌且喜乃煩
六丁來不知其所徙將無王孫囊忽焉擲糞矢

或復覆醬瓶。或復投火水。載路號于人。纍纍一
狗子。人謂我何求。告之翻冷齒。寶玉與大弓。著
簪兼敝履。意薄互相輕。情鍾各云美。脫丸不成
蹉。匿采不名雉。澄心追憶之。忘者實多矣。世無
記事珠。安得靈檀几。僕本澹蕩人。于此難已已。
無異富家兒。惜錢不勝鄙。

○舟中慰婦

男子志四方。婦人守蠶織。乃以柔懦身。而欲散

遷句云
叙次宛
若對語

胸臆既許。逐鷄飛。豈能顧鷄肋。兒女牽衣裳。喁
喁送行色。父曰。母曰。嗟。長江使心惻。相期蚤旋
歸。相諭慎眠食。天明辭里閭。日暮踰邦域。輿圖
夙所聞。風景今始識。土音羞應對。物味昧償直。
剝獲多可喜。瀕危亦巨測。風逆憂繩脆。風順驚
帆側。冷手捉人臂。常恐欲顛踣。偶然巨浪興。便
向被中匿。余為指金焦。浮沉類萍實。心乎雖愛
之。足軟不能陟。穆穆躍金波。碧虛淨如拭。此時

君顏開推蓬望鄉國。月落水不明。霧起雲爲墨。
予方醉華胥。君更虞盜賊。危坐數問夜。曉鴉何
默默。鴉默鴈有聲。哀鳴來自北。屈指數日間。愁
多喜偏嗇。本以勝情來。濟勝却無力。間思范忠
宣。携婦捧遷勅。橘洲觸風波。閨心苦于蕙。此非
章惇爲怨尤。則已惑一笑。勿復道。濟河在明豈。

○雪中讀冰艸

雪中讀冰草。高寒不可道。冰柱闔其妍。雪花失

其漭。世上熨客多。亦知此物好。喜濁而惡清。謂
朱勝于縞。作者請勿疑。自有波斯老。滿空撒真
珠。餅盜凝瑪瑙。一卷冰雪文。錯雜山川寶。光焰
萬丈長。如彼日杲杲。豈有李杜文。將之問育媪。
願遲青腰君。杯酒相論討。

○○梨花

庭中有雀樹。絕世無與偶。醉顏不如桃。神則全
于酒。舞衣縞不碧。致乃過于柳。貴客煙霞姿。如

蓮旬云
詠物如
此可稱
神駿

蓮句云
字字寫
其神髓
復落蒂
酣暢

彼青蓮。叟婦貌。英雄才。如彼赤松友。梅花自幽
妍。放誕實未有。李花雖能仙。瑣細亦可醜。未見
曼陀華。庶幾類君否。

櫻桃花

庭中有佳樹。娟娟影亦好。清如璧人清。體弱慧
偏早。艷如詞人艷。一卷香奩稿。唐棣生墻隅。形
穢自羞惱。海棠來比肩。交光映芳草。曾聞鄭家
男。石虎為顛倒。又聞樊家女。狐媚香山老。不知

看花人已自亂懷抱

救桐

高桐立檐外。扶疎其條枚。有意憐。熱客清影覆
蒼苔。數日滄暑雨。風水相喧。逐長風摧爾。杪鴻
水。汨爾芟枝枝。暗樵悴葉葉。皆虺頽。譬彼良友
病。使我顏不開。將欲托生死。問是誰責哉。荷鋤
取乾土。躬向樹下培。骨索繫腰領。以當避風臺。
書空作祝語。天年永無災。曉暮偵色澤。為君拂

蓮句云
可謂利
之良友

塵埃自有清音在何用斲琴材

○泊烏鎮不寐作

逆風逗歸期今夕寄淺港月出人不知閉戶若
螺蚌遠寺燈微明未罷老僧講自嗟有情癡誰
賜德山棒搔首無所聊得句投敝鉢須臾喔喔
聲荒鷄引其項

○雨甚水溢懼而作歌

癸酉五月湖上作

可寢不可行可樓不可下天墜卽未然所慮天

蓮旬云雨甚水溢溢而成詩黃河落子胸次海水寫于行間

河瀉日高疑黎明初寒竟忘夏油衣固無功亦
莫恃吾瓦榱桷多漏痕滿地列陶冶頻携書復
沾已破牕還灑颯颯聲甚雄人語遂如啞門外
長簷車不辭而自寡篋筥蒸莓苔薪木茂棲苴
竈滅難更燃產毒怒于馬沼決魚潛逃巢漲鳥
皆捨呼童摘園蔬寒裳愁沒踝仰指龍背人會
須碧翁打小民日怨咨官吏云祝嘏夜聞腐儒
商變置里中社我輩獨何爲各引三百竿將以

浩○蕩○胸○敵○此○滂○沱○者○

水○哉○浩○浩○乎○忽○已○逼○城○下○城○中○地○勢○卑○湖○高○易
為○瀉○疏○鑿○久○不○聞○神○功○念○虞○夏○非○惟○撼○岳○陽○恐
及○晉○陽○瓦○正○可○比○西○施○沼○吳○以○容○冶○雨○師○不○憚
煩○猶○復○大○揮○灑○競○競○震○方○來○詎○能○笑○啞○啞○側○身
無○所○容○况○乃○庇○鄰○寡○晴○明○在○何○期○屋○上○費○補○苴
此○時○濫○瀕○堆○想○當○大○如○馬○寄○語○弄○潮○兒○莫○將○賤
軀○捨○久○居○污○濕○中○瘡○痂○欲○生○踝○衣○黥○童○不○知○空

拈○竹○篋○打○羊○舞○洵○為○妖○豕○涉○終○非○叡○念○彼○如○來
力○相○與○結○蓮○社○市○肆○停○屠○刀○華○堂○止○杯○竿○但○笑
紫○垣○旁○誰○為○爨○埋○者○

○用林用始韻送王無擇歸閩
無擇名訪箕曾弗人之門人也

望○君○歲○歲○來○情○如○環○不○已○恨○君○來○忽○去○迢○遙○幾
千○里○結○客○遺○形○骸○讀○書○賤○口○耳○弗○人○作○爾○師○不
帝○聘○與○喜○下○士○或○笑○之○道○則○高○美○矣○間○從○圯○上

逆句云
高文老
筆

蓮句云
名士一
獨

游長蹠進隻履他日西河民疑汝于夫子

論交論浮名曾不如其已朱絃僅三嘆和多必

下里犬相吠以聲士相貴以耳安能學狙公而

博衆之喜富貴吾自有成功斯退矣隨時龍可

乘得道虎堪履吾當夢周公君試訪箕子

○○○五月十三登燕子磯次大人韻是日漢壽侯壽日也

亦名竹
醉日

春去燕不知銜花坐忘老花開江瀲紅花盡還

蓮句云
余詩作
于甲子

其縞五月落梅時江南常苦潦芳樹埋雲烟亂

頭被麤襖今朝霽色殊洛川覲甄嫂醉竹新者

高老成避雛天緋衣石家姝笑侮綠肥媪可憐

髯將軍吞吳不成討千載賽生辰吳兒強修好

朱旂粲烏章銅爐燹龍腦廟貌隣普門英雄氣

蠲掃視彼善財童慧悟無晚早鳴夷豈不豪未

聞大乘道彼江起濤山此江練堪擣遂令游冶

人舟若戲魚藻臨流亂石間兩兩共班草俯仰

甲戌和
韻則精
悍之氣
見於眉
端

蓮句云
步韻極
變化之
妙

大圓鏡一色清且浩。大叫發狂歌。石公爲絕倒。
登高失山容。遡洄山入抱。如僧剗自肉。肉盡而
骨保。屹立首獨前。接引諸悲惱。萬里瀉胸懷。身
心恣吾澡。安得心石同。不分樗與栲。堅固無沉
淪。壽命等穹昊。于此石田中。靈苗結紅稻。蓬心
既已薶。交梨失火棗。猶嫌此竒峰。太偏京師堡。
弱水倘間之。何必減神島。年來洲渚增滄桑。將
莫考姿格本權奇。掩之以文襟。怒猊困于闌。天

馬羈于阜石燕定能飛。豈甘草木稿。

○再壽丁翁二百言

清福天所私。惟贈惜福叟。致祥當以和。載物當
以厚。仁壽見孔書。恭壽出武口。老子無他長。雌
與黑爲守。丁翁真古人。渾然璞未剖。莫覩喜慍
容。莫聞臧否某。使人坐春風。亦若飲醇酒。姓名
避賢良。宗黨稱孝友。所敦在春令。乃至棄田畝。
兩兒非常兒。一婦不再婦。種德于厥躬。歛獲在

蓮旬云
如八萬
獅子坐
安置淨
名室中
都不逼
窄

子手榮華紛沓來翁更循墻走衣我敝縕衣羞
我舊糧糗坐我無垢軒窮達總弗垢君家茂孝
子白鹿翔左右亦有玄真生善嗔毒龍吼以翁
夷粹心異類自可誘雀髮不妨絲童顏妙非黜
自耆而達頤歲歲樂胡耆三多多其中四必必
其後

○○○穢園

家君題園中十
六額見絕句中

瞻彼清涼隅有土擬清泰直樹何婆娑蓮旬薄

車蓋降生徃生者不出阿堵外淨穢非二區想
根卽情帶藥味燻心魂茗香辟塵堪四圍山若
無一綫江非隘山巒與江汐起伏更同態有無
廣隘間分合異同界迷悟領略殊巧拙總難繪
肩耬浩月隨頂笠閒雲藹龍虎依經壇白雀聽
梵唄法鼓建高峰慧劍浴澄瀨青螺堆髻形赤
虹卧爲帶堆可灌醍醐卧宜餐沆瀣家非家一
如世出世何礙輞川居士流離垢先生輩五柳

蓮旬云
予有惠
泉詩唾
其名根
兒獨錫
以美謚
直是一
殺一活

四○松○人○禪○心○未○云○逮○牧○豕○非○所○安○亦○不○隱○牛○僧○
深○坐○一○蒲○團○癡○膜○遂○將○蛻○動○靜○憶○忘○齊○持○名○得○
三○昧○何○須○遠○遊○行○心○在○諸○佛○在○曹○溪○卧○具○濶○我○
亦○衣○襪○大○罩○却○四○境○前○衆○華○處○囊○袋○佛○非○彼○土○
來○華○不○從○人○巧○以○此○供○養○之○破○顏○笑○相○對○
○過○無○錫○酌○惠○泉○而○甘○之○得○錫○字○
山○泉○謚○宜○惠○派○真○柳○下○滴○水○固○不○厭○清○冽○則○齒○
牙○激○所○以○朔○也○工○局○與○夷○爲○敵○茲○山○何○童○童○不○

恭○而○袒○裼○蒙○流○寫○聖○和○吉○哉○常○惠○廸○井○養○無○有○
窮○衆○收○勿○之○幕○釀○爲○養○生○主○沈○酒○高○陽○酈○游○人○
千○里○來○河○干○艤○輕○鷁○珍○重○抱○持○歸○文○火○燃○鑪○鬲○
視○同○瓊○池○水○罔○敢○棄○涓○滴○翻○妬○山○中○人○饋○餽○于○
茲○浙○醜○沐○皆○取○之○乃○至○供○泝○澗○遠○近○難○易○殊○貴○
賤○因○以○析○何○况○古○真○人○聲○名○施○蠻○狄○草○木○不○隹○
枯○胎○卵○無○敗○殞○鄉○閭○詎○知○恩○狎○侮○龍○爲○蜥○戴○屋○
忘○匠○賞○飫○餐○負○農○勸○心○或○未○水○如○色○然○起○相○閱○

蓮句云
以一菽
句形出
千尋之
高

泉惠溥于海而無怒與擊寵辱都莫驚淵淵自
幽間錫邑我頻來名泉今始弔惠者勿居惠錫
之又何錫弔音的

○ ○ 靈谷得谷字

甲子知幾何喬木老幽谷龍蛇影千尋人乃如
一菽結伴立其下心氣爲之肅登塔一嘯呼字
字響相逐疑彼叢中神止于林外屋入寺翠微
微出寺風謾謾西湖侈九里寂寥剩三竺秦封

蓮句云
今已屢
有禿時

自言榮五耳不成六誰知十八公于斯聚國族
明月漏繁枝照我髣絲簇慨然起長喟惟君永
無禿

○ 後湖鏡空亭觀荷得鏡字

亭係焦澹園太史建旁有長生

館爲放生地

美人天一方古錦覆空鏡粉澤熏染之菲菲氣
何橫魚戲東西間四顧綠天淨于彼香光中安
立爾身命堤沙滑以柔塹土平而復繞城十里

餘人跡幾于屏曠。邈全魚樂幽閒。愜花性魚不
將花戕。花不爲魚病。有情暨無情。等等咸以正
誰歟。矧此亭。焦名過昔孟蓋。取適天機。非徒理
觴詠。枝枝起爲壽。鱗鱗笑相迎。結社擬廬山。妙
選群賢聘。忽爾花如輪。坐見西方聖。

蕊淵集卷四

七言古詩

○○○前溪曲

女郎墓
下作

遠條云
誰家女
郎向夜
整中得
此哀詞
如拾滯
中之葉

前溪歌舞春花艷。歛魂聚魄千秋怨。至今風雨
 葬紅顏。棄擲還如麻。泉賤誰家女子填。蒿里愁
 心絮絮烟中語。雲氣深沈午不開。遙山隱現愁
 眉舉。素袖驚同冬葉翻。離鸞抱影嘯高原。此夜
 新愁感舊鬼。一時枯竭前溪水。

蓮句云
猶聞此
女抱字
而泣

○○哭美人失嫁而死者
風○開○柳○放○却○桃○花○走○桃○花○無○計○自○留○春○宛○轉○頻○
回○首○獨○嫁○東○風○尚○難○耐○何○堪○又○雜○楊○花○隊○東○風○
非○不○憐○桃○片○特○捧○香○魂○入○霄○漢○桃○花○心○自○在○枝○
頭○似○此○相○憐○不○如○賤○畢○竟○隨○風○入○濁○泥○萇○弘○血○
點○猶○餘○艷○我○今○且○莫○罵○東○風○瀝○酒○臨○風○弔○故○宮○
夜○深○鬼○唱○前○溪○曲○猶○聞○自○哭○包○明○月○

○讀沈子旋磊菴集

沈子爲詩何忽然乍生乍衍如春烟筆端歷歷
清可憐一泓遠水浮綠錢自言善病精神孱今
人狂恠不敢沿李賀小兒成蟻羶漫言天物供
漁叟作詩當窺古人全才士誤人不可痊近日
鍾惺稱獨賢沈子議論多相牽穠詞激調無留
連高懷澹澹聲淵淵寒氏得詩欣相傳秀初讀
之日眴眴明月飛來余牕前

○觀吳姬演劇歌

和椒
羽韻

美人未出揚光輝。青山銜日燈隱幃。響屨能令
四筵起。舒音獨繞檀郎飛。初聞清越如叩石。再
視彩雲幻朱碧。客有眉言未可通。秋魂細逐湘
裙襞。羨殺瞿瑜曉未收。一夜承君雙鳳頭。微風
欲起誰持着。曲罷遄飛空自愁。

○題畫

烟中瑤草紛于綺。松影離奇天外倚。下有古石
何崎嶇。冉冉玄雲出其裏。木公乘鷲事遠游。九

光長跼供天醴。阿母微醉披靈文。香堦十月春
風起。

○雁不來 有所
候也

雁不來。秋已暮。初春一紙書。曾寄雲中羽。今何
時。無尺素。不愁來日乖。但恐去時誤。蘆荻方高。
毛衣如故。胡爲乎久留。遐方使我夕。意如烟。晨
心若霧。頻驚木杪鳥。錯認沙汀鷺。目斷玉門關。

上路

○贈相士倪懷山和張君一先輩韻

二十已踰三十少十五明經自慚老幾許無鹽
入後宮承恩不在蛾眉好無端唐舉漫相驚馬
氏鳶肩魏公惱笑余從子覓功名何如欵枕邯
鄲道

○夢中謠

皆用平聲字

揮鞭空中蒼虬馳閒隨仙人觴瑤池長風颺颺
欺孱肌朱烟玄雲相高低耕龍如蛇紛躩踞青

之句云
外具仙
姿與凡
聲自隔

童摩挲鱗之而華堂天厨非薪炊猩唇熊蹯誰
云侈真珠初斟玻璃卮瓊漿充喉長無饑華鬢
佳人青螺眉爭持竽笙鸞鳳啼雙成蘭香來何
遲雲和新彈玄卿詞魂雖消兮心夔夔塵情將
萌麻姑答須臾雙函開金泥其中琅書光參差
殷勤貽余珍藏之當爲人間文章師牙籤相矜
同牛齒誰從琅環收談資欽承隆施從茲辭歸
途旌幢何委蛇遙看紅塵皆醯雞孤蟾亭亭開

心脾安知良宵今何其。

○○題鸚湖陸狂生乞巧文

和徐野君韻

鸚鵡湖邊鸚鵡語。鸚鵡之洲著于楚。狂生一賦不堪陳。別有狂生轉機杼。狂生本是瑄朗星。曾與天孫並棲處。謫向人間作慧男。千年舊樣齊翻去。流黃日就兩三尋。纖妙踰于宋人楮。想得銀河萬斛泉。一時瀉入心胸貯。佳人豈但贈支機。狼籍天機盡相許。亞之子厚空自勞。不及狂

蓮句云
絕類狂
生手筆

生澹容與趙氏。抽絲薛氏針掩面而啼。首難舉。濯向鸚湖鸚鵡。慚歷亂驚飛失倫序。

○邵翁夫婦八十雙壽

白頭翁伴鸚母。黃頭兒領鳩婦。森森玉樹不知名。笑向東風齊拜手。階下調絲堂中進酒壯心猶存。擊碎壺口帝都不可游。天衢任吾走天衢。仙府須朝叅老夫。筋骨爛不堪。且復高卧師吳蠶。歲莫常如三月三。皤然一個小嬰男。今日初

生此老聃飲既醉矣哺可舍夫妻高唱望江南
首句用諸葛元遜張輔吳
語末句用仙人伊用昌事

○聞蟬有感

曉聞一蟬噪遂滿嘉樹林愛爾有清癖嗟爾無
遐心吾聞調高和者寡爾獨有意聯朋簪吾聞
清者畏人識爾乃抗袖求知音志潔談愈熾類
繁誰可禁殆欲比鳴鳳羞彼仗馬瘖豈惟羣小
憎美人不覺頭岑岑餘響方未絕戢翼已就擒
須臾葬之螿螂腹使我長嘆停瑤琴

○丙寅燈夕余以俗事來海昌解維之前一
日飲于陳自玉廣文署中聊草數語爲
紀一時之勝兼致別懷時同坐爲趙無
聲先生退之葛無音吳夢非

勞勞行役走海濱官衙如帝人如鬼秀才畏見
學宮門却有玉人出其裏入門似入春風中采
芹采蓼泮之水德星乍聚太丘家有弟他鄉字

元禮趙人璧價向連城。况復兵家推父子。葛君
吳君洵地英。海若當令河伯恥。坐中飲戶相上
下。余獨一泓蕉葉耳。酒量一分興十分。酒情更
自多多許。蕭疎凱樂心。自醺雅歌投壺。今俗矣
座客談燈笑菊花。海寧人自稱菊
花燈為一絕更憐月夜多
遊女里。閑偏側。如春郊尊經閣上。紅樓比未能
海上張水嬉。殆欲舉杯邀月姊。月姊不來來風
姨。颯颯枝頭吹亂雨。吸茶罷酒陳別情。燭影不

詩句云
馬嘶
人起同
一凄斷

紅。慘。欲。紫。東。人。西。人。各。戒。途。言。念。後。期。空。屈。指。
蹙。然。長。與。空。谷。辭。幾。量。屐。行。羣。礪。齒。拏。舟。殘。月
曉。風。前。心。緒。搖。搖。櫓。聲。死。感。今。視。昔。情。文。生。掃
盡。王。家。九。萬。紙

○望燈詞

白榆歷歷種春郊。早花燦發與屋交。明月自羞
避。雲巢澄波濯錦影亦妖。夜來入宮光遙遙。湘
君列炬遊江臯。鼉鼓爭比雷門枹。百千歌吹震

蓮旬云
詩情如
山情有
曠如者
有與如
者此詞

居曠與
與之問

青○霄○花○筒○迸○吐○五○雲○高○蘆○飛○紙○撒○空○中○撩○脂○香○
粉○氣○雜○烟○飄○細○聆○環○珮○何○蕭○蕭○女○兒○發○艷○映○戶○
嬌○人○面○燈○花○相○閃○搖○王○孫○緩○轡○弄○鞭○梢○兒○童○倩○
人○刺○硫○硝○拳○拳○洶○洶○自○矜○豪○岸○人○爭○步○水○爭○橈○
火○光○射○來○拾○翠○翹○鬧○裏○相○光○貽○鮫○綃○光○沈○影○散○
各○無○聊○猶○有○閨○人○喚○踏○橋○

○○○題春波影雜劇有序

余既和小青詩十首矣友人徐野君遂擬元

人體填詞四齣因小青有讀牡丹亭詩而臨
川集中又載婁江女子讀牡丹亭而死遂并
爲點染作臨川一重寃案且謂余曰小青傳
中所謂三易照者今已無存此劇不知可當
第幾圖余笑而作詩答之

臨○川○遣○筆○如○針○刺○還○魂○一○聲○天○下○肝○腸○絕○色○鬼○
與○情○骨○夜○夜○疑○來○筆○尖○立○雙○夢○亭○前○梅○影○白○孤○
山○頂○上○梅○濡○血○白○者○杜○之○魂○血○者○青○娘○恨○淚○隨○

蓮句云
此詩亦
可入斷
腸簿

通句云
彙中多
作秋氣
望燈迎
春二詞
筆端尚
有春光

風○瀝○野○君○搗○取○梅○花○汁○紅○冰○隱○隱○凝○爲○墨○邀○取
芳○魂○自○天○末○揮○毫○代○展○喉○間○咽○夢○裏○臨○川○來○獻
筆○文○成○紙○上○猶○聞○牡○丹○泣○莫○恨○兩○家○寫○照○不○可
得○只○在○湯○生○徐○生○之○妙○舌○吁○嗟○乎○情○根○一○點○如
燈○接○添○油○傳○火○皆○才○客○古○來○書○籍○將○心○滅○經○不
及○史○史○遜○說○惟○有○歌○曲○能○將○心○洗○出○君○不○見○婁
江○路○廣○陵○路○魂○如○織○魂○今○不○歸○乃○在○亭○之○側○欲
賦○招○魂○正○無○策○野○君○又○續○銷○魂○集

○ ○ 迎春詞

春○光○春○光○在○何○所○家○家○望○得○春○如○火○接○取○春○光
亦○何○爲○空○教○兒○女○心○腸○左○弟○兄○相○強○姊○妹○行○姊
妹○不○言○心○自○可○船○上○風○華○樓○上○艷○迎○春○未○見○春
先○見○須○臾○饒○鼓○動○地○來○舞○女○低○腰○甲○士○戰○好○風
拂○拂○響○鸞○鈴○疑○是○春○魂○來○一○片○仙○音○吹○綻○梅○花
萼○柳○眼○模○糊○心○已○覺○遙○看○彩○勝○爛○于○霞○聊○當○百
花○連○夜○發○土○牛○竭○蹙○帶○春○犁○今○日○方○知○春○有○脚

巷裏蓬蓬喚打春街頭又聽賣牛聲閨內惜春
閨外賤相呼共取買春銀買得春來交饋送誰
知更有惱春人惱春不願看春過草草歸來獨
深坐東家阿姊莖紅顏拋春却往秋郊卧西家
阿妹有良緣等春不來先嫁破時里中適有此
二事故及之
眇眇愁予守春老不死不嫁終無了春光亦似
迎春人雲馬風車俄杳杳徒使人間筆墨忙迎
春詞續送春稿

○ ○ 紀游

秋江渺渺發春艷一入秦淮已酸儉猶餘弱柳
垂烟佩更贈鍾山作半臂秋水欲去慙不留依
稀美人言別愁臨水不樂當登山霧綠烟紅憔悴
顏雨花不潤枯苔色晴空未暮塔影寂欲索
香魂胭脂并六代繁華梵聲冷崎嶇獨上清涼
臺秋江渺渺故人來

○ 桃花燈七平口號

花時無月多張
燈樹上爲樂

蓮句云
共品題
秣陵諸
勝耿耿
如此

澄波搖搖驕霞天。紅腮熒熒啼空烟。今朝宮人
貪金錢。杆前餘光窺嬋娟。

○桃花月七仄口號

赤帝雨伯解事少。樹底好影每痛天。望見月姊
步入杪兩兩倩女自繚繞。

○○○瘦妙歌 歌友人
之文也

我昔曾聞抱朴云。天上無有肥仙人。茲我彥林
幼陶氏。却以此意通于文。夢一異人。貽以秤曰。

運旬云
快活煞

貴。銖。兩。而。賤。斤。復。借。嵩。山。之。玉。斧。一。斲。再。斲。頑。
者。靈。嗟。今。相。士。舉。肥。耳。如。彼。祭。祀。瞻。犧。牲。不。知。
善。聽。玉。聲。者。取。諸。東。南。求。其。輕。所。以。量。珠。買。傾。
國。樽。節。飲。食。行。香。塵。或。云。瘦。字。不。可。訓。帶。長。腰。
細。令。人。驚。彼。飽。欲。死。此。饑。死。二。者。之。病。其。何。分。
血。足。榮。膚。膚。飾。肉。肉。骨。尤。須。和。且。勻。雖。然。此。是。
中。行。語。而。有。鄉。愿。從。此。生。仲。尼。慨。忼。思。狂。狷。狂。
兮。狷。兮。皆。瘦。人。瘦。而。逸。者。得。狂。號。瘦。而。堅。者。狷。

通句云
衡量千
古人文
當以此
爲定論
二史馬
妙于班
左氏語
妙于傳
以其瘦
也

乃稱此非取貌取其理若夫肥士何足云詩壇
奉事賈島佛衛娘書法推聖神要之其故可知
矣少膚與肉多骨筋試與墨豬相對較誰剛誰
懦誰濁清善哉瘦妙之爲說肥而妙者非所聞
梅精梅精吾老此任爾太液垂楊嗔彦林勿陶
拍手唱仙乎去故而就新

○花燭詞爲李青來蔣姬賦

梅溪髣髴揚州夢捲簾萬斛芳塵動灌木初肥

夏漸深主人留得春盈甕俏髻峩峩降玉京瀟
湘暮雨滴秦箏一聲兩聲輕欲舉飛入梁間燕
子營奢帶脩裙不如意五銖窄裊風前試凌波
女伴致書來上有青溪蔣姑字頻換雙蛾闌月
尖朝眠夜飲永無嫌君家柳色從來好碧線參
差映紫髯葯房藥屋梅花棟天上紅蘭睡中送
再向紗牕種蜀桐重重烟幕藏么鳳

○醉中贈介子

連句云
真率得
妙

張子張子和且介善畫能令呂紀拜詩文直是
廉夫派不佞逢君乃三敗駁古彈今毒于蠱舌
端百丈江濤泮永夜劇談疲衛玠飲我醇醪疑
沈澆醉餘惟喜盤中芥負子數杯竟須貸忽然
雷雨煩襟快卧龍山下龍吟恠燭影迎風更無
賴照見飛蓬不成鬚可惜尊前少樊噲斗酒羸
肩何處賣

○五日招徐子不至投我以詩因次其韻

詩家有史存夏五痛飲讀騷開今古長年慣擾
葉公龍姊妹都雕吳氏虎初生蕙蕊爭額黃不
絕菱歌如臂縷舉箸鱗鱗江口鮮携筐采采山
頭苦莫言絲綉孟嘗君慢把杯澆孝娥許咏時
欲似禽語新掩簿休將鬼名數寶籙先驅城上
狐銅筋不讓天中柱咄哉徐子何徐來醉矣卓
生眠卓午

○贈武康賀令君

次徐野
君韻

連句云
鏤削新
巽

春風桃李滿前溪。溪上彈琴宓不齊。遠邇漸被
自東西。枳棘何幸鸞鳳棲。愛人不惜投以綈。晝
接君子歌。鳴雞南車一指開。霧迷兒童謹避千
仞谿。雖有獰馬不敢嘶。控馭巖邑如雕題。因方
爲璧員爲珪。一字落手封金泥。肯令蝨蝨黃河
堤。淑人之儀惟一兮。

○長吉硯有序

枯雪和尚與同志二三子弔長吉墓于鏡湖

薛諧孟
云珂月
命同長
吉子乃
得如杜
樊川收
其廁中
未投之
業可涕
亦可喜

墓旁忽得一硯長不越尺濶不逾掌色如老
玉形似松皮滌其塵垢則有長吉自題硯池
養魚不可食之作二三子喧然爭之乃限韻
爲詩約以先成者得硯枯雪詩先成遂携之
以歸吳門秘不示人余未之得見也而見其
集中之詩喜和其韻

昔人丘隴今阡陌王孫心血千年碧。錦囊拋向
廁溷中。莫語癡人語。寒石玉樓烟。駕幾時來。文

章書帶香狼藉。一硯流傳似鉢衣。不是兒孫面

須赤。

文章書帶
皆草名

○宣城詹曰至之母張夫人七表悅辰在庚
午之菊月迨日至徵詩之檄至則已踰
二載矣補歌祝之

傳聞易遷宮中張微子服霧食雲雲霧爲身體
自漢垂今不計年重向人間曳芳屣夫綉衣兒
斑衣柏臺之烏集復集丹穴之鳳飛復飛怡然

靜坐一日是兩日。算來三萬六千數已溢。今年
七十又餘二。豈非一百四十四。猶憶當時嚴事
中丞君酒漿。是議賓如雲。中年教子成名士。亦
復車轍縱橫不可分。升堂拜母修古誼。踧進金
鹽與玉豉。回顧雙雙羅列鴛鴦行。似將堂上老
人年齒分明記。年高未許神明隔。正可垂簾講
道德。著經之人曾居母腹八十有一年。夫人再
歷九秋乃相值。須臾空中遙奏玄靈一曲聲。低

道句云
筆如
足遠
遊逸
翻
拂霄

徊青鳥銜書爲增崔算西方來甲子從教百千
萬億換顏色常如三五二八纔君不見衡山七
十二峰聳奇秀青城七十二洞應節候安得愚
公與商量一夜移來厝向君前爲君壽

○○同徐子奇登顧况讀書臺

三杯薄醉乘風躡橫山咄哉文人已往名不刪
我試呼君或出蒼烟間爲問當日茲山何容顏
傳聞劉生携句叩禪關花中小犬哞哞響重環

搖風弄雨垂楊滿綠灣今日惟餘禾黍雜茅菅
山僧遙指一壑聲潺潺謂有千歲老龍逞雄奸
劈開峭壁數仞去不還果然此壁奇絕非等閒
較之巨靈不分強與孱回看獅子峰石居左班
亦復蹄吻靈動勝痴頑人言此物夜走文編爛
摧殘十里田稼驚市闌想應曾受文人拭且攀
故爾至今駿逸難防閒重瀉村醪歌罷涕爲潛
欲使舊蹟無湮嘆惟艱徐生徐生慷慨輸金鏹

蓮句云
亦如美
一人轉盼

此是後賢之責君無慳為我葺臺補翠施朱殷
譬如美人病起梳朝鬟

○壽舊揚州守徐君五袞

古人艾年服官政茲我好友已預之春風堂上
歌燕喜自顧髣影仍烏絲憶昨一麾初乞取天
子知是天麟見領魚分虎渾閒事玉麟賜汝深
相宜五馬渡頭雲擁轡九龍之岡駛兩隨心旣
水矣門亦爾落落不異僧廬時旁人為笑守何

守請看垣壁皆塗雌柔能騁堅虎兕避况推朱
轂問狐狸清狂不作小杜夢夢手捧天驚韓琦
千秋事在六月息鴻飛遵渚公歸兮東陵携得
五色種暫向果羸園中施玉勾雪蕊何足惜階
庭歷歷生瓊芝君不念花花念子解梅今歲開
應遲懷香蓄韻久相待似欲逢人寄一枝沾君
膏露上君壽樹猶如此人何辭料得邗溝當此
日八仙花下祝蕃釐

天上石麒麟徐陵也樊子
蓋守東都有功煬帝賜玉

麟符張綱守廣陵嘗日豺狼當道安問狐狸韓
琦知泰州嘗夢手捧天歐陽修守揚州公府如
僧廬領魚分虎堂塗雖黃俱太守事東陵瓜公
解梅小杜夢俱揚州事五馬渡九龍崗玉勾洞
俱揚州地蕃釐觀中
八仙花乃補瓊花者

○ ○ 登金山絕頂有僧謂此山是龜形者用其

語廣之

不知何代仙人遊江湄風吹霞佩遺金龜似斷
不斷露頭尾兀兀隆隆背何偉吞日吐月生光
芒噓風咽霧能妖祥誰將枯桑煮江若鼎沸燒

蓮旬云
言兒少
年骨氣
幽冷余
謂落筆
搖五岳
嘯傲凌
滄洲正
是大人
作略但
粗浮人
不得藉
口耳

之不爛靈無既為問當年洛中負書書如何此
物所負還較多蓮花貝葉千卷恣諷誦更有百
丈之塔供養三世諸佛陀遊船賈舶若蟻虱傳
毛嘬肉寐不咍有時風清月明夢初醒逝將去
此適樂境作其目鼓其足其亡其亡江神哭急
以鐵柱其腹曾聞狂僧臂刺龍直入水底搖
枉勢絕雄山頭之人皆怔忡措哉奇事胡不終
我將借若臂解若繫放諸五湖四海惟若意龜

蓮句云
塵事終
無了時

感○余○情○左○顧○之○相○約○他○年○塵○事○既○了○早○拂○衣○踞○
背○食○蛤○與○子○東○海○嘻○

○阮圓海先生花燭詞

時癸酉十月
買妾秦淮

桃○根○桃○葉○秦○淮○渡○今○作○桃○花○洞○邊○樹○劉○郎○何○在○
君○獨○行○奉○芳○不○管○王○郎○妬○繁○霜○歌○咽○青○溪○姑○石○
城○愁○殺○莫○愁○盧○獨○許○君○來○締○雙○笑○還○似○玉○清○天○
上○逋○曾○聞○策○蹇○追○胡○婢○娥○眉○孰○與○江○南○美○瓊○枝○
綻○向○綺○筵○前○璧○月○飛○將○輕○幕○裏○春○光○小○小○煖○銀○

屏○斜○壓○烟○鬟○進○醪○醕○不○用○秦○箏○并○趙○瑟○請○擘○君○
家○絃○子○聽○

○寒江曉渡歌

雄○雞○一○聲○破○天○夢○新○烟○故○雲○互○迎○送○鉅○月○不○落○
待○陽○鳥○東○西○兩○丸○小○兒○弄○青○光○赤○光○江○平○分○須○
吏○去○弟○兄○爲○君○微○風○不○生○草○樹○靜○老○漁○挹○水○炊○
朝○饋○萬○頃○葡○萄○與○竹○葉○楓○人○酣○醉○呈○桃○頰○蚱○蜢○
蜻○蜓○千○點○飛○布○帆○歷○亂○花○間○蝶○韶○華○未○肯○讓○干○

蓮句云
曉江如
画

春幾處春山翠黛勻。金山危立獨如馬。臨流欲涉猶逡巡。瞥然騎汝與汝杖。逖覽天門地戶狀。不飲中泠一勺泉。茫茫盡入坡黎盎。

臘月二十四日壽母篇為名公先生之贈

言者圖也

余母降生于甲申。俗當是日大袞塵。曰將改歲而取新。已復祀竈。修明裡熊皮將軍張目。瞋百千。俛子魚貫陳。荷戈秉荊聲。斷斷從以爆竹震。

薛諧孟云嗚暗叱咤情見乎詞琦月可謂孝矣

四鄰西方之魑寧敢蹲。胡為吾母數獨屯。膏肓有物藏其身。二十已過三十瀕。地支在亥天干辛。隨吾父作京華賓。竒疾陡現難以俊。有兒依祖為越民。不知母病其何因。未病何狀并不真。母歸之歲在甲寅。兒尚齟齬未負薪。于今杪冬母五旬。病與不病年適均。自母病矣家日貧。錢不滿銖米乏困。內無健婦理繁蘋。吾父困頓十許春。兒幸稍長可奉親。于是父復脂其輪。留母

蓮句云向欲為病婦作七歌久而未就得此一首著病形于後世訴苦諦于藥王耳

與子相拊循。如處長晦久。失晨每一念。至呼吳。
旻有母不愈。子豈人嘗聞。中夜忽笑顰。意若玩。
世語未馴。又若憤俗志。莫伸世俗。雖漓酒自醉。
聽進一爵。生紅鱗。願得慈顏灑。復聞滿室冬。溫。
于不龜。人言散木壽。于椿病者多。入仙者倫。婉。
羅夫人藥最珍。更乞靈劑于結璘。鼉鼓逢逢聽。
飲。函。兄。為。神。荼。騎。青。麟。弟。為。鬱。壘。披。黑。袴。葦。索。
在手。鬼不神。雙學萊舞娛。悅辰待踰六日向市。

閨賣癡誰買。不論銀。

○大明宮詞 瞻南內也

吳王宮中何偪窄。燕雀之湖堪徙宅。珍簾寶網。
自千秋三十五年同作客。六代吁嗟命不常。于。
今為七又荒涼。虎踞龍蟠空復爾。江水繇來不。
到堂。玉輦迢迢斷歌吹。嬌娥壁上還留字。老屋。
春深長。昔耶土花繡遍黃金地。九門三殿自綢。
繆妙手誰修。五鳳樓皇孫紅篋。緇衣改浪指山。

蓮句云
吾兄生
平不喜
游陪京
以為高
皇帝一
篇敗筆
文字

龍○莖○鬱○攸○爭○巢○燕○子○乘○風○入○白○龍○却○化○枯○魚○泣○
百○萬○頭○顛○慷○慨○捐○淋○漓○碧○血○凝○瓊○澁○竹○苞○松○茂○
美○渠○渠○異○痛○竒○冤○萃○此○居○莫○怪○英○雄○棄○如○屣○自○
南○而○北○反○其○初○送○君○白○帽○并○黃○瓦○按○此○規○模○成○
大○厦○彼○都○仍○是○天○保○之○何○用○悲○歌○黍○離○也○

○贈友人筆

一○管○管○城○子○却○如○如○意○娘○惟○君○消○得○此○尤○物○夙○
世○天○上○修○文○郎○

○○○藍橋懷古

夫裴生遇仙之藍橋之爲尾生抱柱處也廣
輿志志之矣尾生之爲微生高也人物考考
之矣而藍田去太白山不百里輞川在焉山
中蓮花常帶雪于以知摩詰雪蕉之不誣此
又袁氏柿錄之說也因合三說爲賦藍橋懷
古篇

情○人○一○片○心○如○柱○情○人○一○片○心○如○杵○柱○堅○不○受○

蓮句云
有藍橋
不可無
此詩當
以入朝
川誌

蓮句云
兩世姻
緣想當
如是

浪濤攻以杵攻堅無不取。不知誰柱誰尾生不
知誰杵誰裴卿裴亦非仙尾非鬼杵柱休將玉
石評鬼能作仙石能玉玉禾種向藍田熟藍田
太白山比隣山雪皚于美人穀髻鬟倭墮步倭
遲玉兔姮娥影自隨廣寒竊藥負君子藍橋水
至愆佳期水邊渴死非溺死題橋相如病如此
千年報汝一甌漿似乞鄰醯鄰曰唯自悔當年
意太涼願先得道度兒郎女郎今作導師矣敢

怨香車昔渺茫能令郎死能令活裴航駕得航
為鐵顛倒英雄爾許時仙山共踏蓮花雪蓮如
郎頰紅難消美人蕉向雪中描莫遣三生石飛
去輞川留此鎮藍橋。
摩詰為岐王畫
一石飛入高麗

○上宋喜公師

南北峰秀西湖清帝遣文人為主盟山水所毓
宜廉貞况有君子培莪菁慚余不名草中英拔
尤母乃傷君明君顧愛之忘其儉謂比子羽之

蓮旬云
人言神
鋒不宜
太露余
謂李杜
文章光
鏗萬大
正以能
露耳乃
至莊列
之文大
雄之文
如山如
河無不
光鏗透
露者

。 硜。 硜。 感。 恩。 不。 貴。 貴。 知。 已。 勝。 我。 自。 知。 增。 倍。 蕝。 覆。 之。
。 以。 紵。 以。 繡。 被。 還。 雕。 爾。 璞。 爲。 良。 璽。 報。 君。 頌。 君。 苦。 無。
。 似。 吾。 家。 密。 令。 差。 可。 擬。 漁。 憐。 鯢。 鱗。 童。 惜。 雉。 豈。 但。 螟。
。 蝗。 不。 相。 邇。 名。 冠。 天。 下。 名。 弗。 誣。 重。 賞。 非。 君。 誰。 屬。 歟。
。 適。 逢。 聖。 治。 尊。 通。 儒。 內。 臣。 外。 史。 更。 迭。 除。 神。 君。 旋。 入。
。 木。 天。 居。 屈。 騷。 沈。 律。 當。 齊。 驅。 賦。 得。 墻。 東。 梅。 一。 株。 紫。
。 衫。 捧。 研。 成。 唐。 書。

○ ○ 破浪行

古云破萬里浪乘長風。我行千里并風破。楊子
江中馮夷少女交結何橫行。繩莫繫之刀莫剗。
能令靜者搖強者懦。長年亦復無如奈。中有一
人逆流而入。倒駕而過。要知彼來劫我。惟以聲
我不隨聲聲不播。彼來脅我。惟以氣調息。攝心
終不禍耳。爲坎水思爲風。收其主人散其佐。有
收有散。猶二之。收散俱無。乃一個。此風不異我。
吸呼此水皆爲我。津唾望美人。今西方胡不可。

以往些君不見月光瑠璃光。旋六根于一根。觀
四大之二大。以此直與法流水接淨無滯。又不
見鳥必迎風。立魚必遡波。卧便是禽魚之佛性。
急須着眼莫教錯。會得此微機。風浪中間有功
課。何用謝公之夷粹。望而知其爲強作。所以人
皆哀我憚我。獨一往不返。安知轆軻直云春水
舫如天上坐。奈音儒錯音挫
作音佐憚音剝

○贈沙鳳

癸酉初春與彩生較書步自舊堤玉山既頽
彤管在握彩生出扇頭索句彩生有姑曰嫩
字宛在者閨情百首才亞青城之費不謂其
後人復爭達如爾感往憐來謾成短詠
我憶秦惟曾戾止君家姊妹如桃李偏是風吹
一嫩紅飄飄宛在中央水百首閨情百琲珠蜀
宮不敢開花蕊于今問取昔門風後勁翻令前
者恥自許風流第一流西湖未許驕西子香非

蓮旬云
初唐艷
詞

荳蔻不熏衣粉是芙蓉堪養紙曉鏡祁祁雲氣
生春蛾欲挾秋蟬起顫得釵梁紫燕啼雀頭猶
啄楊家履不語流波知爲誰空令一坐皆癡死
共向花堤探早春欲開未開嬌女唇藏鴉楊柳
鴉黃樣秀色參差道不真借問雛鶯春幾許春
光大半在芳人朱顏映水澄波細認作飛花誤
錦鱗風姨爲妬輕跡却遣狂颺動陌塵翠袖
不勝寒側側暮烟碧合乍迷津蘭舟緩緩瓊舟

緊醉靨紅潮似薄嗔素月窺牀見紅浪一枝香
玉笑橫陳何當化作桐花朵遮莫長棲么鳳身
○○雕蟲歌贈顧山臣

杖頭三百錢牀頭一壺酒酒氣拂拂十指尖雕
出蟲書鳥書與科斗野玉傳山臣得一顧傾城
再顧傾國吾不知其筆爲刀刀爲筆墨爲兵兵
爲墨此謂人巧已極天錯之亦謂天之所授非
人力眼前俗士碎如磯泥古愚于抱橋尾誰能

蓮旬云
雕蟲小
技中饒
有壯夫
氣

智過其所師。五伐皮毛。三洗髓。嘗怪秦人燒字。
何乃毒秦人之字。復被今人火攻。手須縮。後起。
偏能蔽昔名。夜聞嗷嗷李斯哭。

○長安看花行。賀葉潛之。郤呈曾城老師。

謂是天公愛文士。鹽車驥足從來爾。謂是文士。
天所憎。池上鳳毛每騫騰。嘗笑昔人著花說。沾。
茵墮溷分汗潔。但知沾墮總隨緣。不道所因非。
偶然栽種因人發。因地春風嫁與因。天帝雅人。

勝地惜花天。肯使餘英不值錢。矧花無情我則。
有。三。因。皆。我。三。生。負。自。種。自。發。還。自。吹。達。者。如。
聞。耳。鳴。時。父。子。福。緣。須。各。結。朋。友。師。弟。豈。相。及。
師家起自諸梁君。好龍不好畫。龍文點睛燒尾。
成蛟鯉。桃花門下桃花水。庭前更有一驪駒。花。
影重重攝領珠。飛入天門傍。天日天上碧桃淡。
無色。含香。曼玉聽雞籌。何似廣陵烟月遊。國人。
望師如望歲。邵武之稻成。嘉穗國人見。見如見。

連句云
潛之歸
即厭世
兒常指
結句爲
詩識

連句云
天漢之
水便于
此中創
注淨域
之花即
于此中
怒開

翁令聞令望顯復顯天人合發如君幾地靈助
爾龍蛇起嗟余歷落因緣慳幽蘭浥露啼空山
北望長安花照曉錦繡叢中飄瑞葉

○○○爲大人緝連句集成呈詠

千古真正才人苦無幾各各欲以我爲始或云
八代之衰我起之或云彼已預之我不爾無則
荆之有則翻如車雙輪不可止荆復荆今翻復
翻究竟荆者翻者常對峙雖甚妬之而不死忽

有人思兼其長此爲雞三足臧三耳世必無斯
理莫子之名見孟書子虛烏有同一旨非稂非
莠非雌雄徒供兩家之冷齒試看從來竒正肥
瘦疎密文章家豈但三十六對之繁侈前馬則
後班上韓則下柳左杜則右李乃夫乃妻亦兄
亦弟君子去我不去彼我且不可得彼將從何
起白淨圓明中本無一些子何況筆墨紙外離
諸相內離空遂有百千萬億甚深微妙之法出

其裏夜炳心燈。晨飛意蕊。語言文字。總不立。有耳能聞。盡歡喜語言文字。總不妨。莫以耳聞。徒作禮。當此之時。千古才人。伏如豕。爲有獅。呻象顧難議。擬何必。漉海求珍烹。天出滓。破碎一切。智慧神通無所以。此非有對之人。此非有對之文。蓮花旬中有居士。其吐蓮華之舌。蓋如是。

○觴政詩二首

夏孟月夜偕令升。裝章步至露香時。右嗣還

里鼎叔往雲栖。獨非似玉仍相對。讀胡致堂管見爲下酒物。玉仍遂舉觴屬客。以木末二字爲政。下一字視上一字。僅許羨一筆耳。諸子撚髯共索。不能盈二十雙而止。余乃戲爲聯輯成詩。庶幾雙聲雙韻之外。增一體裁。不暇計工拙也。

庭前二三君子。竹屋後長松。五大夫。主人口中何所誦。雜舉三王。上下書甲申。釋湯夏失算戊。

蓮旬云
細于茸
毛亦宋
玉之小
信

戊封秦周漸墟大天所眷万方歸豈在帥師
號刀刃羿矢空能落九九狼狼猛虎輸隆準嘆罷
呼觴盡十千新月俄如鈞鈞引數聲烏鳥木未
啼倦牛繫之桑木本荆門不用下銀銀坐待旭
日日滄涼

○越三日右嗣至以胡致堂管見貽我闕及
黨人諸論忽感天啓七年間事再用前
體爲詩

明明上帝忽眎眎空復洒洒祈臯陶尺書奉奏
囚不可惟仗雷電驚鳴鴉木禾不偃心不明贊
皇自昔傾牛生漢劉之末唐李季聖代將無同
一二爾戈予矛其甚哉天矢神弓暗相崇倚山
如倚春水冰棄捐才木不才升大厦支持非枉
枉養狙包鹿茸茅取况是東西虜夾來可使賢
人盡云去記得七年環卵卵士皆重足閉開口
○蓬島篇爲奉化李君龍母氏壽

奉化有山
名蓬島

蓬島在何處出戶望見之元君在何處入戶遙
拜之元君降與仙人爲眷屬夫曰靈飛子玄祿
五色之珠若彈丸天上流來掌上看門外龍溪
三尺水不足容兒浴頂趾願得凌雲翔直入龍
門裏但聞柱下老爲龍詎知十八子爲鯉子兮
子兮爲龍光母兮母兮考不忘蹠陳嘉果出琳
國一花一實五千霜袖中更復有東海挹彼注
茲崑崙觴醉登雪竇拾瑤草迤邐婆娑向蓬島

翁夫人血影石

在桃葉渡黃公祠

天公大是竒快人舉世靡靡天所悶特遣星辰
河嶽英靈數輩來樹蕙百晦蘭九畹予以金石
之質加以摧燒之困務使窮而益堅有老無嫩
疾雷甚風動且撓萬物莫不形暴而情獻我明
革除間怪事堪尚論慷慨從容何多才一心不
忍以君販豈獨男子豪婦人亦剛健方之鄭曾
之李胡家鐵家之女子都能成其夫若父之願

蓮句云
有正氣
歌之橫
而無其
腐直欲
以女子
作度世
英雄

叔英伯瀾全得之妻女同沉不須勸我來稽首
黃公祠化我侈肆之心爲慈愿羅刹磯頭棕帽
留賽工橋下烏鳶遯憶此如目前豈望于今享
肥腴片石何巍巍蠹向中堂建彷彿高髻麤衣
慘愴容傳是夫人碧血于茲喫苔侵浪蝕星霜
磨石可泐兮痕不褪淪落二百年近始出塵空
妙手丹青畫不成良工刻琢猶離遠當時有人
探血天子堦前成四字有人血濺天子衣中大

不遜可憐彼血不復留惟有此血千秋垂作憲
嗤彼繞指人臨難視豬圈殺人媚人比瓜蔓鬚
眉視巾幗或相什伯而千萬徘徊久之夫人神
氣凜凜生石亦輝輝然不知其爲珉與爲瑗人
謂夫人幽恨何時平我道君亦不可誹天亦不
可怨成爾名立爾節恩更深于歿後之一飯若
夫節不于此立名不于此成孤天負帝踟躕繼
綣吞羞飲恥難自明常覺喉間有物欲吐不吐

薛諧孟
云男子
心腸如
是如是

甚煩。恩所以諸公樂趨死。亦如夫人之血。畢力
而出。乃無恨。所恨從前。昧目人認爲蔣三妹。陳
二妃。復與大士威儀。久相溷。貞艷雖不符。禪儒
亦相券。夫人以此赴義之大力。勇猛赴道。豈云
鈍。其去九年。面壁之影。不能寸。

○咏雪效歐陽體。戒鹽玉。雀鷺等喻。并皓白。

潔素等字次小蘓韻

介蟲司令長日。龜瑞意將降。汝必知暗香零亂。

遠句云
墨汁淋
滿袍袖

滿襟袖。江上疑有縹笛吹。染取中林數松樹。大
夫不復蒼其髭。諸餘枯木盡煥發。無非點綴以
凌斯咀之清。可沁肝肺美露。何必思三危。天公
倘念無衣者。曷不化作絁。與絲空令深山高尚
士。但宜蜷卧無可爲。沽酒敵寒帘。莫認夜半凍
裂雙軍持。光華欺壓世間女。庶幾姑射仙人肌。
郢人製就如此曲。堪與歌者誰家兒。餅壘已罄
康王水。用淪龍團正及時。可憐此物尤善媚。因

風作態投簾帷。酒酣仰面笑相向。左右掩映桃花姿。若逢俠士擊燕筑。能助涕淚大淋漓。乃其措置又平等。貴賤土石同。堦墀淵池澗壑。頗活活一槩。障却魚難披。俗人不解強欣賞。其實無異越丈馳。謝家兄子句殊惡。天倪自動言乃卮。興來張弓挾我矢。命我僕夫相追隨。僵麕困鹿可求索。滕六先以茅包之。

○節孝歌

爲曾異撰
母張賦

聞有曾母可觀。正風匪直女表。而爲士宗節。非鋒銛。腎索烈焰洪波之慷慨。孝非扶持抑搔脂膏滫瀡之儀容。人之報夫報以死。母之報夫報以不死。人之事姑事其喜。母之事姑事其不喜。君子貴讓夷。母勉爲難耳。夫有母兮姑有孫。一堂三世藉母存。姑無兒兮孫無父。作父作兒兩辛苦。夫之母往兮兒之婦天。兒復有兒投母抱。二十一齡母已嫠。母齡六十子未榮。子榮不覲。

亡父面孫榮又不令姑見姑見惟有不祥之新
婦和灰紉箴在左右姑見惟有不識不知之穉
孫篝燈受書于其母一子易一孫俟河詎能清
一夫易一婦持戶詎能勝姑憂不解姑顏不霽
負罪責躬母常恇悸昔聞曾子事父如嚴君今
聞曾母事姑若天帝繁霜滄雪天之仁淬金礪
玉皆姑惠姑顏霽今天顏開節孝成今珈翟來
姑先含笑告兒向冥冥母坐看兒錦衣奉命將

金疊

○○○男兒三十歌

乙亥四月

男兒三十不得志忼慨歷落空爾爲頭顱如許
牙爪縮獨彈寶劍聲差差雲中雙輪太馳驟誰
舉金柅而繫之三十以前之歲行已失謂我得
歲何相欺借客慶酒以爲罰罰我三十德不立
三十功不垂慚愧此巾幘無異錦綳兒錦綳兒
猶能咳哇娛父母我父去此一千里我母在牀

蓮句云
吾兒向
爲尖新
之句數
年之力
乃得此
豪宕

運旬云
此丙子
八月踵
余東海
篇作乃
其絕筆
也華矣
隨卽厭
世公孫
與吾兒
亦須臾
變滅有
若暴流

疾已久。不富。不貴。我母不怡。不聖。不賢。我父不
受古之射者求中以辭爵。屢失二鵠。當傾一卣。
一卣傾已畢。客將祝松喬。客莫祝松喬。吾壽吾
自知其遙。未登天子之堂。未云暮。未聞大道未
云朝。

○陳華真封公七十二壽

子迪祥國學博士
孫慧業甲戌進士

太丘邑長稱大賢。希夷先生稱大年。後人復以
齒德著。瘴海于今有葛天。棣華韡復韡。瓜瓞綿

復綿。震賜秉彪綬。若若高平地。敢經便便歡。將
樂來笑與。忭會玄都拾綺蕊。碧海漉琅菜。堂上
之風旣清。旣和堂下之日。可畏可愛爾。乃歌百
祿之。是荷詠三壽之作。朋自耆而耄。撫雲若仍
仙骨。有如崔佳雛。總是鵬一命。偃再命。僂孝謹
之家。萬石許前唱。于後唱。喁才華之藪。八斗餘
進以青州從事。問此絳縣老叟。一從墜世間。屈
指幾何久。八八卦圖加一八。九九黃鍾留一九。



會須邀取福地諸真人。七十二觴爲君壽。



蓮旬云
如在目
前

蕊淵集卷五

五言律詩

○入金陵

他○人○望○鄉○泣○茲○我○出○如○歸○下○馬○聊○成○煖○逢○人○總○
慰○饑○新○童○方○問○姓○少○弟○忽○牽○衣○似○此○一○時○况○真○
堪○忘○山○噫

○余有閣名相於頗為友人所駭漫賦荅之

樂府說相於明明在魏初嘉賓當鼓瑟好女必

國家圖書館 NATIONAL CENTRAL LIBRARY, TAIWAN, R.O.C.

連旬云
只似白
話

同車肯使情無定。惟求樂有餘。鄙懷安得遂。聊以署吾廬。

相於見樂府定情篇又日苦短樂有餘之篇

○無題

但有南來雁。曾無西逝流。君書良可寄。我意倩誰投。豈謂桃無贈。因而李不酬。往來雖欲稱。難易未相侔。

○和寒氏枯杏再花詩

秋士歆寒枕。春風戶外過。曉來臨水立。枯樹着

遠條云
如曉山
淡抹

花多五載愁。為別朱顏今更醜。不知君看我。還似昔時麼。

啓戶無所見。庭中有舊蕉。心情初未放。面目已無聊。夜雨偏宜夢。春風不可挑。東園送佳句。芳信發枯條。

○贈秀初讀書舸閣

相期殆云久。今日始為鄰。僻字勞君攷。竒文喜共陳。官塘成好境。童子亦才人。短棹頻來去。春

風認角巾

○舟中贈別張燕客

燕客携幼女赴尊人任所

半日暫同船君行我亦旋
嬌雛啼膝下好友醉尊前
別路無多遠來期幸勿愆
眼中誰伴子桂

影月中妍

時呂吉士畫桂于扇頭以贈燕客余因題詩其上

○○螢火詩

豈是星如雨還疑血化燐
幽窗堪繼燭曲徑解迎人
上褥將蛩慰投禪被蝨
嗔中宵偏熠燿驚

連句云
尚異不
編

醒百花神

翽風織寒蛩禠以獻石季倫

○閱椒羽病中詩漫題

雖復睽良晤從人得起居
詩情都藉病友味在于
疎青簡閒堪獵紅顏未
可漁丈夫饒意氣得句
戒欬獻

適句云
如良友
款然相
對

○暑中過嚴無敕先輩方酣寢不得晤越宿

以詩來次韵奉荅

客來如野雀何必主人知
竹色真堪飽茶香不

待思河邊舟迅速枕上夢棲遲正此相忘處中
含幾許詩

○西湖卽事

着履看湖面春愁不可揮孤烟衝雨起小鳥踏
雲歸摩詰詩何瘦南宮墨太肥輕舟辭岸去城
郭忽焉非

○爲沈君房題畫

深苑春難醒柔鄉雪不寒棊休彈別宦掌可舞

蓮句云以肥品未尚在形骸之間恐衰陽未肯心折

雙鸞松下長相結梅梢莫放酸舊圖留得在好
夢未曾殘

○賦得痛飲讀離騷 和家君韻

我欲廢離騷愁懷擲遠濤可羞唯啜泣未善學
孚號賈傳文空吊楊雄論自豪持書封酒甌俾
爾亦醪醕

蓮句云一往悲放

○桃葉渡種花詩 和女郎紀阿男韻

當年人是葉今日葉如人水色王郎舊花光姊

妹新扶頭閒弄月。挽手共分春。何幸羈棲客。佳人許結鄰。

○十四夜泊江干

秋月淡為妝。江空欲弄涼。招風疑鬼嘯。立黍等人長。漸覺舟居倦。還看鬢影傷。旅懷難着枕。夜色未渠央。

○乙丑除夕

除夕胡為哉。唯將人世催。心寒空蕤炭。意亂復

蓮旬云
疑是少
陵逸詩

蓮旬云
不肯前
後際所

驚雷。此歲愁應盡。明年事未來。如何頻舉酒。不肯玉山頽。

○燈下與寒氏聯句

寒燈如欲笑。為解兩人愁。月人雪酒堆床下。殘梅睡枕頭。回幽姿臨月想。好句對花酌。月人只此度長夜。何須秉燭遊。回

○紫微山和唐章孝標韻

市塵雖未遠。俗念已云微。率爾嵐烟起。悠然海

雪飛桐禽鳴客杖松鼠戲僧衣何必山深處方
爲隱者歸

○問雲軒次枯雪上人韻

何物祁祁者如忙復似閒突來棲夜棟倏去障
晨山舞袖誰歟肖征輪許否攀此君渾不答意
氣暗相關

○嚴無敕自餘杭來卜居敝里主人不賢徒
倚無定作詩自嘆奉和二章

昔賢真不達擇地飲其牛大隱村中市能藏壑
裡舟買鄰無爾詐爭席豈吾愁不定如雲物與
人笑拙謀

徙宅無難耳車書欲汗牛油衣何似瓦陸處漸
如舟陳榻今無夢梁春昔有愁餘杭尋釀姥試
舉醉鄉謀

餘杭姥用
王方平事

○父命初春入京預識之

草草一分春梅花香尚娠行將緇帙裏去作白

遺句云
妙在遙
想語

門賓野店嘶龍友。荒洲宿雁臣。爾時遊子袂。知惹幾何塵。

○曉起同內子登虎丘作

吳人喧夜月。稀見曉光開。獨許江湖客。閒携伴侶來。廣場霜跡淺。高塔日痕纒。未及寒泉靜。偏宜照玉腮。

一片寒山石。惟餘此刻閒。壑中龍睡足。澗上雀音慳。松動真娘佩。雲垂鄭旦鬟。何期伯鸞婦。亦

爾印弓彎

○贈譚者顧筠

吳客爲胡客。南人北技兼。秦青驚綠樹。羅黑隱紅簾。色有佳難得。聲無誤可嫌。深情描寫盡。頰上數毫添。

○讀毘陵女子贈江郎詩採其意爲賦

江郎名南

秀字月中女子
自稱寒灰道人

憶別桃花浦。愁憑芍藥欄。緘書休露布。寄淚在

遺句云
照冷

霜○統○鏡○月○如○郎○秀○爐○灰○似○妾○寒○相○期○同○遠○夢○夜
夜○步○邯○鄲○

買○將○千○種○恨○不○費○五○銖○錢○閒○管○花○開○落○癡○看○柳
醒○眠○拈○針○慵○女○事○弄○草○憶○兒○年○獨○抱○孤○幃○月○常
嫌○不○肯○圓○原詩有憶得兒
時閒弄草之句

○生平

生○平○嘗○有○志○智○勇○欲○兼○之○大○力○關○強○弩○精○心○理
亂○絲○恥○為○新○嫁○婦○嗤○彼○莽○男○兒○兩○得○斯○無○敗○胡

皆長公
云岸然
自異

為怨數奇

○仲春八日號芳春節丁翁之生先一日耳
作迎芳詩

纔○過○中○和○節○花○朝○逼○我○躬○佛○桑○施○社○雨○仙○杏○報
祥○風○拙○鳥○能○防○噎○佳○醪○可○治○孽○將○尋○莊○叟○夢○撲

蝶○戒○兒○童

社日飲治孽酒
花朝作撲蝶會

○代牆內人語牆外人

有○人○牆○外○立○雙○眼○隔○牆○穿○丞○相○嗔○難○觸○司○空○慣

遺句云
興酣落

華顧盼
生姿

不憐月痕釵劃地。日影線量天。春色何緣出。惟應燕子傳。

○邵玄浹結夏深齋和其來韻

野色深深許天機。亦復深梅黃禪似。忍李白句。如陰足禁。因狂破頭。歆慣醉沉。日高誰喚起。初試一蟬吟。

○與徐野君泛清溪是日逢春

次野君韻

北帝無權矣。寒溫此日分。山猶餘雪縷。水欲劃

水紋。闔巧裁幡綵。探春辨幄裙。共嗟連歲歉。試卜少陽雲。

○憶少年時讀書法華山之樂

山房真可坐幽迥。更無倫犬吠。因俛鬼猿來。似。崢人烟中庭竹。醉雨後檻泉。嗔惜夜如何。寢徘徊。每向晨。

略與西湖隔風塵。面目更春遲。花事久。晝寂鳥言清。八等收茶串。三時薦竹萌。諷吟常疊疊。相

蓮旬云
庚申之
水一方
辛酉之
西湖壬
戌之法
華皆吾
兒未婚
時父子
聚首之

樂生平
惟此三
年耳

和溜波聲

當時天假我閒日住菴中木客邀明月山君弄
晚風未秋先瑟瑟雖暑不蟲蟲景物應無恙書
生突已翁

○○憶少時讀書水一方之樂

何必買山隱茲為安樂窩桐花遺素鳥遠岫露
雙蛾鳥變鈎輶調魚聽欵乃歌閑臨佳帖罷快
詠碩人適

蓮旬云
此二語
猶是余
爾時伏
句

蓮旬云
此尤超
逸

景到秋偏好悲從何處生金塗籬外槿紫賜架
邊櫻歛案飄芳葉平疇望美稭素心三四友終
夕饗茶鐺

門前山寄語怨我不來看夕氣佳誰賞朝容爽
孰餐柳驚青髮薄花嘆素肌寒憶昔周旋久真
如指一彈



國家圖書館. NATIONAL CENTRAL LIBRARY. TAIWAN. R.O.C.

蕊淵集卷六

七言律詩

○○贈紀伯紫

蓮旬云
筆如神
鷹劈漢

新○詩○欲○與○好○秋○爭○破○冷○衝○幽○艷○色○橫○明○允○生○兒○
何○似○父○孝○標○有○妹○自○堪○兄○醉○于○江○上○看○雲○去○夢○
向○長○空○跨○月○行○底○事○憶○天○終○不○忘○雙○成○曾○許○降○

瑤京

伯紫尊人號竹遠其妹名映淮字阿男都以詩名伯紫弱冠未婚所著有憶天集

○月沙閣秋社

和家君韻

國家圖書館 NATIONAL CENTRAL LIBRARY, TAIWAN, R.O.C.

蓮句云
却似枕
上輓轡
牀上轉

天際霓裳似肯教秋光着露拂寒梢閒心欲共
幽花語韻事初盟旅雁交柳為爭妍頻賣眼雲
因顧曲未歸巢情深知是誰為主城上殘更水
上敲

○○初冬飲意花居卽席賦贈澹如素文兩校

書

與秋相習未多時又見金風欲別離素節舉觴
留淡菊艷情着樹發紅枝酒浮嬌影同魚啖球

蓮句云
字字粉
關

繞香裾恠蝶隨坐上月顏如望夕不於天際看

新眉

是日遲小妓
揚文不至

○露坐有懷賦得蘭秋

花神豈但弄春柔更挾春心點艷秋銀漢栽桃
今正笑湘江紉佩古餘愁長生莫負三生約待
女空窺二女樓願得秋期似蘭信崎嶇何羨月
中游

○○對客

蓮句云
吐出英
雄所屬

男子胸懷自有真談鋒入晉但多嗔英雄自許
渾羞殺文字相推可笑人只看庭花知過午却
傷野草已非春此時尺寸無成立何日空門試
問津

○秋日輯閨秀詩有感

盡是愁心與艷腸殘編猶有粉痕香當年幾個
逢青眼今日何妨問白楊留得宮閨如許恨都
緣筆墨易為殃會須飛入墉城去閒拾秋霞貯

錦囊

○戲贈張秀初

忽來張子館河東矻矻窮經似老翁閣外遠山
俱半面牕前皎月助雙瞳臨波獨笑身幾墮造
語相侵色欲紅自是女郎多絕識左思有果在
車中秀初有丁儀之疾時方買妾名紅艸

附和詩 儒冠三十嘆西東志業摧頽竟
老翁未恨美人亡十指翻嫌好士不雙瞳
臨河濯足無言碧叫月傷心有淚紅載果
安仁牽底恨左儉得賦駭吳中 張岐然

○當年

當年此意不曾寒博得今朝有淚彈
荳蔻春深攔不住杜鵑秋放甚無端
相忘自不干卿事欲見今須諒我難
可有為郎憔悴句教人從此悶懷寬

○登鏡閣

和沈叔羽韻

一望波光却似空涵將烟岫與霜楓
山山舞袖秋鸞綠樹樹啼痕杜宇紅
應是魂歸松柏下還

蓮旬云幽艷絕世可惜

東字不如西字

蓮旬云此與花月吟皆情艷有餘而無關風格

疑影落苧蘿東不唯湖水能留照
素魄高懸雙鏡同

○梅雪吟

雪裏梅枝盡放南梅心雪性自相諳
雪飛六出如梅好梅綻千林似雪愁
有雪憐梅梅不恨將梅嫁雪雪何慙
須臾月射梅梢雪雪月梅花快友三

為尋梅雪上高臺梅雪相將一笑來
片玉鏤成

梅共雪六花不辨雪和梅雪香常被寒梅悞梅
艷還將絳雪猜誰嚼梅花連雪嚙梅爲姿骨雪
爲胎

○爲何郎題畫蘭

何遜吟梅句已遐又聞蘭艸屬君家居然貴格
稱王者自有幽香待美娃九畹曾充江上佩一
莖似向夢中拏可憐寂寞宣和筆何不圖將夫

婦花

蘭名王者香又名待女
花蘭與水仙名夫婦花

○春霽社集大暢亭分得斷橋限十蒸韻

山川城郭自相憎從此紅埃隔一層雨後波紋
嬌似髮雲中岫影抱如肱香隨駿馬驚荒蘚曲
引遊魚聚釣罾處士清風美人淚染將春色到
西陵

處士和靖也
美人小青也

○賦得一春花事到醪醪

不是紅顏命獨貧憑君辛苦殿殘春衆芳早嫁
心皆悔孤秀無羣氣自伸老矣封姨無嫉妬歸

蓮句云
老而不
妬便是
可人

蓮句云
小青應
是蘇小
后身

歎青帝尚逡巡。儘教瀲灩如春酒。影入床頭可醉人。醪醑又酒名

○○阿誰

遠條云情幽而暢筆老

阿誰草就衍波箋。天末佳人小字翻。昔對黃花聞玉樹。今逢青鳥寄金荃。銷魂忘却茶為茗。遣

而愁較盧家少婦詩自勝一着

悶休云酒次禪。僕本恨人心不已。須教此事記琅嬛。任育長問客日此為茶為茗。香山日除禪其次醉

○和下第者韻兼賀新第者

昔之相知者不喜其身之達也。而喜其友若其友之窮也。亦不翅我身受之。余庚午之役了無所動于中。迨徐亦于過我示以新詩。便如元白握手于潯陽。始覺有遷謫意。正擬和韻相勞。而吳來之捷音適至。爽然頓忘其寥落。卽用徐韻以慶來之。正未知來之聞我輩失意之信。何以為情耳。功名遲速在三生。豈有男兒只淚傾。聽我鳴鼉

呼月出。憑君馳馬看花明。劉蕡失意人休詫。祖
逃先登世漸清。自媿羣書觀未足。可能拋却走
都城。

○余掌上有文成奉字詩以述之

疑是廬山栽杏身。舊名留在掌中皴。明明讀去
音如鳳草草。看來意似春。孝子昔傳褒字瑞。哲
人曾詫虎文真。慚余束手成何用。空羨持戈握
印人。
廬山下栽杏者仙人董奉也。又舜手握褒仲尼虎掌。

薛諧孟云予掌縱橫若數十字而不甚辨意者世眼世福翻須

此模糊耳

○七哀詩

寒氏賦悼亡七詠余和其韻

坦腹方新又腹悲。因緣不謂短如斯。朝朝設奠
空稱乃。昔昔相知僅有而。一哭重生何足恠。雙
魂相殉豈云痴。孫郎好句情文備。獨立霜風細
詠之。
凡對死者致辭夫日乃兄弟日某

蓮句云七詩中杳渺之態如香篆欲浮游絲初裊

舊園風景逗新悲。前日歌斯今哭斯。痛子命隨
燈已矣。俟君魂降著乎。而琴中飛雉終身恨。鏡

裏啼鸞徹底痴。世上鍾情歸我輩。肯令荀粲獨當之。

寒牕怕聽朔風悲。連理初成受斧斯。與我相依惟有我。愛而不見願從之。而曾聞菊蕊枯能活。安得蘆花想欲痴。夢入黃泉窮碧落。輕烟一縷杳何之。

獨自殷勤禮大悲。嗟君未得衍螽斯。幃前陳設皆徒爾。室內音容奈遠而。唁慰大都無味語。沈

吟拚作有情痴。靜聽絳繚來深夜。爲是爲非一望之。

閨房小別尚然悲。况復人歌薤露斯。秋夜深盟猶在耳。春容未肖再添而。全輸寢食惟羸淚。欲賣琴書只買痴。坐有客云當鼓缶。強爲曠達甚

難之。

頰毛日而顧虎頭画
裴楷頰上益三毛

新詩未寫一分悲。淚積空箱可萬斯。情似雁奴休問匹。拙非鳩婦忍忘而。擬攀少傅歌長恨。敢

舉參軍號妬痴慚愧良朋遠相過更無雜佩贈
遺之雁宿孤雁爲之守圍日雁奴

唧唧寒蛩亦似悲情根一點想同斯招魂終日

歌來些對影何人勸學而願結三生終不忘卽

拚九死莫嫌痴當時弱子如留得應識書中無

與之樂天生七月卽識之無二字

○○徐青芝八鬟合詠

八能之士昔稱男音樂于今閨秀譜十院歌姬

惟歎二五家舞隊尚羸三分門可布吳宮陣賜

帛幾窮交邑蠶縱使穆王神駿在肯教換却女

何哉禮儀志天子會八能之士陳八音○武侯作八陣圖○交州一歲入蠶○何哉歌者

借取春山與月來十眉圖樣一時該較書壓倒

淮南客索詠欣逢沈約才彩鳳四雙盤上舞嬌

花十六鏡邊開銜杯恰好仙人八粉頰紅潮玉

已頰蜀有十眉圖○八公降于淮南○沈約八咏題玄暢樓○瓊之推詩八鳳出輕烟○

飛燕舞水晶盤上○杜有飲中八仙歌

荀云
復蛟起
舞嬌鳥
啼花

天地英靈不在男歡場未許俗人諳繁燈照影
疑千百密室盟心不二三驕彼七娥爭獻珥亞
于九女共親蠶真如八寶全收拾從此人間亂
可哉齊王有七孺子薛公獻七珥○寶應朝有尼真如天帝授八寶以鎮亂
芳姿豈是意求來八斛明珠價信該錦繡叢增
元愷數裙釵隊有顧厨才多名鸚鵡紛紜喚幾
姓花神次第開得暇共尋芣苢去高岡戲馬未
虺頽君山鸚鵡有武遊郎阿蘇兒等號○崔玄微遇花神

○贈張文倩歸所歡

和楊冷香韻

寂寞天宮冷絳綃暫將塵世艷情挑太真亦贈
秋烟句倩女應非暮雨妖却笑狂生空乞珮未
逢仙侶自吹簫白頭古語傷難託有信何妨嫁
弄潮

○陳道掌著嘯閣日箋成漫賦爲贈

誰、搗、毒、鼓、九、州、聾、著、述、書、生、告、厥、功、銀、管、畫、來、
雲、篆、樣、金、壺、傾、出、雨、師、同、饑、食、三、字、成、仙、客、卧、

枕雙函、辟鬼雄、莫被六丁收拾去、千秋封貯水
晶宮

○江邦玉築別業于橫山自作小記索友人
題咏余漫附其後

每逢勝地移時坐、恨乏閒情獨處吟、今擬徘徊
題爾室、偏無踪跡在、余心既爲高士情、應勝喚
作橫山意、可尋覓句無端聊閱記、卧遊何必到
秋林

○童戲四咏

放風鳶

蓮旬云
入詠軟
溫滑膩
之音不
知于風
雅何如

媽紅姹綠、粲前村、空際飄飄似素旛、遙共秋千
爭月影、漫同飛絮攪烟痕、恕先妙筆今猶在、墨
子奇思豈足言、數丈殘絲罥高樹、狡童升木捷
于猿

騎竹馬

曾聞仙叟竹爲龍、策蹇誰知卽策筇、笑學新郎

迎美婦聊爲太守勸耕農。此君神駿真堪託。年少金丸到處逢。頭上摘將荷葉蓋。還誇儀仗似雲從。

捉迷藏

片縷輕紗稱額長。霧籠秋水影蒼茫。一人借手爲雙目。數輩摳衣隱四旁。婢指此郎堪作賊。兒言似我可偷香。曾聞天寶爲斯戲。爾我權稱李共楊。

鬪蟋蟀

何須鉅鹿看鏖兵。只看階前小戰爭。微物無端分勇怯。旁人有意較輸贏。亦如籠內雞須養。還似床頭蟻可驚。歛得金錢各歸去。秋風寂寞吊空營。

○ 閨戲四咏

聽盲詞

開簾閒向大堤看。試喚盲姬坐席端。地鬼天仙

姑妄聽生離死別切休彈江頭商婦傳衣鉢塞
外明妃跨錦鞍小婢相扶下堦砌崎嶇猶恐蹴
幽蘭

賭象棋

教陣吳宮總未諳花陰對局性偏耽不須夢裏
移雙陸絕勝山中着十三得喪爾休驚一馬縱
橫吾且食如蠶龍宮髮髮無從覓拚却香奩碧
玉簪

武后夢雙陸不勝。橘中老叟象
戲輸海龍王第七女髮髮十兩

猜謎子

吹燈延月共詳推花果禽虫次第來昔有隱書
今復補雖云小道亦須才題詩弄玉能藏姓指
鏡紅綃善自媒忽地悟來原甚易男兒心性較
難猜

漢書苑文志有
隱書十八篇

擲金錢

禱徧錢神為憶卿盤中細選掌中擊往來不似
青蚨合魂魄同于皂筴輕卜得姑父心已足變

爲睽卦色難平鄰家姊妹無心事花下攤錢送
笑聲

○臘梅

和徐野
君韻

黃花黃葉久相違忽復枝頭黃雪霏凍後猶然
開雀口春前早已試鶯衣入唇比蜜三分淡着
額如檀一點微字以芙蓉形頗肖清香還問是
耶非

有妹羅浮未問名赭衣先嫁儼爲兄已過素節
餘霜菊預借朱明薦蠟櫻斜罥釵鈿深有色亂
拋丸彈悄無聲游蜂衝冷尋香至形影相疑画
不成

○携妓看花

曾見桃梅同放不今年相間出墻頭梅能染絳
尤爲艷桃亦飛香頗自幽萼綠華前羞綠萼秋
千架下祝千秋携尊更汎蜻蜓舫擬學桑間一
醉鳩

秋千本作千秋漢宮
祝壽詞後人誤耳

蓮句云
但能于
七律中
縱身而
人撒手
而行又
絕無粗
浮淺率
氣便稱
快筆

○○花下獨酌有懷

我友三句去不回無端獨酌亦悠哉歌聲遮莫
藏于樹山影何為墮此杯但願紅鷺求字去不
須青鴨送錢來醉時一笑驚天上花蕊還隨意

蕊開

道士管霄霞贈右軍紅鷺○漢武見青鴨化為小童持輕影錢五枚置几前

○王邑侯太夫人八表詩

綺閣喧稱燕喜觴鞠衣初映鬢絲長暫看膝下
飛雙鳥時向燈前憶九光杖帶瀟湘篁影綠舟

宜新甫柏枝香天人自有天厨供喚作常珍大
不常

○○暮雪

衝風啓戶望堦墀缺處誰將玉補之石丈蹠蹠
呈羽袖山公倏忽露龐眉空庭舞劒光芒亂禪
室飛花意態奇還是諸天好遊戲偶然落筆傲

王維

○花月吟

蓮句云
隨意指
點

蓮句云
曾見唐
伯虎有
作流麗
相敵然
終非高
響

花月如將春色爭評花較月費閒情正宜月鏡
將花照偏覺花心向月傾琢月休教花影瘦催
花趁取月痕明可憐花月精神處若個能尋花
月盟
月有妖娥花有神試看花舞月微頰特來月地
同花睡欲拗花枝怕月嗔月影籠花花似玉花
光助月月如銀願教花月長相遇我作迷花弄
月人

月寒花淡又黃昏花月模糊獨掩門踏月慮沾
花底露飛花驚墜月中魂月爲媒灼將花嫁花
有胸懷對月論有月有花成二客且和花月細
溫存
閒將花月共平章花亦能明月亦香酒客坐花
邀月姊閨人映月拜花王鶻啼月影花含淚蝶
宿花枝月隱光聞道月中花更燦擬游月窟探
花房

○○咏雪追和坡公尖义韻

連旬云此與八

髮詩同以搜事

見奇而無纂組

之病

通旬云

妙相莊

嚴

誰、搽、清、角、好、音、纖、惹、取、天、花、氣、頗、嚴、有、客、搏、為、
雲、子、飯、無、人、塑、就、虎、形、鹽、玉、塵、九、斛、傾、香、砌、珠、
樹、三、章、蠹、画、簷、擬、學、南、唐、燒、煉、術、指、端、爭、似、耿、
姑、尖、左傳鹽虎形以獻其功○橘中叟輸瀛洲
玉塵九斛○三珠樹生赤水○耿先生手
如、鳥、爪、鍊、雪、成、銀、
同、雲、四、匝、掩、金、鴉、不、許、羲、和、駕、日、車、天、女、當、堦、
驅、瑞、葉、仙、人、倚、戶、咒、瓊、花、鳶、肩、委、頓、難、騰、遠、兔、

目迷離已喪家。王氏素縑休論匹。南山纏遍老

松义。

燕華君詠雪亂飄瑞葉到人間○
王元寶曰南山樹有盡臣縑不窮

青腰女子舞纖纖。偏趁朝來風力嚴。鴨禱難成

空。撚絮羊車不到。枉拋鹽霏。霏玄屑。隨松塵。點

點寒英。損帽簷。何羨古人栽玉法。瓊禾瑶艸滿

山尖。

萍曰鴨禱○梁緒
簪梨花損帽簷

剡棹初歸。軋軋鴉兒。童口內戰雙車。鮫彈冷落

成珠子。燕唾香涎。染石花。滕六長驅。烟霧陣。葛

道旬云
險韻字
字穩

三游戲水雲家。圍爐此際須沽酒。梁上挑錢用。
畫義杜牧詩歸棹何時軋軋鴨。葛仙翁第三子雪中入崔希真家。○画义挑錢買耘老

參差萬縷半穠纖。日午奇寒未解嚴。安得成丹

如絳玉。可能進膳比飴鹽。花惟見李開荒苑。影

已先梅拂短簷。誰道春風能剪葉。雕鏤還讓朔

風尖。申公有絳雪丹。○王母進嶸州甜雪。○周禮鹽人供飴鹽。○昌黎有花不見桃。惟見

李之句

運句云
筆亦如
剪

運句云
隱秀之
中每得
酣暢

休侵美女髻。邊鴉寄語風師暫。駐車拾取鐙中

閒。煮石釀成甕。內漫吞花驚看誰。嘔絲盈野預

喜將收粟滿家。獨跨蹇驢乘興去。滄茫不辨路

三义白石先生煮石為糧。○吞花卧酒。虞松語。○北海有嘔絲之野。

雲鎖柴門隱宋纖。擁衾獨誦首楞嚴。無茶且仰

天孫乳。有酪何須學士鹽。蛤粉帳幃疑掛壁。雞

林簾箔恍垂簷。史痴妙手令人嘆。願攝江山到

筆尖。宋纖晉隱士。○飛燕取萬年蛤粉。五成金霞帳。帳中常如滿月。○張說有雞林夜明

簾

封盡枝條噤盡鴉更無長者辱高車庭除翼翼
皆飄稷屋瓦鱗鱗乍繪花寸許銀蛆何處嶺尺
餘玉馬阿誰家痴兒戲欲拈冰筋爭把長竿向
上义霰日稷雪○天聖中青州屋瓦成百花之
狀○蛾媚山有雪蛆○王騰雪中得玉馬
高尺餘

筵前紅袖裊春纖共訝今冬令大嚴斃服雍容
疑有鷺冰膚綽約媿無鹽偏宜弗弗風吹幕未

許涓涓水滴簷壓遍梁園舊花草却教何日露

勾尖

雪中披崔嵬王恭事
萌芽天勾尖昌黎事

不辨誰為鵠與鴉海神當復駕輕車漆園一蝶

招千蝶嵩嶺三花幻六花洒出清風蘭作氏裝

成麗景玉為家獵夫有獻都純白何必相煩趙

野义

太白詩清風洒蘭雪大戴禮蘭
氏之根北齊趙野义獻白兔雁

○五別詞限韻

楊花別

違旬云
發別慘

今日楊花又命信不堪重折柳條觀來時翠帶
為雲旆去後黃沙作瓦棺李樹催人辭故國荔
枝馳馬送花冠安能留得容顏在却似秦松長
守官

燕子別

營巢燕子恰啣枝驀地秋風動遠寄翠羽告歸
同去妾烏衣畢夢謝良媒花無玉剪慵舒蕊院
有泥香空點莓記得仲春春笑日宮車初過禮

違旬云
不堪着想

高襟

斷綆別

梧桐放影護春澌井上翻轡亂曉颼白地被他
牽引動冷邊賺爾墜于斯空憐獨自窺斜領却
向何人倩續絲若使柔腸為脆綆何須利劒割
相思

違旬云
筆筆淚
痕

秋扇別

蓐收吹暑退簷飛紈扇回思自覺非晉代可知

歌石氏宮詞誰不艷班妃薰風輸與西風爽靡
草何如紅草菲從此便須收拾早忍教愁伴雨
霏霏

舊絃別

新昏正比弟和昆忽斷朱絃若碎琨空爾接絲
傷寡鵠又將拂柱待靈鷲曾令江上沾青袖無
復臨卣伴犢禪却恨鼓盆人薄倖不稱比目但
稱鯤

○桃葉渡頭雙柳

限香字

疎枝裊裊發清狂映水還如爭媚郎晉代雙桃
難獨美秦時舊月遜新香舒陰相接天無暑立
雪同携影不涼却喜旅人堪永託何須吹入白
雲鄉

春風接得柳絲長天上誰人墜舞裳少婦有情
堪綰帶游人欲別解留韁烟鬟縹緲分鴉色夜
影躡躑闌月黃一自桃花零落後憑君長供渡

頭香

蓮旬云
三詩風
運此更
絮飛

王家艷影已荒唐
白氏緘腰尚頽頽
種柳柳州宜
姓柳愛楊楊
廣戲封楊一株
移自先生肘
五樹分來處
士莊對立渡
頭風致別遙
爭臺上雨
花香

蓮旬云
歎崎歷
落奇士
木色盡
露

○ ○ 同吳默寘讀書水一方
拈七平七仄句
暫爾息足類作客
邀將山川開愁胸
幙少好女
月是嬖門憎痴人
雲為封舞霍
劈破古樹影
饑

魚爭食殘花容更有一事最得意
高山絃中鍾
期逢

○ ○ 讀彤管遺編

紅顏未必死
當年現有香魂寄
一編即句想容
春在樹因歌見舞
鳥啼烟拈毫為爾
排奇謗落
點憑余發宿妍
何事尚須求得意
千秋妖冶集

懷前

○ 初夏為祝翁七袞詩

蓮旬云
女史之
董狐

未須稱老未須傳。植杖婆娑古道邊。口似箔中蠶尚健身如隴上麥。初堅家兄挾策輸王績。小婦牽車做鮑宣。不羨虞庠升斗粟。山人頻餉五芝鮮。
記日七十
日老而傳

壽岳石帆大司馬七表

國是從前若沸蜩。偷閒暫擲幾壺驍。禪玄雙策承三聖。文字單行起八朝。破虜願消先祖恨。生兒才比倦翁超。更能折節收佳士。春酒爭來萬

里遙

綠肥庭院聽新蛸。髮短心長氣正驍。獨諍前星安爾位。相期後日杖于朝。蒲團生活看看細。楸局功名着着超。國有老成端可賴。豈容滴露注逍遙。

○社飲二首

辛未仲夏締同社十四子。小飲于摩挲堂野。君做工部八仙歌。以紀之余復櫟括成二律。

焉十四子者為呂昭世字躬三徐明禮字仲和沈有聲字大予金時觀字孔賓俞允和字惠公嚴津字子問范琛字仲舒范士穗字玉禾張開先字君山張拱極字九野徐嘉綺字舜衣徐士俊字野君暨余并余弟彝字辛彝

十有四人飲摩挲下帷仲子真嗟峨列呂陳彝
色何綺鏘金戛玉聲更和鳳凰振羽欲狎漢駿
馬涉津如下坡佇看德星聚吳野須臾月出清
光多

爾時高會十笏居爭按律呂鳴大予大范小范

才卓卓五郎六郎韻徐徐惟明克允賞鑒定俯
問仰觀疑義除竹林一席傲千古今者倍之當
何如

○○四月十二日初度

二十于今又五年恰如渴睡未惺然桑弧蓬矢
懷初度葦戶荆門傲昔賢遲降四朝甘讓佛早
生雙日喜羸仙錚錚儒術當師世會看喬松拄

碧天釋迦初八生純陽十四生

蓮旬云此與掌上秦字詩俱劃然可傳

蓮句云
詠物如
此神情
絕勝弓
曲扇圓
語大覺
形穢

蓮句云
有隨風
搖曳之

○○○江行見新月

嫦娥冷落桂枝脩天上于今恨未休隱隱怨魂
痴類我厭厭瘦影慘于秋照來孤艇心為碎嫁
與寒江水共愁也似羞將啼眼向偷含紅淚匿
山頭

○太息

太息因緣不可圖塞翁楚子識偏殊無端洛浦
珠何有有數延平劍已無魚脫重淵俄逝矣鳳

翔千仞尚來乎奈何一點痴難了還認殘蕉守
舊株

○壽鵬鷄居士 次韻

神物池中豈足留翻成篋底蠹魚愁窮年矻矻
攻鉛槧永夜蕭蕭響崩緜品蒸聽人分甲乙文
章還我大春秋為鵬為鷄君休問笑看鳴鳩集
杖頭

○初冬孤山社集次吳次尾韻

蓮句云
此山妖
冶正因
孤耳

小春春色滿西湖韻事賢于櫻筍厨窈窕玄亭
疑小有殷勤素手贈文無千觴欲嚙蟾蟾下十
笏堪容龍象俱何以遊情偏屬此此山妖冶不
宜孤。

○晤錢聖月于海昌贈余以詩次韻奉答

長風乍捲海潮音盪日漂霞冶躍金輿到八义
天匠手文成三唾鬼工心持罌陸叟聯湯社送
榼麻姑廢酒禁何物丰神堪舉似羅羅庭竹影

千尋

禁承酒
尊之器

○久寓硤山思歸邵子玄浹作詩贈別余欲
與邵子同去次韻招之

空復高冠佩陸離託身不擇上林枝笑啼終歲
君無主冷暖他鄉我獨知。邈上有鍼嗟刺促樓
頭如甌耐蒸炊何妨郭李同舟去長嘯呼風別

食其

硤山一名
食其山

○玄浹留連未行再嘲以詩

殘冬無可贈將離。惆悵經年共一枝。作賦耻因楊得意。拂衣長謝魏無知。黃虀作饌何難啜。白石成糜豈易炊。歌以寫憂聊送子。銜杯不覺夜

何其

芍藥一名將離

○醉後贈邵子

兔網高張雉獨離。微言未絕有松枝。楂枒每露狂奴態。茗芋惟應達者知。但是搽觚花便發。須教滅竈黍重炊。冷看世態渾難忍。擊節臨風憶

魏其

○遲邵子觀劇不至

終朝側耳聽侏離。空羨鄰家唱竹枝。鸚鵡杯頻三日醉。麒麟筆落兩心知。笑他紫雪鎗中煉。容我黃梁枕畔炊。坐待須臾碁局改。銅仙辭漢太淒其。

研田禾黍嘆離離。明月稀星鵲繞枝。小閣長封悲故友。西湖短棹樂新知。何年槩上揮毫賦。此

日矛頭浙米炊。密邇墻東人莫卽空歌如玉念
溫其

○問雲軒次粘雪韻

山房咫尺是雲房。學取湯湯澗水香。何以蒼龍
無雨出。若爲白鵠帶風翔。三秋借汝裁爲布。五
夜憑誰擣作漿。試納籠中持贈客。不須長矢射
空囊。

更羸妻製鎖雲囊
繫箭頭令羸射之

○竹浪館看荷次徐野君韻

蓮句云
起得奇
恣

何不拈將萬朶蓮。擲爲大海水中舡。凌風縷縷
香生竅。泛月枝枝玉起烟。鳥若有緣來並坐。魚
雖無意見猶憐。更教翠幄團圞貼下。奪澄波上
奪天。

豈非國色豫章蓮。夜向陳陶勸玉舡。倦理殘妝
臨鏡月。醉看舞袖隔紗烟。羞人頰上潮初暈。學
我唇間粲可憐。携去碧湖紅影亂。幻成一段曉

霞天。

第六句用李
白粲花之說

○無題

壬申試燈日作

蓮句云
何其清

遙望非耶復是耶。蕊珠宮裡墮香車。稜稜画出

初三月。顛顛擎來第一花。深坐不妨消夜蠟。薄

頰將欲醉春茶。吾家絲綺相傳舊。合贈知音女

伯牙

○贈仁和聶令君

楚人

雙峰雨染兩湖鮮。絳鳥飛來自楚天。雲夢氣將

吞八九。洞庭波欲擊三千。夜聞釣艇魚俱覺。曉

看桑陰雉可憐。一曲春風彈未竟。華如桃李燦

門前

○題璇璣圖詩

想見柔腸幾許迴。正如磨上蟻行來。三千首寄

三分恨。八百言從八寸裁。史筆恰宜煩牝帝。賦

情寧復繫陽臺。誰云悔過兒郎少。只是人無織

錦才。山谷詩云亦有英靈蘇蕙子
更無悔過竇連波余特辨之

○雁字

蓮句云
意詩無
一佳句
如兒童
作圖圖
觀自可
驚絕

蓮句云
此等題
久已濫
觴以此
中清微
高脫之
語為勝

儘把秋雲作練巾。兩言寫意不多陳。二三兄弟
原如一禽鳥。夫妻亦似人。畫地可憐蒼頡苦。燒
空難遂李斯嗔。不須重譯方來至。鞠有黃華利
用賓。

簡郵

當授雲霄翰。史流古來鳥跡。此為道浪傳。帝瑞
曾因蝨豈有仙書。乃問牛羽比山中。毛穎健烟
如池上。墨光浮自娛。自悅還矜慎。不作他人寄
簡郵。

蓮句云
超出
層

蓮句云
形似中
即具遠
韻

蕭蕭雝雝過客齋。亦堪意會亦聲諧。顏筋柳骨
雲中篆。水草丁真。月下排沙有鐵錐。泥有印翼
為金剪。脚為釵。楚鳧越乙猶難辨。若個能評筆
陣佳。

掃向萬生霜。降時秋蛇春蚓。視為師。拈來想是
青鏤管。望去真成碧落碑。丁不須鈎。誰識此朋
猶未正。更吹之前身。次仲能為隸。雙翩翩。翩翩意
外奇。

蓮旬云
句似白
玉蟾

不知朱鳥與蒼駟咄咄書空大擘窠力盡一身
而送畫影垂三折以成波教兒運腕常將荻學
婦分眉不用螺去地中間多少丈凌霄寫榜較
如何

渡河三豕已訛經切莫訛看雁渡汀迴似迴文
真妙好飛如飛白儘空靈鳴弓便作鸞驚勢啄
稻翻爲鶻落形更欲試他烏鰂墨羣來戲海蘼
霜翎

○夜泊江干書所見

雨歇瑤天掛蠅螬江頭暮鼓正蓬蓬鄰舟命尊
浮金蟻奴館敲枰墜玉蟲顧我仙仙鴻作舞愁
予眇眇鷺成翁何堪秋氣驚遊子彷彿潯陽對
荻楓

○甲戌元旦次仲父韻

胡爲今日北風涼閉戶端居喜不忙但使屠蕪
娛獻節未輸轆轤赴春塲拜祠班次頻移上得

歲兒童漸引長。那復能如年少日。拖鈎剪勝。蒼韶光。

○壽黃翼文次韻

黃談兵說詩人也

精神豈但與身齊。欲使燕然有字題。枕內風雲機。自握囊中冰雪卷。常携除禪次。醉胸無棘。學戰兼仙。面不梨。一旦功成還拂袖。君家黃石候山谿。

○國門羣社

限羣字

直以三章定一軍。無煩刀斗夜相聞。唾珠傾海珠成串。醉玉頽山玉作羣。材聚四方真竹栢。氣鍾二祖舊榆枌。可憐藝苑生蓬草。不是龍工孰與耘。

眼底同羣總絕羣。羞稱八駿與三君。意當獨得香堪享。心若真輸石可焚。衆口未須欺玉骨。消人應解賞蘭筋。太平鼓吹無難事。天地于今展大文。

遠句云
遠句

○沈孚中以金龜換酒詩受知于宋喜公令

君余次韻贈之

往○往○奇○仙○好○奕○棋○一○雙○活○眼○勝○愚○癡○尋○知○我○者○
惟○彈○劍○問○得○人○焉○對○以○詩○九○厦○音○聲○非○類○蚓○千○
秋○事○業○不○謀○龜○臨○印○邑○長○相○朝○後○讀○賦○聽○琴○兩○
座○師○

○○甲戌端午

千○尋○綵○縷○欲○如○何○繫○得○千○秋○人○在○麼○孝○女○額○痕○

遠句云
便似抵
掌而語
彈劍而
歌

黃○若○絹○忠○臣○心○血○碧○于○羅○采○茲○風○土○先○歌○哭○呼○
爾○雲○烟○或○唯○阿○請○以○兩○言○空○一○切○古○云○痛○飲○共○
禪○那○

○秋閨夢戍和虎關
馬氏作

無○端○落○葉○冷○悻○驚○錯○認○榆○關○夜○析○鳴○妾○語○剛○如○
烟○未○斷○郎○顏○更○似○月○初○生○誰○知○對○酒○衣○千○點○仍○
是○孤○眠○枕○一○泓○迢○遞○黃○沙○都○在○目○星○星○記○取○問○
分○明○

遠句云
以它人
結意作
起語便
首孤迥

聚散曾無始與終。似于邊塞似房櫳。不知遠客
來東雨。還是微軀遡北風。握手相看空自握。同
心乍結竟誰同。爾時亦料非真境。猶願徘徊恍
惚中。

不負殷勤喚趾離。果然相見一炊時。征人奕奕
皆如蟻。夫子糾糾欲化羆。亦想亦因知互有。爲
妖爲吉尚存疑。云何幾許同仇婦。永夜無人伴
妾馳。
趾離 夢神

○丁婦翁六表詩

時甲戌二月翁
有子赴試禮闈

天山筮得遯爲肥。有水洋洋可樂饑。竊比羣賢
遊向洛。笑看見輩捷于淝。朱門高蓋歌都護。紫
府清簫舞令威。已辦一堂分仕隱。青雲頭上白
雲飛。

野衣新製吉而安。物味深嘗苦共酸。塞馬去仍
來甚易。海鷗飛欲集何難。叅同世出世間法。豁
達人非人等觀。共道泰清堪嘯咏。不如清泰足

盤桓

三春未半百花燃六甲初周四美全聖世不妨
頻中聖賢書爭賀得齊賢澆哇聽水鳴如佩排
闥青山好似鬢偏覺閒身能養日小年積就大
椿年

○○贈丁韻合同乃叔叔潛北上

且復且矣開昌期彈冠就道車驅之不日不月
念君子如雷如霆驚市兒後先同聲大小阮予

連旬云

贈送倡

酬中乃

得此一

種家駿
之氣

汝異色東西施明明六翮已豐滿豈有上林慳
一枝

桃李之華何彼穠苟無膏沐若為容君家捷足
乘時展吾屬魁顛幾日封率曠野兮非兇虎揚
王廷者是夔龍從茲同學稱先進應遣蟬魚也
笑儂

試于今日看龍秋不比前時聽鹿啣鹽菜幾何
何用餞檳榔少許許相求帝將問孰如員俶卿

不言誰勝魏收。知我誠深須待我胡爲遽向鳳

池遊

韻舍爲先姑子余又爲韻舍妹婿中四句以此

此去當知虎鼠分空煩李邵念劉蕢琴留緩韻
人爭賞雀吐威音世共聞北面春秋推少府東
行易說在將軍何如更闡高堂學大屐俄生縷
縷雲

○○自警

誰云明鏡無疲照不匣如何不受塵射縱通神

運旬云切中膏首之語

須善息御如窮力豈長馴勞乎日月還相代逝
者江河亦似輪問爾心精餘幾許出多于入易
爲貧

○徐大津赴任武陵其兄野君與之俱索詩
爲別

滿袖西風露欲霜興懷沅水忽褰裳綠蘿有地
更同插白雀之湖雁並翔橘社叟誇千橘富桃
谿仙贖九桃糧望君楚望亭前望不絕郵筒字

字香

武林人作武陵遊嶺月江烟孰者優異姓如兄
嗟異地同堂厥弟羨同舟濯吾足處宜招屈問
彼津時欲繼劉倘復相携過漢渚一雙珠是兩
人收

○○○讀方水弟別東園詩詩以慰之

且休問此徑誰開萬古誰非過客哉吾不必將
吾室愛後當復有後人哀賀云之子隨鳩入笑

日狂夫愧燕回今日便如閒借看長鬚為我洗

卮來

忽乎吾欲遠行今賣此相如四壁泥豈若馬難

忘此豆安能雞共鬪于醯碩人之軸非余軸君

子攸躋聽爾躋花落鶯啼都不見蘓公送客過

塘西

子瞻送毛澤民句云明朝歸
路下塘西不見鶯啼花落處

○○○除夕取一年詩文草稿火之漫賦

除歲通將筆墨除研田燒處似燒畝劉之文冢

運旬云
七言近
體以高
脫為奇
如此真
稱逸格
如先輩
高而不
脫時英
脫而不
高

連旬云
誰能于
此體中
奔放如
許

親于蠟唐則詩瓢葬在魚占易上經逢火卦讀
秦本紀學燔書好教光焰凌雲漢帝謂相如賦
不如
一○章○一○旬○爾○抽○絲○心○火○成○之○火○送○之○舍○利○拾○歸
毛穎塔劫灰飛向墨卿池九還絳雪風中轉五
色瑤烟日下披咄咄逼人難逼視文明天下此
其時

○之子贈龍女

連旬云
幽而酒
又云此
種因緣
遂成露

之○子○豈○同○媯○女○怨○丈○夫○寧○乏○賈○生○才○云○何○澹○若
無○言○菊○更○覺○寒○于○不○笑○梅○迎○葉○所○拈○都○否○也○維
摩○相○對○亦○悠○哉○便○從○雨○捲○珠○簾○坐○悟○出○風○吹○繡
帶○開

○贈琴士

口○則○無○言○手○有○云○此○非○北○鄙○是○南○薰○廣○陵○散○曲
追○中○散○司○馬○文○園○逗○卓○文○未○許○蠅○蟾○移○步○步○庶
幾○鸞○鳳○下○羣○羣○進○乎○技○矣○令○人○妬○煮○雀○須○將○阿

堵焚

○○凱歌

遵旬云以香匳筆作盾鼻詞

蒼○篋○竹○簡○得○于○圯○罷○釣○滄○浪○作○帝○師○顯○允○帳○前○
降○徽○猊○焉○支○山○下○繫○闕○氏○枇○杷○薦○酒○琵琶撥舩
艤○乘○風○蚱○蜢○嬉○笳○鼓○歸○來○畿○輔○近○喧○言○祈○父○受
天○釐○

○○題逆旅主人壁

春○暉○炙○人○如○秋○陽○百○里○無○樹○皆○大○荒○深○渡○淺○渡

運旬云長安道馬○足○白○輕○沙○重○沙○人○面○黃○酸○醃○滿○甌○稱○酒○美○健
上光景蕭然在月女○負○擔○欺○男○尫○草○莽○不○知○定○鼎○意○舉○頭○但○嘆○長
安○長○

○次韻壽陳芬若母黃芬若尊人從戎早世

寒○曦○特○為○北○堂○遲○隱○隱○南○嶺○護○短○籬○篋○裏○津○龍
雖○契○濶○階○前○渥○駿○太○權○奇○負○隸○可○當○將○軍○樹○瑞
草○宜○為○天○子○葵○雲○載○瓊○娥○來○奏○笛○不○知○塵○世○有
桓○伊○

○陳功次母七袞

不見陶公母湛乎陳嬰做此教諸雛雲從漢殿
沾冠玉星聚荀家奪領珠式穀兒非容易有傳
經父似未曾無安貞自合年華永健婦繇來勝
丈夫

○上大人五十壽

逆旬云
行寫情
事亦十
符共二
五岳頽然浸一杯向平何必遠遊來漉籬女以
蓮花供玉斧兒將藥草裁奮建無文猶可樂談

遷作史但為災團樂晏坐堪忘世莫問生年總

未孩

先生壯歲頗多能儒俠禪玄力可勝十萬纏思
騎大雀三千仞莫借雲鵬方知彼法皆陽燄漸
釋予心若夏冰好向不為何況惡阿誰科律敢
相繩


○感舊

此事于今八歲餘當時十五此中居一年以後

三談選
遂成詩
識

薛諧孟
云語語
自然至

纔逢汝五載之前便別余。留得雙魚今尚在。送
來半臂久非初。高桐百尺曾相識。欲訴愁懷葉
上書。



國家圖書館. NATIONAL CENTRAL LIBRARY. TAIWAN. R.O.C.

蕊淵集卷七

五言排律

○留不得篇

有序

友人暱一婢其尊人將奪而嫁之因戲取孫
光憲留不得之句爲賦其事

畢竟能留否徘徊不可云心如霜後草人似雨
餘雲隔面三秋憶沾肌數月芬頻書桐葉字暗
贈藕絲裙昔意今偏密生盟死不分談愁天欲

連句云
名句

瘦唾血地應墳好語牀頭轉流言戶外信紅綃
無復望碧玉擬為羣拭淚鴛鴦見生袖中一綉
悅有雙鴛鴦
云通辭鸚鵡聞春波存態度明月鑒殷勤中夜
魂常悸如何留得君

○辛未初正寒氏示我悼亡詩為之酸鼻時

寒氏將省親于燕因次其韻以送之

予弟將行役而兄失友生臨風歌有杖對雨嘆
無正婦自冬初歿君惟淚滿擎鏡鸞空照影釵

燕不聞聲絃斷腸俱斷詩成病欲成一朝扶柩

連句云
持律難
得如此

疎利

出五載受綏迎寂莫兒依母妻涼舅館甥紅顏
游鬼窟青佩走神京鰥也眸常展魴乎尾復頰
勞勞蓬矢勁悵悵角弓解異國逢喬梓荒園鎖
布荆魂如依馬首影或倚車衡逆旅春無色深
更夢不清隨時澆竹酒憶昔共尊羹內顧家徒
壁長驅荷一簏愁深雲變黷恨極水回縈燕筑
酣中碎秦樓望裏傾旣懷孤雁意况感孝烏情

忍以嚴君重偏令老母輕媳亡誰視膳姑坐孰
調箏漸綠他鄉草頻啼故苑鶯歸心休悒快世
運正清明

○醉中和陳則梁韻贈劉墨仙

長我一二年遜君三十里夜飲聽雪兒朝饑餌
雲子有時敲唾壺亦復擁臯比潑墨幻蒼龍懷
仙騎赤兕孤調凌伯牙盛名誇鑿齒四座挹爾
顏雙湖失其美

○湖山花月夜

良宵難再得逐影到前津瘦石披烟縠飛花作
綵茵月如寒賈島山學醉劉倫森森千餘頃亭
亭二八嬪酒無酸子氣殺戒腐儒陳喝月嫌唐
突攀花未雅馴幽蘭啼少艾老樹列竒賓露潤
桃笙冷風撩藕覆新紅牙聲委宛綠耳步逡巡
曲妙唯存縷趺輕不印塵尊香隨浪細草色上
衣勺擊竹驚山鬼銜杯中聖人舟停魚亦喜語

蓮句云
如游名
山洞壑
奇花異
草往往
而遇

響鳥生噴。誤認尊前鳥。常遺袖裡巾。摩琴疑女。
手啖蜜等妃。脣顧影人都美。抽思句豈貧。醒聞
黃熟氣。酣與黑甜親。安得湖山側。長爲花月民。

○贈徐野君二十韻

昔蔡澤未遇。謂唐舉曰。富貴吾所自有。所不
知者壽耳。迨其說應侯也。亦以范蠡之功。王
喬之壽。兩期之。今辛未六月之朔。爲野君三
十誕辰。以此爲慶。似乎可嗤。若從此而祝之。

則古烈士所不廢也。雖然亦似太早計矣。余
是以不敢爲長生久視之語。而第舉君家德
業文章之表。見于世者。以相期。至于東海采
芝之客。益州還箭之人。并拈一二。以見豪傑
之士。未嘗不具仙骨耳。從此以往。倘得如蔡
澤所云。持梁刺齒。肥躍馬疾驅。揖讓人主之
前。四十二年而後。解綬歸印。結烟霞之社。固
吾所願與子同之者也。因成二十韻。貽之以

為笑樂

我指無多屈君心獨許同天麟千載見陵人驥
一羣空勉註史真無黨無黨司刑定有功有功

杜生歌釋送卿劉子歎神童之才婦效三孃咏

悱朋餘七子風幹臨湘龍有種偉沙苑雀初翀

佐卿積慶瓜瓞變承珪勤書箬葉窮伯珍八杉

清可矢師回十帛惠堪蒙福去國因將母庶酌

私宥負公晦束芻曾下榻穉采藥擬乘臙市願

贈荆卿七夫人羞投李密籠鴻客爭豪輸路北

君舊偕隱約墻東房筆落猊方怒嶠聲來虎失

雄膺伴狂能謝檜履教授即彈嵩霖砭石通幽

竅秋夫金刀出後宮齊聃菖蒲偏愛綠似道芍

藥豈須紅國和鳳閣先成樣堅隍郊不犯種棚

逢桓當吏部寧遇武必郎中樂蘇宋才都辦常

機雲價孰隆鉉相期懷頗壯莫遣髻成翁

○○聽掩覽師說法大善寺生歡喜心賦贈

蓮句云
只此便
是西方
公據

梵刹何成敗。禪心自盛衰。乍飛雲外錫。先白座
中椎。與衆期登岸。隨緣恥救饑。紺瞳懸舍利。霜
頂立芻尼。修觀吾非我。持名爾是誰。三車歸一
實。五葉攝千岐。有漏因都掃。無遮會在斯。談談
頑石許。病病妙花吹。昔現文龍虎。今稱律象獅。
願依開士戒。不負法王慈。

○和昆明池詩

正月之晦古稱令節。昆明池上應制賦詩。沈

宋二君昭容並賞。獨以夜珠一語。竟壓沈焉。
沈不傾兄懷瑾。自娛潛德。不拔樓前墮紙。所
弗爭也。而桑弧之設。適當是辰。戲和舊章。以
觴初艾。

獻春鶯未轉。提月雁當回。共喜逢辰吉。徐將動
卯灰。送窮揮袂去。度厄浣裙來。麩蠶無人造。膏
糜有例開。穿天餘絳縷。選地命縹杯。口過誰家
子。昆明謾鬪才。

○出吳江

未曉出吳江披衣坐倚牕鷄鳴千慮動蟻夢一時降月落疑朝旭星明似夜缸驚飛沙上鷺喚起岸邊厖驛析高低擊菴鍾緩急撞順帆風浙浙逆花溜淙淙僚慄傳金令咿啣聽土腔癡兒鼾息壯老婦嚙音唳港狹舟難並途危槳必雙共操精進鼓須折鬪爭幢預祝山無帶還愁水有椿暗行三十里借問此何邦

山帶雲也
水奉工也

○贈歌者紫玉青螺十韻

宮中聞刻玉水畔詫逢螺色藝都相及雌雄去幾何解紅成兩解羅黑又雙羅漢袖承恩重秦衣卷恨多夢擊香案牘猶憶玉鑪歌共釣魚深入携丸馬慢馱鬢烟勤拂拭肌雪耐摩挲喚紫疑狐否呼青是鳥麼一生花底活百種味無過寄語騷壇子休猜繡閣娥



國家圖書館. NATIONAL CENTRAL LIBRARY. TAIWAN. R.O.C.



蕊淵集卷八

六言排律

○小改書室數椽戲贈木工六言二十韻

粵若稽我閎閎我生之初未衰維皇所與此宅
大匠其于余治旣用西南厥戶亦安東北之宦
高曾爰衆爰有祖父日止日時忽爾竟嗟懸磬
徒然可傲立錐文字風聲日上金銀氣色甚卑
拙留心于桑土媿餬口以臯比在家如其作客

處陸譬彼舟移無墻而不閱者有棟則共撓之
余慙堂構弗肯婦笑家室難宜久矣上漏下濕
難免左吾右支我有辰乎安在心之憂矣何其
漫賦卜居正則且尋築室工倕未是革言三就
庶幾敝又改爲穀廩曾無舊穀絲厨豈有新絲
爲我變易制度呼童滿貯書詩篇篇製錦堪服
字字燃藜可炊羸虛若車轉轂感應如鐵從磁
花殘葉落何恨結子生牙有期莫謂誦讀無益

玉顏金屋自茲

六言絕句

○題家乘

太傅名高天下侍郎不負其君皇矣乃宗乃祖
勗哉吾耳吾雲

三言

○題桂花粉

碾玉霜揉金雪釀秋香逗春色

三五七言

○讀小青傳

黑雲流紅月收閒讀小青傳須教大白浮漢宮
玄乙今何在梁苑倉庚不可求

蕊淵集卷九

七言排律

○錢彥林新居落成爲賦十韻

三歲曾過錢子宅。乍聞改築近城郭。晏嬰高志
今猶昔。潘岳閒居有賦無。關戶指心應共見。登
樓放眼一何盱。居然蕭寂稱名士。何取幡旗引
俗奴。東壁留春聊信信。北牕買夏且于于。癡人
於此歌輪奐。小季時來訂鄂不。矜有沈書盈棟

遠句云
絕塵而
奔

宇購將蕭字在屠蘇問玄有客亭俱韻清闕無
人閣亦迂瓦屋音聲知大陸雪堂風味擬髯蘇
新筍十斛供余輩可乏詩箋覆酒甌不析同

○○看競渡

天下傷心五日舟靈均恍惚駕青虬英魂但欲
扶三戶大節安能相九州漁父有心貽藥石女
嬃無計引箜篌乘風遠踏胥江雪弄月閒吟帝
子秋前有君王啼杜宇後隨年少賦鴝鷓舖糟

舉國忘童殺吹燼當年賴沐猴衆口鑠金難鑠
骨美人埋玉不埋憂九歌已杳聞邪許六里雖
湮尚窈糾水族爭食齊野語村童賽鼓楚人咻
誰能已已彭咸恨對此茫茫衛玠愁

○次唐光威哀三女郎韻

瓊花天下曾無兩珠樹庭前恰有三小小停針
窺父架亭亭落筆染郎衫墉城暫脫仙人籍綉
閣堪加進士銜見面定能消妬女聞名誰復重

蓮句云
此體當
以類古
風者為
上類駢
語者為

下風流
瀟酒固
不易得

多男。裙釵有色終非罕。巾幘無才豈不慙。何似
西廂鶯啭。歷况兼太液燕呢喃。劉家姊妹當分
席。宋氏師徒可盍簪。指上龍章那用織。舌尖麝
馥莫須含。句成山鬼啼難禁。韻落村兒笑未諳。
只許胎仙晨問訊。時看花賊午朝參。珍珠可買
擦辛苦家國。雖傾亦肯甘。行雨幾時來。漢北乘
風端欲補周南。
此詩覃咸雜用
故有韻落之句

○多男子篇

昔昔蘭莖投夢寐。年年桂子落塔除。期思偶出
能。搽劍厭次閒遊自浣裾。阿堵神明爭日月。寧
馨頭角辨龍魚。塗羹餽飢房殊大岸。幘徜徉屋
未渠請賦鶚。棊誇敏捷旁觀梟。矢助啓噓明知
苦。李休鑽核暗竊甘醪不餒餘。虎穴豹偏名作
犬。鹿邊麀可弄如狙。街頭有吏誰能縛。宮裏無
家不願居。影好麤衣渾不惡。膚清玉塵正相如。
鳳毛簡出難貽客。雞卵溲來巧作書。滅竈伯鸞

遠遊不
羣

真跨竈。乘車叔寶喜。專車半千孫。子宜云爾六
七兒童樂。只且孫叔敖期思人
東方朔厭次人

○遠遊篇


遠遊誰謂不如家。正似文鸞乍出笈。夕露養成
鸚鵡稻。晨風吹老鷺。鷺葭空江細。織機中匹小。
岫新分髻上。丫禽不知名。皆白雪。葉非題字盡。
丹砂有時鼓。柅漁爭和。何處回颿客。誤搗蜺練。
隔山馳玉馬。蟾弓映水掣。金蛇郭生墓。次占風

角。李白磯邊漉月牙。隱躍綠萍聯一隊。蕭條楊
柳剩雙衙。三吳意氣蒸雲物。六代風流棄土苴。
折攬退將天際鷓。鳴鉦歸却浪頭獫。量低不必
羊羔釀。技癢須教鳥爪爬。怯膽舟師尋壘岸。愁
眉童子望城闍。便當羽化從茲去。脫落紅塵舊

鎖枷



國家圖書館. NATIONAL CENTRAL LIBRARY. TAIWAN. R.O.C.



蕊淵集卷十

五言絕句

○贈程闇仙

庚午殘冬練江程闇仙特過棠鄴訪余暨徐
野君氏示之以詩詞樂府古今文義種種使
人應接不暇屈指目前之人其兼長如此者
蓋未數數然也適以風雨瀟瀟強留小閣因
而分韻作詩互相酬贈闇仙得清露晨流新

桐初引二句閻仙偕來之客日程仲經者得
三變玄雲九成絳雪二句野君得寄愁天上
埋憂地下二句余得落花無言人澹如菊二
句弟寒氏得星懸玉李月上金波二句各賦
八章須臾而就念茲勝集不可易尋因合而
書之尺幅俾閻仙刻之耽響草之首以當弁
語云

危樓品古今小小麒麟閣何必登華山高談驚

碧落

茅簷雨如注石破愁女媧未見寒梅放齒牙紛

粲花

詩才如酒量斗石因境殊新知頗云樂未忍贈

文無

古人臨別贈文
無草當歸也

擊甌方罷響劃燭未消痕危語復了語小言兼

大言。

牛心不能供烹伏用勞薪未審山濤婦如何評

遠條云

率然成

句能使

此會曠

世如見

此人。

蔓草幸相逢。風雨何妨暗。笑指村中醪。交情如許淡。

繫維千里駕。信宿結相於。童子忽傳語。中庭產

洛如。洛中花名。郡有文士則生。

佳客惠良書。徘徊八九讀。我如菊婢花。君乃三

秋菊。

○咏梅和董遐周趙少韻。戒用趙師雄羅浮

蓮旬云
寒梅得
此太藪

事

紅玉綴枝頭。色如姊妹趙。立席肌不寒。黃昏候

年少。

冰姿映水湄。抹殺燕與趙。老女有餘愁。今人徒

貴少。

嬌春纔一分。未許啼伯趙。憶昔覩花容。今茲又

三少。伯趙即伯勞

喜。画復喜。吟妻管而夫趙。借此萼綠華。願言隱

道甸云
好氣岸

蓮甸云
此詞原
倡已擅
奇勝自
非列入
心髓便
不堪嗣
響

嵩少

學種孤山花。笠糾鑄斯趙。蒼龍擎白雲。矯若王
逸少。

○十香詞

聞卿解琴瑟。我魂亦繞梁。調作鳳求凰。絃中有
暗香。
聞卿解刀札。作字擬寄將。字可令人死。何須鵲
腦香。

聞卿解相思。不肯稱嫁娘。嫁娘亦何好。相思自
有香。

聞卿解作態。心許語尚佻。但等風吹帶。使郎承
細香。

聞卿解別擇。知屬何人當。但探白面子。誰惹內
家香。

聞卿解投贈。就裏有低昂。儂愁銷不起。先乞返
魂香。

聞卿解淒恨月背與燈旁暗落燈前淚羅衫滴
透香

聞卿解修飾豈藉萬年光艷影一相照百艸學
妙香

蓮香
聞卿解調笑放誕北卓娘世間少辨敵辜負舌

外香
聞卿解枕蓆昔人安足方未許如儂輩能猜意

○又十香詞

一點娃兒小天斜翠袖颺穿林行緩緩微覺者

蓮香 步香

兩道雲鬟鞦低頭綉帶長凭闌成久坐印得鬱

金香 坐香

三星當戶照獨立候昏黃乍覩亭亭影羞貽芍

藥香 立香

四面春風厲垂簾倒玉牀夢為雙蛺蝶魂惹古

蓮句云 此十香 記中所 云宋生 游稿也 不知何 以復入 集中豈 宋生為 焉有耶

梅香夢香

五音生小諳不肯亂宮商扇底朱唇啓難遮蘭蕙香歌香

六幅瀟湘練初裁白羽裳舞時花自吸翻作石榴香舞香

七夕天孫會人間獨渺茫停梭垂玉筍雨打嫩梨香淚香

八哥籠內絮蟬語餞斜陽逗得眉心皺蒸成柳葉香輦香

九色龍爲帳軒軒似欲翔偶然粘寶唾石上蘚痕香唾香

十千金自值舉體妙非常浴罷湯都馥休猜豈蔻香浴香

○春閨迴文

陽春怨影涼去水逐情郎腸斷花風猛黃昏月上墻

○吊張氏佩蘭

采采江上蘭幽情自相語妾不樂楚王願逐湘君去

采采江上蘭懷香不堪辱持歸仙人城相伴芙蓉綠

○○○ 祇園雜詠 有家君小序

石頭城清涼山之畔竹徑數轉遂如隔世乃結籬爲園園貯一山類襄陽袖中石巒壑畢

具其中衆花滿林可供塵刹疑是西土盛華之祇因處處誌之得十有六則以表蓮宗運想諸境

馭虎岩

園枕虎踞關東趾會祠部奉詔祀遜國殉節諸臣先忠貞公少與仙遊騎黑虎風雨夜歸遂祠于園之北偏

寶香一孝子時駕虎車來履虎曾不啞櫻龍乃

蓮旬云
較網川
諸絕高
一步深

殆哉

寶香山名

崔溱

岩前幽澗瀉自山椒白
崔為淨域化禽不應以
生命飼林梁聽其所止

休將三百魚博取江妃舞
淨味發微香欲此遊

陵語

臨川王妾江無畏日食魚頭三百

蓮旬

自溱達堂駕曲圮于水際
蓮花微妙香潔

亘幾繇旬不僅如人世車輪而止

世人眼如豆寧觀蓮臺廣
不若干歲龜猶能巢葉上

無山堂

圮盡遙見一廬窈然孤峙
深岫中鍾山翠

黛當戶洲島之僻至此便欲
濡足每念清

泰無山輒作山不是山想

胸懷未能平天為生丘嶽
山人已破之有山殊

蓮旬云昔人言但見其山必忘其道當知巒岫之嗜只是胸懷

未平耳

不覺

笠广

繞堂而南危樓翼然如老翁簑笠而釣江

雪

樓作山公笠有人居笠中須知佛冠裏化佛正

相同觀世音天冠中有化佛高二十五繇旬

汝山

广後歷級而上石浪漸高雲根悉露而山

蓮旬云
邨得便
以化佛
相擬

蓮旬云
巫山湘
水千古
少此比

大江浪如山。穢園山作浪。巫女與湘靈。誰判妍媸相。

鋤月灣

山右阜一灣如眉。一荒塋耳巢繇買山而隱。遂耕而為田。灌而為圃。時策杖聽水聲而歌。帶月荷耨之句。

纖月吐秋眉山灣亦眉意老圃荷耒來鐵筆爲
修治

呼龍嶰

中田與龍潭隔嶰登嶰而呼可耕烟而種
瑶草

鄰潭有雨工芟柞踰象鳥玉笛一聲催睡醒作
鱗瓜象耕鳥耘
舜禹事

寒江榭

嶰頂攬擷諸勝若謝公墩莫愁湖遠至天
闕繖山雨花天印俱在懷袖惟清涼峰差
高累黍春夏之交江色翳如若木葉盡脫
則寒江一線渺在天際

灌木蔽長江蓬心類如此秋冬漸空明一幅銀
光紙

藥草畦

榭俯深塢堪植藥草當一雨普滋千山秀

蓮旬云
筆如錐
画

蓮旬云
只鹿門
一家有
此眷屬

色時誰向此中領取明明祖師意

凌晨繞畦行。熟誦藥草喻。舉族依藥王。枝枝沾

法雨。法華經有藥草喻品

茗柯坪

循畦而上地平如掌。茗椀未擎。旗槍初茁。

便如萬里故人歸來對影無礙。松風響發

時

涼霧濕春旗。碧香細心領。何須種秫田。此物堪

茗芋

山簡傳茗芋卽酪酏
世說茗柯亦作茗芋

劍壑

復自坪左折而坂坂窮路轉自此又一山

川乃鑿塘貯雨後泉以此當慧劍斷愛河

欲與世辭

持我吹毛劍。揮波波不連。心灰寧復爇。雨絕豈

還天

嬾虹

運旬云
一成真
全體不
復重為
續

蓮句云
美人天
正落

壑前橫一堤堤上桃李覆水水中芙蓉披

畦交錯如綉帔如霞鳥如采虹之卧天

錦茵粲水濱水失採藍色一段美人虹錄來病

消渴天上渴虹
常下飲水

螺髻庵

劉伯倫言死便埋我不如中峰之活埋乃
擬活埋而結庵庵以壑為屨以虹為几以
鍾阜為雙髻高帝言堆螺髻于天邊即此

蓮句云
米芾便
應作禮

百寶無畏光湧于如來髻塵世未能逢鍾山看

紫炁

懸鼓峰

庵負西峰峰頭望落日如懸鼓韋提希以

此為初諦

深居修止觀落日向西方噉彼方諸客徒然服

九芒日有九芒月有十芒方
諸宮有服日月芒法

直樹林

蓮句云
薛玄差
別處如
是如是

蓮句云

迦文生

直樹林

中應是

此意

薛諧孟
云此珂

月一生
最不幸

事言之

婉惻

髻菴烟蘿一徑斜通直林相去一牛吼地

朝雲夕月兩兩映薄梵唄唱和宿莽間此

即迦文生處回首林巒又隔一境如匡廬

影寺在虛無滅沒間世遂無問津者

可望不可親遙樹寒烟織中多道場人樹與心

俱直淨名經云直心是道場

○歸自秣陵作

父也秣陵寓母兮留故鄉往來常失一兩顧不

勝傷

父母各天往惟兒數往還入門相慰勞半喜在

眉間

母病難依父兒窮未顯親安能析骨肉供養兩

尊人

○道旁樹

葉使風聲厲枝將日色虧
熨行差可耳寒寢距堪之

○次王無擇韻奉別

誰謂夏日永疾于三冬暉明月以當日但坐莫
言歸

別恨不可計長于夏日暉屢別屢惆悵不如君
速歸

蕊淵集卷十一

七言絕句

○客邸初聞爆竹

一聲驚落北山暉。旅客愁魂失所依。正似紙條零亂處。寒鳥欲集又拚飛。

○題李易安漱玉堂集

趙郎清福世間無。得夢當爲詞女夫。不是人情

憐女子。黃花詩句自然殊。

趙明誠夢人贈句云
言與司合安上已脫

芝萋艸拔其父詳是詞女之夫四字○易安重陽詞云莫道不消魂簾捲西風人似黃花瘦明誠撰詞五十闕雜之以示陸德夫德夫獨指此三句稱最佳

○輓張女郎

美人却共白雲閒
倏爾飛來倏爾還
從此仙山扃玉戶
更無私語播人間
近事傷心有小青
張娘淚點復熒熒
道人出世緣何事
祇爲閒愁不耐聽

○題陸放翁集

遺矢馬援誠可痛
書空殷浩亦堪嗤
放翁自是奇男子
老大傷悲但寫詩

○霍姬怨五首

曲中霍姬者十五
歸吳生數年病卒
卒之夜吳生醉于
新歡之室姬乞一
見而不可余傷之
作霍姬怨

往日纏綿一旦更
祇餘孤影可憐生
不須厲鬼爭新寵
天下誰人愛薄情

薛諸孟云霍家世世有小玉耶蓮句云快心語

從來浪子薄于雲。久已灰心不恨君。但得今朝
留一別。啣將高誼入孤墳。
薄倖如君君自明。何須宛宛轉向君。嗚此身歿後
君何痛。料得新人有淚傾。
拚此殘生不見他。見時惟恐恨偏多。當年可笑
黃衫客。領得郎來却爲何。
漢武宮中一病身。君王求見意猶嗔。阿儂不惜
教郎見。誰向牀頭問舊人。

○後霍姬怨五首

霍姬怨旣成。始聞墜釵焚袖。諸事遂入椒羽
之咏。旣而椒羽復得當時一事。不聞于他人
者。授余作後霍姬怨。

空房病怯夜常驚。又聽牕前鸚鵡聲。汝爲片言

封使者。奴因一語誤殘生。

楊崇義爲妻劉所殺。鸚鵡白其事。明皇封

爲綠衣使者

恠儂有舌不能藏。儂死而今自不妨。但恐旁人

都唱出九龍帳裏貯歸郎閩王延鈞嬖歸守明國人歌曰誰謂九龍

帳惟貯一歸郎

交淺如何語便深却將鶯舌作鴉音阿環既擅

琵琶調那得三郎不憎琴楊貴妃善琵琶明皇每聆琴聲輒愠

一時漏語便相傾渾似桃英鍛鍊成有日邀君

魂魄去女青亭上證分明王範妾桃英諧殺孫元弼元弼現形曰桃

英魂魄已取在女青亭

雙鬟久已葬荒亭病骨支離復似萍暗想夕陽

相吊處綠翹墳上血痕青魚玄機答死綠翹瘞之後庭人見地上聚

青蠅有血痕事遂發

○戲題女冠王修微期山草

自草期山孰與期魚娘今復往咸宜禪心洒洒

同飛絮若到沾泥便是痴舊有禪心已作沾泥絮不逐東風上下狂

之句特為反之

○題呂吉士畫四絕

紅葉

蓮句云

妙手能令楮葉羞。圖將楓影墜高秋。霜紅還似
香魂怯。付與空江不肯流。

梅花

霧縠仙人萼綠華。隨風散作雪中葩。無端展向
春園裡。逗得游蜂鬧晚衙。

芭蕉

種蕉作紙可吟詩。染紙爲蕉學畫師。添出美人
心一束。不堪寄與客中知。

海棠

聞是佳人淚洒成。更從才子筆端生。祇今入眼
堪腸斷。何必風前落英。海棠名
斷腸花

○追贈盧翰

國朝揚州盧翰會試不第。其家誤聞死信。會
歲饑。父母強嫁其妻李氏于江西。鹺商謝啓
李自經者。再不得已。歸于謝。凡二年。貞搯
勵謝母亦爲護持。以遂其志。盧舉進士。奉使

往江西過金山寺見一詩乃妻所題也至江
西命隸誦詩往來鹽船間李聞之出舟相問
密約暮夜以舟來迂復爲夫婦焉余不喜其
事漫賦三首

瘦影堪嗟死復生鹽艘休問濁和清無端又逐
良人去翻似臨邛月下行
兩載吞聲離故家一朝收淚別商賈琵琶不學
潯陽調翻作文姬入塞笳

羅帕多情死未臨剩將薄命又携衾船頭弄笛
誰家子吹得殘梅返故林

○湘妃五首

試問何年帝陟方望夫雙女髻絲長雞皮料得
閒情少不似啼痕化海棠

皇娥嬾戲事當刪况復幽篁淚染班似此誣辭
加上古不如秦帝赭湘山

不堪君后尚顛狂更詠蒼梧九斷腸但有痴人

李羣玉應無帝子杜蘭香

一自離騷點綴工虞廷姊妹趙家同爭如癸比
也或作女匡

渾無恙不入詩人綺語中
從狩雙沈事竟非或云舜女亦依稀河神自昔
蒙謠詠莫認甄妃是處妃

○雨中游蘭蕩飲于張氏園中

有序

王子仙首倡云忽然好友渡江來天鏡園中
醉不回秋色平分新雨至荷花開盡蓼花開

卽席和者十人余得六首

偶然擊楫渡江來蘭蕩臨風醉一回却笑西施

吳下去當年待女爲誰開

蘭蕩越王種蘭處蘭名待女花

多君持得酒杯來痛飲狂歌莫便回眼裏越王
宮不見守宮槐上舊花開

諸君俱爲旅人來織就新詩錦上回此日清狂
誰鑒賞雙雙青眼柳梢開

無端詩思似雲來癸丑蘭亭又一回閒話三江

蓮句云 昨歲張 劍伯為 誦同游 諸詩至 烟中一 隻小舡 開余獨 叫絕

蓮句云 以子夜 為竹枝

心胆壯六千君子綉旂開

誰教雨點打頭來爛醉秋園不願回獨有採菱人未倦烟中一隻小船開

輕舸闖入鏡中來點點霜鳧乍駭回卧看數竿風裊竹却思西子笑顏開

○竹枝詞

從來薄倖說男人莫把寒盟慮妾身射雉兒郎須是賈凌波仙子定然甄薛云不妨雅謔

○為陳道掌題帳眉

烟消絕勝鳳毛裁中有奇書莫浪開捲入枕函隨意去梁州夢裏故人來楊貴妃有鳳毛金錦帳吳趙夫人析髮為

幔可內枕中元微之在梁州有夢白樂天詩

○四薛咏為張子羽薛姬賦

靈芸初至京師時人歌日龍樓鳳閣望崔嵬清風細雨雜香來今用其韻

繁星送月下瑤臺帶得天孫異巧來紅淚一壺三百琲火珠釵子色如灰

瑤英

楊公南詩云玉釵碧翠步無塵楚腰如柳不勝春今用其韻

生小餐香一捻身勾驪褥上自無塵閒歌玉樹
重簾隔疑是芙蓉花裏人元載芸輝堂前碧芙蓉花中恍惚有歌玉樹後庭花者

洪度

胡曾贈詩云掃眉才子知多少管領春風總不如今用其韻

自研松箋學較書邊愁不到浣花居菖蒲句比
蒹葭咏清潤郎才恐不如

聯芳

楊廉夫題聯芳集云好將筆底春風句譜作瑤箏絃上聲今用其韻

湖畔誰家鐵笛聲因風吹過闔閭城惹教樓上
盈盈女截竹偷傳雙鳳鳴

○山暗

馬首寒雲把客闌癡山不肯放青鬚誰云前路
多○知○已○欲○見○山○容○已○大○難

○水仙花

買得名花供草菴夢為李白正狂酣親窺凝碧
池頭女素面朝天號第三

薛諧孟
云句句
絕妙總
不得去
取

○八女鬟詩五十六首

吳門徐青芝中翰家有八女鬟皆尤物也每
宴客于芷園則女鬟畢出而按歌爰有青來
李子以字代縑各有所贈余反覆和之得絕
句五十六首若夫義山號獺子曠稱狐正恐
未免耳

嬋娟

不須度足與量肩妬眼相看亦解憐傲竹矜花

遠條云
向管城

欺雪月一身兼得四嬋娟

孟東野詩花嬋娟竹
嬋娟雪嬋娟月嬋娟

中遙望
諸姬或

巧剪湘雲覆玉肩清歌羞唱想夫憐生來琥珀

在瓊臺
金屋或

無煩繫弱骨珊珊賽麗娟

想夫憐
笛曲

在仙宮
梵宇或

么鳳啣花集左肩香腮灼灼鳥猶憐朝饑止供

在荒林
幽壑往

荃蘼屑養就寧馨羨趙娟

趙娟薛瑤
英之母

來游戲
令人迷

嬌柔欲凭粉郎肩影落花韜亦可憐除是臨流

離徒倚
而不可

兼對鏡個中好女有如娟

辨

倚梅索笑聳吟肩夢入華堂見小憐沾得鬢邊

烟一縷從教張載亦娟娟張載貌醜小兒投瓦石滿車

籠中雙睡小題肩曉暈粧成倍可憐蜂為聞香

千里至不尋花朵只隨娟題肩即鵲鵲

天姿可拍婉姸肩不受人間衆目憐浪說崇霞

臺上女縈塵集羽號旋娟西王母名婉姸燕昭王舞女名旋娟

紅葉

主人奇術勝王舟遠召仙妃進玉羞帶得長端

山上葉酣中戲擲芷園溝道士王舟為玄宗召太真○長端山有樹

葉如丹砂謝長裾偶題近矣二字于葉上頃刻一樹皆有

屠蘇新樣似扁舟坐有朱顏楓樹羞玉蜜瀼瀼

來玉竇金蓮朶朶產金溝玉蜜石髓也金溝王武子事

潏灑金波映玉舟白螺女子治瓊羞簾前忽放

秋林艷何必招涼丈八溝白螺化為女子為張堪具饌○杜有丈八

溝納涼詩

崆峒仙子擢龍舟殿脚千人掩面羞重作揚州

秋夜夢丹楓烏柏夾邗溝

青瑤赤玉美人舟一見姪娥尹亦羞顧况李茵
今不少可憐迷却舊時溝詩何以舟之維玉及
瑤○邢夫人號姪娥

○顧况李茵都
于御溝接紅葉

輕軀冉冉上輕舟爭羨劉家花見羞渾似游龍

初被謫化為霜葉戲清溝劉鄴侍兒號花見羞
明宗王淑妃亦有此

號○史生游華山得紅
葉于水中俄化龍去

楓葉竒于竹葉舟幻為女子態含羞夜深不肯

歸羅帳但道今朝月滿溝終南山翁折竹葉為
舟○陶穀使江南韓

熙載遣妓侍陶謝啓
有月滿鴻溝之句

鄒妹

狂燕窺花不敢搗紅樓傳是舊徐州閒翻女史

相矜詡千古曾無第二鄒

琵琶傳得阿環搗更抱茵于品六州黍谷春風

重喚到應推金谷女郎鄒茵于笛名笛曲有六
州徧○鄒衍吹律溫

風至五穀生
其地名黍谷

月下箜篌緩緩搗海棠亂落似昌州齊姜宋子

何須數一代紅顏又屬鄒

昌州海棠獨香

我願為絃子試搗催花一曲古涼州兔園上客

文偏麗罰作傾城尚姓鄒

坡詩打徹涼州花自開鄒陽為梁孝王

不持玉撥只空搗異巧安能賜柳州若使鼓琴

齊殿上徐公跌麗那如鄒

鄒忌鼓琴于齊王嘗窺鏡問妻日吾孰與

階前細聽玉箏搗繡屨飛來歷幾州坡老題縑

嘗贈魯阿誰刻燭敢吟鄒

韓康公妓姓魯東坡贈詩云魚吹細浪歌

日搖

山水清音指上搗猛拚沈醉此青州嶧桐却用

瑪琇飾琴自鄒來女亦鄒

青蘿

楚楚雙蛾似帝青畫圖嬌女下銀屏祇今郭璞

難尋覓誰卜嘉名賜小星

郭璞為顧生作一卦以青蘿名其婢則宜

不是男青共女青柔條秀蔓結爲屏無人自繞
花深處長對天邊始影星男青女青木名○女星旁一小星名始影

婦女祀之得妍顏色

秦女身披薜荔青烟雲爲枕瀑爲屏于今誤入
鴛鴦社夙夜羞瞻三五星

弱似烟中玉女青背人嬌倚水晶屏半杯花露
涵眉月一面春風染鬢星女蘿一名玉女玉一作王

才人嬌囀逐秦青嬾共紅裘列肉屏但願郎心

似松栢綢繆良夜指三星唐宮中最稱莫才人囀○楊國忠列妓爲

肉屏風○詩鴛與女蘿施于松栢

長條更比柳枝青聽客佳言紀素屏自是山阿
幽異質只宜伴侶少微星孟嘗君命侍史立屏後記客言

宮中初賜女樵青孔雀飛來樹翠屏自分爲郎
衣上帶長依白日似庚星帝賜張志和婢名樵青○楚辭披薜荔帶

蘿女

紅衣

姑射冰肌乍賜緋，光華鞞鞞蝮螭飛筵前艷色。
驚郎目遮莫，閨中咏綠衣。

石家醋醋喜穿緋，裹手擎觴率意飛。坐上恨無

姜白石長歌一曲惜紅衣。石醋醋榴也。惜紅衣姜堯章自度曲。

席上呼盧共喚緋，侈談鼻飲與頭飛。嶺南忽到

紅鸚鵡驚動簷前舊雪衣。明皇采戲叱四得四遂賜緋。鼻飲頭飛

陳剛中在安南詩。謝莊有赤鸚鵡賦。

最愛潛溪一朵緋，舞闌欲趁落霞飛。笑他強作

知音者，猩血塗簾作妓衣。歐公牡丹詩最後最好潛溪緋。簾為妓

衣夏侯直事

汜人綃色自然緋，雲際秋鴻盡退飛。我似關中

半痴鳥眼光黏住，女郎衣。汜人絳綃一端千金半痴鳥喜視紅物

花映晴川水盡緋，美人行處片花飛。須知弱體

誇紅玉莫認冰紈作絳衣。趙氏姊妹色如紅玉

桃雨紛紜天亦緋，奇禽種種夾花飛。美人願化

紅襟燕，左有金衣右綠衣。鶯日金衣公子鸚鵡日綠衣使者

粉雲

巫山曉色賦中聞若個牽纓結素裙莫使乘風
 還逐月疑烟疑霧不能分成帝以翠纓結飛燕之裙
 員嶠香雲百里聞無端墜作玉兒裙白雲鄉在
 溫柔處好色求仙本不分員嶠山有石燒之則結成香雲
 白衣天上昔曾聞正似風前飛燕裙莫謂紫雲
 顏色好春蘭秋菊可平分紫雲李聽姬○春蘭秋菊各一時之秀煬

帝評蕭妃
 張麗華

鬪鳳交龍詫昔聞新裁白練作湘裙霞為姊妹
 風為友行到梨花影不分延娟有交龍鬪鳳裙
 得見丰姿勝所聞再休郊外看湔裙染雲溪女
 調脂水問爾調鉛染幾分昌谷詩溪女洗花染白雲
 詫管嬌絃花外聞封姨多事盪羅裙尊前紅粉
 如雲護直把天公清福分玉帝所居有紅雲護之
 天上鸞簫席上聞題詩不惜浣羅裙庭中粉草
 憑人摘自碾雲漿到夜分庾信序五雲之漿三危之露

藕葉

未見芙蕖發舊隈，葉香先雜酒香來。試穿葉上真珠贈，恍惚還將漢女猜。

夜舒一葉在溪隈，梳就慵來與醉來。閒步狄香飛不斷，是人是葉兩般猜。
夜舒荷其葉晝卷。○合德作慵來救金陵。

子作醉來粧。○張衡歌鞦韆芬以狄香。

清香拂拂碧雲隈，不採花房採葉來。花瓣易衰空惹恨，蓮心多苦被人猜。

如蓋如錢繞曲隈，甘香疑自柳池來。錢能買笑花休妬，蓋可迎涼草漫猜。
漢昭帝柳池紫芙蓉葉甘可食。○麗娟有

買笑錢。○李輔國有迎涼草。

纔棹輕刀向水隈，摘將新葉供如來。多情嫩刺將衣惹，惹得郎君半晌猜。

容光似鏡照江隈，桃葉相携藕葉來。不上華峰窺玉井，恐教人作望夫猜。
梁詩欲持荷作鏡，荷暗本無光。韓詩太華

峰頭玉井蓮花開。十文藕如船。

前○身○曾○向○漢○宮○隈○連○臂○羣○歌○赤○鳳○來○荳○蔻○湯○中○
身○不○濕○侍○兒○驚○作○水○芝○猜○
荷名水芝

新綠

不○學○春○葩○轉○眼○消○依○依○嬌○翠○比○長○條○調○禽○沼○上○
憐○青○首○按○拍○亭○前○愛○綠○腰○
綠腰卽六么
玻○璃○盃○內○進○紅○消○翹○望○佳○人○出○遠○條○綠○未○曾○肥○
牕○外○柳○携○烟○帶○月○鬪○纖○腰○
坡詩白啖本河朔紅消真劍南
初○放○琅○玕○粉○未○消○香○閨○韻○事○有○科○條○朝○來○掃○罷○

樊湖石先向牕前飼細腰樊湖石可画眉細腰蜂也

橫陳妖冶福難消璧月斜窺銀蒜條倦後翩然

鳴佩去一枝蕉影拂廊腰崇蘭館序銀鈎盡仙蒜之條阿房宮賦

廊腰縵迴

春風獵蕙篆烟消閒試黃荆擇小條秀色飽人

渾欲滴慢拈芳草想裙腰潘妃爲市令用小荆子杖帝吳絳仙秀

色可療饑

鮮風初歇雨初消染就門前溪一條細浪宛如

仙子髻鱗鱗紺髮散垂腰上元夫人作三角髻餘髮垂腰

舊曲于今灰燼消新篇二十擬桑條藍田綠玉

為歌拍光影璘彬射素腰迦葉志忠上桑條歌二十篇

○咏紫釵佳事八首和丁夢佳韻同弟寒氏作

鳳簫樓望李

鮑娘煞是巧安排馬上郎君洵可懷一自詩中

久相識今朝端的故人來李詩開簾風動竹疑是故人來玉所諷也

自思點點一嬌娘難道同他拜画堂痴絕鮑娘

真可憎耳邊頻唱好兒郎

緩控絲韁向画堂那知此處我看郎還愁夾岸

朱樓上亦有亭亭二八娘

男兒慣逗有情娘料得痴心愛俊郎特地馬前

頻顧影如疑如喜入華堂

灞橋折柳

如何灞水肯西流若個兒郎只並頭但是深情

莫相負憑君久遠在邊州

今朝歸去一孤身。從此深閨更不春。却憶當時相見處。鳳簫樓上可憐人。

寄画屏

憑誰寄恨與君知。數折屏風百折思。不信只看關外月。淒涼寧似閣中時。

參軍題詩

幾年知遇自心傾。裁就新詩不望京。不道有人京邸望。望夫樓上嘆吁聲。

○嘲梅花

誰將松竹比君心。未到春來早不禁。待得東風相盼問。綠陰垂幕又深深。

○代梅花荅

殘粧欲理已無心。杏嫂桃姑笑不禁。猶有香魂縈客夢。應知老去更情深。

○悔

悔却尋春杜牧遲。空煩流盼倚梁思。愚低頭自起

斟新釀淚影如絲映酒卮

○咏紅白梅花

一枝艷雪漸將無紅淚零星浸玉壺欲寫斷腸詩未就紗牕喚起美人朱

朱淑真有斷腸集

清心玉映世間無問自何來嶠與壺嫁得孤山真處士難夫難婦勝陶朱

○新春對雪戲成色聲香味四絕句

雪色

何處飛來羣玉山流烏屋上却爲鵬光明不用

懸珠子夜視瑤姬勝晝間

成帝日吾晝視后不若夜美

雪聲

寒山萬木靜無譁窸窣俄聞蟹步沙攬得盈懷瓊與玖可堪紉佩鬪衝牙

魯聲伯夢瓊瑰盈懷

雪香

六出梅花爛不收隨風拂檻正漣漣謝莊身上

輕相惹○會使薰衣荀令羞

謝莊朝衣點雪人羨其韻

雪味

一回咀嚼解春醒天上飛泉勝地靈二十品茶
居最末從今欲毀季疵經

陸羽品水二十等雪水居末

○秦生游于禾代其閨人招之

和沈叔羽韻

深閨雙靨比秋花愁盼清霄漢影斜游子自誇
天上客個中莫有使君槎

○和秦淮女子詩

有序

庚午秋初識江右陳士業于武林士業為余

言丁卯歲北上取道金陵曾于秦淮寓壁得

一絕句是女子所題專為珂月而作今止憶

其半首云桃葉桃根愁寂寞倩誰天壤覓王

郎又言此女常問人云卓郎何日來余俯首

而思不得其故然自此以往中心藏之何日

忘之和其韻得十三首

秦淮綉閣咏愁腸有客風傳至豫章從此經燕

還歷越空餘兩句付蕭郎

蓮句云
美人如
花隔雲
瑞較蘇

公之超
超崔護
之桃花
女子尤
自縹緲
難卽此
古今一
奇女子

兩句詩如萬幅長三年今始達錢塘不知何處
窺青瑣願託微波訊女郎
若非青瑣注波光定咏開簾風動章我未識卿
卿識我因緣不羨古才郎
欲叩因緣正渺茫雲踪雨跡未曾詳深知好事
須辛苦築就疑城特困郎
半疑半喜半嗟傷懷袖芳音不敢忘屈指天涯
幾知己長沙有女慕秦郎

有女題詩桃葉旁却將桃葉自相方渡江無楫
芳心亂渺渺烟波盼殺郎
芳心不倩鯉魚將壁上留題倩路傍料得朝朝
憶詩句不知曾否得檀郎
舊詩新到幾回腸聞道蠅頭學二王當日偶然
游冶處誰知俠女認爲郎
昔游淮水聽湯湯不記曾逢洛水粧却笑相思
今日始累卿三載獨思郎

接得佳吟思欲狂
遙憐渡口墨痕香
卿如獨處青溪女
妬殺雙桃共一郎

渡頭桃蕊開春陽
傳說秦淮似石梁
桃葉美人桃影下
常呼過客問劉郎

美人不似大堤倡
惆悵蒹葭水一方
我未成名君嫁未
肯留顏色待王郎

漫云顏色可能望
得見殘詩已數霜
未審阿誰携我句
寄將千里女才郎

○吊小青詩

和小青韻

携取芳吟向月前
我將搔首問青天
一生有願

曾如否今作誰家
並蒂蓮

為誰飛墮碧烟紗
惆悵紅塵未可家
忽復乘風

歸闥苑玉勾洞口
憶瓊花

天教薄命豈能爭
何用留他身後名
畢竟多情

還是影生天入地
只隨卿

小青好與影語

孤山空自騎麟麟
難覓孤墳踏莫春
料得長携

蓮句云 小青人 奇詩奇 尺牘尤 奇玄玄 書遠勝 會真一 札詞場 未見敵 乎自足 凌歷千 古

蘇小小夜深一對弄珠人

婁江舊事不堪聽今日西湖哭杜亭若使臨川
猶可作眼梢又有一番青

婁江女子俞二娘手評牡丹亭三冊而死

湯臨川

有吊詩

但覺今生意味闌仍為王母案前鸞多年誤落
人間網才得抽身整羽翰

圓荷墜露動微波不計真珠撒幾何若比孤山
樓上女羅裙還碧淚還多

金風忽起白蘋頭送盡芳菲是蓐收有恨蟬聲
長是咽無聊螢火不能流

空望天邊楚岫高孤雲一片已遥遥浙潮三日

曾無信悔向錢塘嫁弄潮

古詩早知潮有信嫁與弄潮兒

三分春色已無痕燕泣鶯愁小閣門莫恠美人

留不得美人原是海棠魂

王蜀潘炕妾趙解愁其母夢吞海棠花蕊

而生

○無題

偷向池塘共細娛、櫻桃花影話須臾、嗔將蓮葯、
拋鸚鵡底事頻頻喚女奴、

月影搖簾漢女游、有人獨看鳳鞞頭、摘將瘦月、
承雙足還借嵩山玉斧脩、
月中有八萬二千戶每歲脩之

○有贈

勉向尊前理舊歌、指尖落處皺春蛾、可憐絃裏
單飛鳳不及烏衣做一窠、

○錦屏八咏

太真新浴

溫泉頃刻變紅泉、芳汗蘇蘇手自前、却似沈香

亭上看牡丹、一朶露中鮮、
謝詩石磴瀉紅泉○太真紅汗

飛燕避風

恍惚將飛足上鴛、雪痕不畏畏風痕、可憐當日

高臺上未解圖、將日月旛、
崔玄微遇花神乞朱旛以免風

章臺折柳

今日長條得所依、拚將柳汁染君衣、祇愁富貴

蓮句云
諸咏妖
絕中有
瀟酒出
塵之意

渾相忘閃得人如輕絮飛柳神九烈君謂李固言日已將柳汁染子

衣矣

金谷墜樓

索妾將軍令似山美人名士一時刪想來綠瘦珠殘處彫盡園中花草顏

明妃出關

若不翩然塞外遊玉容安得動千秋寄言多謝毛生俠特為閼氏擲此頭

文姬入塞

朔氣橫侵領上貂曹公高誼古寥寥不知寡女絲絃內又斷琅琅第幾條文姬以寡女絲為絃又六歲聞斷聲知

是某絃

倩女返魂

病魄逢魂亦似夫年來空自費醫巫堂前不用相驚詫待與檀郎并一軀

文君濯錦

當壚初罷到江旁，江水還如井水香。濯就芙蓉新樣錦，盈盈臉色正相當。
文君井文君汲之則香他人則否

○閱崔鄭合葬誌戲題

微之自敘乃崔甥實甫翻云鄭是兄，却恨秦生傳墓誌。元家鶯作鄭家鶯。

恒為鄭姪，積為甥，却教孤雛事兩兄。說起投梭真可愧，飛梭來去正如鶯。

○擬春詞

用元微之韻

蓮旬云較爛熳為衰又一轉語

經時不到宋家東，不道春光已逐風。莫恨看春何太晚，春情勝處在殘紅。

○賦得花明月暗

湖堤拂拂夜吹香，知是桃花學晚粧。月老欲將花嫁水，移雲掩鏡為鋪牀。

○無題

舊來情意已更時，欲問徐娘再折枝。墻角不愁無杏樹，阿誰致我喻情詩。

○客舍逢冬節

山頭策馬望寒江，載月同來駐旅牕。
月影却輸紅燭影，繡幃深處照雙雙。

○雲陽道中

日放長林樹樹驚，山扶宿醉亦相迎。
曉空自作諸般態，不道風前有我行。
車聲軋軋碾雲開，樹上棲烏聲息纔。
柳眼不舒應久矣，棲烏何事尚頻來。

蓮句云

筆氣甚

老

風欲吹天作細波，波光歷歷映寒柯。
須臾小月對人坐，縱有閒愁敢向他。
才色從來共比春，鉛華未必寫精神。
祇今眼底寒林在，誰謂春郊始動人。

○秦淮竹枝詞

夏秋何日不嬌春，水姓秦兮樓亦秦。
一望秋波爭欲滴，肯教柳眼獨招人。

深閨拘束自咨嗟，却羨楊花勝別花。
縱使隨風

入淮水也應得伴五陵艇

怪道閨中妬曲頭男兒真不解風流試看何處
銷魂最不在青樓在翠樓

兩岸高樓倚白榆樓頭人面映蝦鬚雨絲風片
有時有雲黛烟鬟無日無

○雪中觀美人賦得楊花飛處牡丹開 五首

曹元寵之母有雪中觀美人詩云楊花飛處
牡丹開臘月枯坐景忽奏題遂用其平聲字

為韻衍五絕句

未必吹來片片香尋香却在可憐妝共驚太液
春花燉為問佳人可姓楊

非霧非烟拂檻斜非雲非雨阿誰家謝娘自咏
風中絮不道詩人亦似花

白玉樓成貯帝妃初登雲浪影巍巍天風吹得
芳魂怯雜珮殘香打片飛

裊裊疎疎側側寒多情偏集美人冠素心亦恐

蓮句云
陡絕

蓮句云
諸相莊
嚴

驚、瑤、草、無、奈、新、顏、似、渥、丹、

聞、說、春、光、今、日、來、青、娥、欲、別、更、徘、徊、紛、紜、天、上、

彈、清、淚、却、有、花、神、笑、臉、開、

是日立春

○贈李澹如三首合其姓字

笑、月、窺、波、素、靨、斜、春、風、狼、藉、自、堪、遮、試、聽、隋、苑、

蕭、條、日、不、唱、楊、花、唱、李、花、

寒、蟾、特、照、柳、枝、邊、澹、影、何、當、秋、後、妍、却、笑、春、風、

初、識、面、接、黃、鬪、綠、晚、風、前、

蓮句云
日多微
詞

是、處、流、光、定、不、如、鶯、花、猶、似、上、陽、初、不、禁、向、月、
踟、躕、望、賸、有、霓、裳、欲、拂、余、

○衛風考槃章蓋宮怨也其所指碩人疑卽

莊姜耳永矢勿諼可謂止乎禮義矣舊

以爲隱士之詩恐未安漫成一絕

惆、悵、深、宮、雨、露、稀、碩、人、邁、軸、碩、人、頎、後、來、作、者、

推、司、馬、一、賦、千、金、可、庶、幾、

○題四十二章詩

薛諧孟
云我曾
以其頎
代招隱
君乃以
邁軸寫

秋波一轉豁然醒綺語從教鐵面青四十二章
詩草就重翻四十二章經

霜毫染出玉顏紅小艷詩堪咏大雄妙相曾聞
三十二再加十相一般工

○看菊限黑字

柳○徑○秣○田○風○側○側○吹○花○不○落○如○相○識○南○山○好○句
自○悠○然○付○與○歌○兒○羅○黑○黑
羅黑黑善琵琶
密葉繁華何偏側從來怕與春風識智瓊額上

赭黃嬌髻霧眉烟遮不黑

幽人日繞東籬側茹實食英人不識興來飛翰

奪天工不繪黃花偏繪黑

吞菊實者得仙

西風壓帽常欹側兩兩三三聚新識杯中籬下
鬪鵝黃一點痴雲四筵黑

一枝插向香雲側黃蝶飛飛尋舊識花色如金
髻似銀阿婆應讓嬌娃黑

○和徐亦于韻贈小妓王夢來

東風初拂雨餘苔。引得春痕一線來。祇恐嫣香易零落。須教花信慢相催。

○新月次曹仙姑韻

枝枝竹栢帶風敲。碎影還疑水荇梢。上有飛仙圖太極。纔描一筆未曾交。

山寺詩僧剝啄敲。百花影裏戲蒲梢。高懸銅雀臺前瓦。不見鴛鴦雙頸交。

七寶丸須玉斧敲。曇遷吞盡僅留梢。幽人正喜

蓮句云以第三
蠡句博得第四
奇句又云諸首
中有神似語亦
有形似語

纖纖影坐到宵分。眼不交嵩山人日月勢如九七寶合成○曇遷夢

擘月而食

清謳自舉碧簪敲。敲得嫦娥放眼梢。却似囊中弓欲引。俄驚黃鳥亦交交。

蓮句云鴛鴦有謂黃鳥無干又云鈞鈞語亦不韻

漁父將針屈曲敲。風吹鈞子罾花梢。有人認作鸞。鸞爪願結麻姑方外交。

夜靜長空鐵馬敲。鬘雲歛盡見眉梢。儘教影入湘波裏。六幅裙邊小鳳交。

瑤池醉把玉環敲，一片飛來貼柳梢。安得神膏能續取，卽看清影自相交。

銅鉢擎來試一敲，寒山飛蚌在雲梢。阿誰擘出

珠光好，一線唇開不許交。

寒山黑蚌能飛翔吐珠

廣寒殿外有誰敲，略啓朱門露袖梢。莫道孤眠多悵恨，長庚一點是深交。

天邊破鏡爲誰敲，只賸依稀桂樹梢。弱女亭亭鋪簾拜光輝，上下一時交。

○爲李青來贈梅姬

不羨西陵松下游，孤山疎影更風流。乞將一本栽金屋，衆卉空嗟命不猶。

素袖亭亭月染香，笛聲休惹晚風狂。于今楊柳門楣少，獨有梅株可作梁。

謝安作新宮梅木流至石頭城下取爲梁

○爲梅姬答李青來

桃葉桃根浪得名，歲寒風景屬梅精。孤香須惜酸須忍，分付多情宋廣平。

南山萼綠再來過，問姓原非楊。與羅妾指梅花，
郎指李青牛。老子是郎麼？萼綠華自稱南山羅郁又姓楊

○席上口占題王子巖画蘭

似有微香紙上尋，迎風一笑澹無心。幽貞更比
梅花勝，不倩蜂媒嫁與林。

尺餘燕尾不成尋，醞釀春光一寸心。憑仗文人

風雨筆，催教芳意溢園林。蘭名燕尾香

九畹盟寒久不尋，江臯誰復紉同心。一宵闢向

青鏤管，得伴羣賢嘯竹林。

○寒夜

水腹初堅破藕缸，添衣兀坐閉明牕。封姨劃紙
如窺我，一縷爐烟散作雙。

○贈童子鴻童子姓朱名歸鴻卽以姓名為韻又字雪衣首詩及之

纔見新蟾一綫癯，居然光彩滿金樞。雪衣那更
寒于雪，映得朱顏分外朱。

經時契濶悵朝饑，的的堂花未肯肥。賸有微軀

運句云

能送子隨風溯月澹忘歸。

九疑山入昨宵夢。白霧蒼烟綠玉叢。徹底臣心似湘水。不辭辛苦貯驚鴻。

○○和枯雪上人冷泉亭韻

名泉不受紅塵影。松聲竹聲。亭逾靜。閒除白恰洗殘雲。浸得英雄壯心冷。

○和陳季方海棠花下哭亡妾詩

海棠花發可憐人。彷彿春衫淚點新。擬築避風

蓮句云
英雄心
冷即是
禪那

臺未就。等閒交付隴頭塵。

灼灼流光照後庭。海棠雖好不聞馨。獨憐新買昌州種。醉殺春風喚不醒。

○月下聞歌

清歌嫋嫋墜寒空。月不浮雲江不風。可是江神裁白練。藉將金椀勞張紅。

○春風宜東余西行三日而風無東意解之

以詩

兒女情長不可窮爲雲爲雨更爲風連朝十八
姨相阻起自深閨一念中

○次韻徐安期催粧詩 爲阮公賦

青娥細撒瓊匳粉染就江南十月春更選霜林
紅一片吹來繡幄供才人
從教六代誇金粉不及天台一面春祇恨仙凡
易離別瑤姬甘作世間人
羅中裊汗香逾粉寶髻流光樹失春却對菱花

自癡絕渾忘鸚鵡解窺人

不必從郎索紅粉但逢青眼卽生春自今闌入
朝雲夢鄰婦鑪邊少醉人

○渡頭樓上

風開淺露吐晨山晏起嬌人展翠鸞自往軸簾
傷玉甲雙尖舐罷詈雙鬟

○和薛歲星哭楊維節十首

何須招爾冷魂歸歸卽應歸非想非電拂一生

蓮句云
好作竹
枝詞

文字業。天花不習五銖衣。

憑君八代起。頽波玉豈能如。瘠也多成得才名。
身已壞苦心端不滅云何。

君胡不見李將軍。又不聞歟鄭廣文。一劍一壺。
嗟已矣。誰操史筆在青雲。

猶欲披君昔日帷。伯鸞魂已傍。要離遙知縹緲。
仙峰裏玉案仍齊孟女眉。維節婦先一年歿

心血絲絲慧命香。誰于唾霧領蟾光。嘔來藏向

名山碧。回首瑤樓白似霜。

維節歿時
痰有血絲

傷哉人命弱于蚊。獨剩詞壇百世勲。要是天公
偏厚子。不教野雀墮雞群。

王孫裸葬舊家風。去去來來徹底空。若使未忘
奇字在。直云雌耳詎能雄。

好駕安車出大槐。狂朋餞爾紫霞杯。三清樂地
還休戀。五濁愁場莫再來。

歎崎歷落衆皆疑。儒雅風流我獨師。好爾靈文

絕句云
絕妙

如好色利刀終莫斷相思
天無不識字神仙垂歿殷懃手舊編更向字中
明半滿蘭膏燼處一燈傳

○自題雜撰曰卓筆

卓卓鷄群骨自仙銷聲戢羽未能然且貪卓筆
奇峰峭莫問清冷卓錫泉

○寄內

白門孤客伴青娥千里相聞意若何箇是傭娘

蓮旬云
此題余
自命也
然余欲
焚棄筆
視故云
卓筆耳

魂一半見時方識彼非他

○代內答

白門孤客自言孤誰使君行千里途妾便一魂
分兩體君能兩地一心無

○西溪道中

西湖雖好太妖淫淡抹濃粧蕩客心若把西溪
比西子苧蘿未出致偏深

○昭君怨

蓮旬云
余昔以
白公堤
比苧蘿
未出時

蓮旬云
此事遂
成奇恨

可憐齊國王穰女。不及平陽衛子夫。涕泣請行。同此意。獨教妍影墮。單于。

○兩相如

相如如蘭未相如。庶或如其筮。仕初何物繆。賢。易得意千秋具。眼讓刑餘。

薛歲星云誰如二子薦相如。內外憐才總讓。初試看丙寅丁卯事。魂消碎壁覆甌餘。

○馬上楊花

古道荒涼唱午鷄。誰飄淚點出深閨。馬蹄不解行人惜。歷亂隨風踏作泥。

不見長堤柳一圍。何緣輕雪惹征衣。將無千里相思者。夢逐晨風向北來。

○○和峩崙道人詩 有引

初竟陵楊崑圃公之官于成都也。禮峩崙山。見一老比丘。跏趺殿隅。驅之不去。自稱鳳陽道人。誠楊公年六十時。可急知止。此庚戌冬。

事也。至甲戌楊公督師淮揚。夜半有青衣擊鼓傳峩眉道人一詩。至云業風吹破進賢冠。生死關頭立脚難。六百年來今一遇。莫將大事等閒看。乙亥春流寇犯鳳陽。震驚陵寢。楊公被逮。受極刑。茅孝若述此事于唵噀大師。師筆記之以警世。之貪位不止者。亦柳州傳蠓蝻意也。師因舉麻衣道人畫灰語。語予曰。天下覓一急流勇退人。不可得。何況仙人乎。

謂真正仙人。縱使領取十年宰相。亦自無得。楊公果能不昧本因。雖爲國殺賊。爲國殺身。皆可作佛事。何必崙以急流勇退責之。今楊公之來。何所聞。去何所見。則吾未之或知耳。乃次道人韻作一絕句。

佛冠不戴戴儒冠。彈指歸來也不難。六百年身如認取。何妨刀鋸等閒看。

蓮旬云。將頭臨白刃。一似斬春風。自是大乘。

菩薩語如未到此地位不得作如是說

○書薄少君悼亾百首後

薄乃吳門
沈承婦

君詩何事太雕鏤。女子纏綿一點無。誰使沈郎
千載在。到頭憑仗薄家姝。

薛諧孟云少君有子吾友張天如撫爲婿其
瘍時予正飲天如齋中爲罷酒雪淚也可憐
點滴才人血也復相隨碧落無親見明珠歸
大海不徒卷裏哭仙姝

七言絕句終

蕙淵集卷十一

詩餘

○○○烏夜啼

卽事

亭亭花畔嬌娘可憐，
妝但覺氤氳花氣雜肌香。
自多悶自多恨，不關郎試問花枝，
顛顛爲誰。

行

○秋蕊香

解嘲

輕幕幽踪未滅，玉鏡良緣又結。
兩三女伴閒評。

遠條云
望之如
水拖之
如烟

說急色男兒恁劣。微聞隔扇啼鶯舌。郎休怯。須知新舊原非別。一個香魂幻設。

如夢令 閨情

但願長來短去。那在饑雲渴雨村。殺合歡花。說定朝開夜聚。痴語痴語。難道良宵孤處。

三字令 莫春

花一片。不禁吹過牆西。儂有意。願隨伊。媛風輕。幽恨重。未能飛。臨寶鏡。換鴛眉。畫相思。身倦。

蓮句云 自作轉 語

蓮句云 如留仙 臺上人 便欲隨

風入水

矣。怕披幃。夢常逢。醒又別。賺人啼。 相思 鳥名

桃源憶故人 本意

一從送別桃花下。淚似桃花飛灑。又看桃花開。也不見桃花馬。郎君忘却桃花姐。別有桃花牽惹。若向桃花重。要揉碎桃花打。

蝶戀花 晚春

感浪揚沙埋艷玉。黃鳥多情。猶自攀風哭。十二樓頭垂錦幙。忍教春色關愁目。畢竟東風吹。

蓮旬云
光艷頰
頰照人

入屋不許深。閨螺黛便宜。綠月姊晚來還。更壽
牀前調笑孤寬宿。

○十六字令 春去

春色竟歸呵。恁快那春還。問與爾有干麼。

○其二 秋來

怕的是秋呵。秋到那心兒上。秋字可加麼。

○其三 花去

風伯恁般痴。滿樹吹難吹去。心內這仁兒。

蓮旬云
二三着
意做不
如初首
四着意
不做亦
不如初
肯

○其四 鶯來

日出睡還痴。燈未吹。鶯來也。啼碎我心兒。

鳳凰臺上憶吹簫 朝人

鬧裏招人冷邊覓。地落花權作袞。裯笑鳳尖高
舉似鬪蟾鈎。逗得龐兒紅暈無躲閃。只閉星眸
閒挑問聲低。難聽語到還留。羞羞按。覓不定。
兩三遍。央郎看有人不被風篁驚起。旋把鞋樞
重向花神私禱。須照顧兩個情絲歸來也。還防

聲響環珮牢收

○謁金門 山居

閒○甚○好○且○看○一○庭○新○草○幾○個○花○枝○窗○外○裊○又○將○
春○半○了○剛○入○空○林○悄○悄○飛○過○殘○雲○小○小○最○喜○
幽○居○無○懊○惱○山○低○明○月○早○

○應天長 春閨

鶯○聲○直○透○紗○窗○裏○報○道○春○光○今○欲○駛○春○光○駛○花○
無○幾○揭○帳○喚○郎○郎○不○理○郎○將○窗○外○指○有○甚○花○

枝○如○你○好○友○任○他○飛○起○春○光○還○在○此○
梁簡文詩 鶯啼春欲

駛無為 空掩扉

○雨霖鈴 旅雪

佳○哉○茲○雪○看○空○庭○滿○屋○上○都○積○皚○皚○一○望○無○際○
擎○杯○獨○對○胸○中○瑩○徹○柳○影○偏○增○放○誕○似○蔡○子○飛○
白○又○帶○却○醉○後○張○顛○玉○管○橫○拏○向○空○畫○ 丰神
似○此○真○奇○絕○想○將○來○倍○勝○三○春○節○三○春○處○處○娟
媚○全○不○露○丈○夫○胸○臆○久○旅○思○歸○膝○六○今○來○遣○我

蓮旬云 此渡頭 雙柳雪 中作縱 橫放誕 直逼切

愁咽我尚欲尋取佳人雙擁冬春色。

○望江南

美人足

痴着想想殺是凌波裙底湘江搖素月鞋尖曉
露凝嬌荷何日掌中那

疑音
佞

如夢令

自題三李齋

欲問齋中三李太白風流無底後主洵多情俊
煞易安居士歡喜歡喜我有嘉賓如此

○釵頭鳳

錯認

濃于霧堅于樹春愁不比郎相負風何惡雲何
薄今朝相棄昔年空約諾諾諾人無緒書無

據驀然一日簾前遇欣還愕疑還度容顏雖似

丰神難學錯錯錯

○○○送入我門來

去年今日

吹淚成花團愁作絮情絲綉出春光難道春光
兩處不相嘗閨中解使佳人怨怎闌外難回遊
子腸恰似時常在眼忽念幾時相別屈指堪

蓮句云
偶閱此
句忽然
勵絕

傷○正○是○去○年○今○日○理○行○裝○游○絲○伴○子○飄○香○陌○倩
舊○燕○招○君○入○畫○堂○

○浣溪沙 月夜步沈園

閒○逐○新○涼○到○遠○林○波○情○樹○性○總○撩○人○闌○于○凭○定
却○忘○行○手○內○掬○將○紅○日○去○袖○中○帶○有○綠○螢○明○
茲○游○真○個○可○憐○生○

蓮句云諧孟酷愛此首以其疎利幽閒也然
如此千萬句定不如去年今日一句令人腸

斷乃知文人琢句與幽閨思婦隨口吐出者
終隔一線

○憶秦娥 題唐解元雜劇

花○嬋○娟○拉○將○姊○妹○登○樓○船○登○樓○船○春○心○一○點○遙○
擲○君○前○歸○來○亦○自○笑○無○端○蜂○媒○蝶○灼○催○團○團○
催○團○團○文○人○多○事○倏○忽○流○傳○

○南鄉子 春歸

正○擬○索○詩○腸○弔○爾○桃○花○今○早○殤○又○見○柳○新○遠○

蓮句云
消得臨
風哭一
場句妙

鶯也自思量尤
妙結句
便覺說
然

○ 鶯也自思量不敢
○ 謫春陽消得臨風哭一場
○ 鶯也自思量不敢
○ 重調舊日簧焦殺紅樓遲暮女秋娘總為春歸
○ 貼淚妝

道句云
情最深

○ 荷葉杯 春堤

者語不
必深如

○ 纔得乍時相見花岸白地掛心思願覓花片效

相思只
在丁香

○ 蛛絲痴麼痴麼痴

及上豈
惹稍頭

○ 其二

此語甚
淺而今

○ 纔得乍時不見心亂竟逐絮毬飛因風吹上縷

人欲死

○ 金衣知麼知麼知

○ 減字南鄉子 美人曉妝

○ 花影分明闖入窻紗上翠屏籠內鸚哥春夢醒
○ 低聲却向牀頭喚玉人 俏髻盤成縹緲虛無
○ 雲氣青旭日薰人如卯酒微醒重倚瑤琴眼倦
○ 撐

○ 如夢令 去問 薛云妙入神矣

○ 娘問為何不去爺問為何不去背地問檀郎難

道句云
只似妖

姬口語

道今朝真去郎去郎去打疊離魂隨去

○其二 來問

今日問郎來麼明日問郎來麼向晚問還殷有
個夢兒來麼痴麼痴麼好夢可如真麼

○青玉案 宮怨

昭陽盡日寒雲鎖鎖得這春無那數點落花春
信墮薔薇堆檻荼蘼盈架空把花枝鞦 出門
望斷羊車過祇祇碧草殷勤上堦左冷落幽香渾

似我雨淒風亂綠啼紅泣怯向長門坐

○踏莎行 秋夜

雨宿高峰烟拖遠沚山川亦似相思矣情懷蕭
索怕聞秋梧桐故遣秋風起 悶送飛鴻閒猜

雙鯉想來只恨長江耳徐吹玉笛破寒雲喚將
月色來窻裏

○梅花引 元夕

放燈纔看燈來指點丹青作謎猜眼睛擡眼睛

連旬云
不如前
首

此亦稼
軒得意
自

蓮句云
余少年
曾遇此
誤認紅
玉

擡燈下覷人。渾如紅玉腮。相看還比燈光熱。
相思何日燈花結。美人回。美人回。梅樹兩株中。
閒簾幙開。

減字木蘭花

壽劉士雲母徐

護花樹背晚日烘。簾冬可愛却憶當年。千尺青松隔遠烟。
風雲堪託賴。爾翩翩。庭下雀玉酒相傾。解識嘉賓有杜生。

清平樂

青樓夜話

蓮句云
奇峭

星明月黑光。被紅顏奪樓下春波。天一色樓似天邊船隻。
携手共笑樓窗獨。伶鄰女。凄凉他若要尋雙影。除非兩點銀缸。

○○迴文菩薩蠻

私歡迎送詞

春宵半吐蟾痕碧。斜窺愁臉如相憶。空撚兩三絃。朱扉寂寂然。
依期郎踐約。悄步人疑雀小。舒輕霧紗收。袂蘸紅霞霞紅蘸。袂收紗霧輕。舒小雀疑人步。悄約踐郎。

期依然寂寂屏 朱絃三兩撚空憶相如臉愁
窺斜碧痕蟾吐半宵春

○一剪梅 讀三國志

閒看人物似看花 少似春花老似秋花 少年英
俊屬誰家 表在劉家 策在孫家 我今四海久
無家 空讀儒家 空羨兵家 悠悠二十未舒花 不
是春花 難道秋花

○河滿子 嘲游女

蓮句云 誰知秋 亦不花

兩兩三三姐姐 人人個個纖纖 灼灼師師盼盼
香香軟軟甜甜 夜夜心心願願 雙雙對對鵝鵝

○其二 游女答

小小哥哥妙妙 風風韻韻般般 處處堪堪可可
人人喜喜歡歡 故故招招惹惹 來來去去看看

○玉聯環 夜景

羣峰未許寒潮退 周遭相礙 東流畢竟杳難回
也不管山愁黛 小鳥約歸成隊 雲舟同載松

蓮句云 慷慨不 可止

眠不穩髮如搔明月影都篩碎

○惜分釵 閨別

昏相對朝相背人間聚散真無謂睡難濃話難
終却被譙樓曉鼓驚儂鬢
情梳釵忙縫綴
慮寒還付狐裘毳手難鬆淚難窮又被舟人喚
起長風颭颭

○其二

繩相繫肩相比粘成一個今朝二鳥離籠竹離

蓮句云
風流醜
精

叢這裏懷西那裏思東同同 釵兒翠分爲記

釵頭燕子都顛顛短亭中且從容酒在金卮淚

在雙瞳紅紅 比音避

鵲橋仙 兒子病亟夜分不寐次凡仙韻二

枯魚莫潤凍花難發命理陰陽相軋回生除是
異人來殷七七和陶八八 乳漿似水參苓如
蠟養馬看看成鴨長宵坐守盼天明奈漏鼓沈

沈未煞 養馬如鴨唐
李萬江事

其二

凶徵管筮術窮枚發腸內車輪伊軋倘教薛鳳
去其三何日見荀龍奏八盆研赤粉丸封黃
蠟百里香燒金鴨漫誇孔釋送來兒仗羽客襪
星退煞百里香卽還魂香

鵲橋仙

同友人看花和方秋厓韻

七絃去四八仙除一揀醉中山千日花風廿四
半將臨春九十纔過三十不言不語姹紅嬌

碧、渾、似、夫、人、號、息、倦、來、歆、枕、小、亭、隅、央、一、個、花、
神、當、夕、

解佩令

有序

時維上巳同人爲溱洧之游夜正初寅有女
解瀟湘之佩對三星而適願倡與和諧指五
日以爲期啼隨笑至此美人者蓋越席之王
嬀彼子都今則題紅之顧况聞之一粲賦得

二章

蓮旬云
詞有縱
筆橫陳
會情愈
深者亦
有極口
形容意
隨語盡
者如此
及鳳凰
臺上二
詞未免
易盡

桃、阡、蕙、畝、花、殷、葉、黝、正、深、春、鳥、鳴、求、牡、神、女、凌
波、瞞、却、了、墉、城、王、母、笑、無、端、狡、童、相、誘、前、于
後、喁、飛、觴、鼓、缶、拊、香、肌、不、能、留、手、暗、贈、蠙、珠、明
白、是、啼、痕、清、瀏、好、收、藏、莫、教、珠、走、拊不留手
出漢秘辛

其二

春、花、萬、朶、佳、人、一、舸、驀、相、逢、冶、郎、真、可、欲、致、區
區、衣、帶、上、明、珠、如、火、擲、將、來、聊、當、潘、果、低、歌
青、瑣、頻、斟、白、墮、小、香、肩、只、思、歆、鞞、換、服、移、妝、辨、

不、出、雌、雄、他、我、一、雙、兒、巧、鶯、同、坐、

鷓鴣天 有序

宋、子、京、遇、宮、人、呼、小、宋、作、詞、紀、之、天、子、聞、而
賜、焉、事、甚、佳、而、詞、中、拈、據、唐、句、甚、醜、余、戲、用
其、韵、代、為、一、章、誠、以、宮、人、之、逸、致、天、子、之、高、
懷、不、可、埋、沒、要、使、小、宋、當、之、無、愧、色、耳、
疑、與、瓊、姬、宿、世、逢、姓、名、吹、入、耳、輪、中、幽、情、不、用
征、袍、遁、密、意、何、煩、墜、葉、通、聽、翠、鳥、喚、雕、籠、明

遠訂云
如穆天
子照存
而游瑤
關

珠誰敢探驪龍直須遠覓茅山藥賺取香魂出

九重三四七八句
俱用掖庭事

○十拍子游仙詞

月戶催教兔禱星田策取龍耘食我海中樵一
寸飲我天厨酒半斤醉來搖白粉王子調笙
弄字帝姬捧硯修文曲是玉爐三澗雪人是巫
山一段雲樂踰南面君

減字木蘭花

燕姬墜馬圖

箭雲超影馱得輕軀狂便騁未穩香鈎一片花
飛金谷樓願為芳草翠色如茵鋪襯好擁髻
徐行孫壽教臺學未成

凌波曲

舊名醉太平

雲今可凌烟今可凌不愁湘水波興况芳塵幾
層生花也曾生香也曾水晶盤上飛騰羨馮
郎有能

又

蓬句云
吾兒以
大江東
詞不合
腔拍故
以稼軒
筆次坡
次韻極

悲放之
奇而絕
祖俚之
氣方堪
真豔詞
分席然
余謂坡
公三詞
中如楊
花一開
則雄奇
幽艷自
可合併

非冬納凌非春薦凌冰肌枕上初興着冰統兩
層 秋千可曾踏青可曾一彎新月騫騰學邯
鄲最能

百字令

次坡公赤壁韵

漢人亡鹿似鄭人蕉夢官分私物討逆將軍兄
若弟撐着東南半壁火德猶存火攻非下積恥
從教雪祭風臺上一龍堪抵三傑 賴是吳蜀
同心小喬迎賀曲爲周郎發畢竟劉家孤足鼎

還共露盤淪滅縱有桐江一絲相繫漸脫如秋
髮惟餘石丈曾窺漢季明月

水龍吟

次坡公楊花韵

天孫慵繡銖衣唾絨數點空中墜上無雲惹下
無泥澆禪心俠思縹緲悠揚穿林度莽烟衙難
閉笑鱗鱗桃片田田榆莢卧蒼蘚誰能起 獨
有輕魂耐舞耻追隨石家行綴不教蟻捉未容
魚吹休防鶯碎更露竒蹤化爲萍葉入于池水

蓮旬云
風華跌
宕覺原
韻陰晴
團缺悲
歡離合
語未免
蒼氣

但玉樓怨。汝驅春。彈與一般。般淚。坡詞未云細
看來不是楊
花點點。是離人淚。舊本俱以花字為句。後遍閱
他詞。俱作三句。方悟坡詞。當于是字。點字略讀
坡公太巧。後人遂為所欺。
余詞。但可兩句。是則拙矣。

○水調歌頭

次坡公中秋韵

人墮有情地。月上有情天。祇應每歲。今夕相會。
百千年。無奈良辰佳節。長是風頭雨脚。烟煖或
雲寒。幸賜金甌影。如濯玉壺間。賺魚逃。驚鵲
起。惱花眠。還令羈客傷感。半鏡未同。圓惟我閒。

閒胸次。對此溶溶景色。二美恰俱全。手把一歡。

伯頭戴一嬋娟。歡伯酒也
嬋娟月也

瑞鷓鴣 湖上上元

城中火樹落金錢。城外涼波起碧烟。夜夜夜深
歌子夜。年年節慶。丁年琉璃一段。湖稱聖琥。
珀千鐘酒號賢。自分嬾追兒女隊。玉梅花下拾
花鈿。

○洞仙歌

次坡公孟蜀宮詞韵

開元遺事。有香肌紅汗。一點情緣幾能滿。蜀中
 來坡下。辭却三郎。今再世。怕說漁陽兵亂。良
 宵炎未解。重理深盟。如在長生望。秋漢休管外
 廂。愁。遮。莫。烽。烟。四。十。萬。男。兒。驅。轉。且。滴。露。書。完。
 百篇詞比王建佳。吟羽商都換。十平聲見弁州
升菴二書四十
 萬人齊解甲。更無一個。
 是男兒。花蕊入宋詩也。
 ○○滿江紅拜鄂王祠追和原韵
 臣罪當誅。對明聖恩波未歇。稽謚法南陽同志。

蓮旬云
 豪恣而
 不粗浮

汾陽同烈恨極。冰天啼凍雨。憂來潭水。吟寒月
 向宵燈。長夢戰胡兒。抽刀切。牌上字。冤難雪。
 背上字。痕難滅。歎未成一簣。爲山功缺。七日紅
 枯。荆。客。淚。三。年。碧。盡。周。人。血。請。千。秋。賣。國。巨。奸。
 來瞻宮闕。宋改謚岳忠武文云孔明志與漢室
子儀光復唐都不嫌今古同辭將與
 山河並久。淚雨冰天。洪皓祭徽宗句也。
 潭水寒生。月松風夜帶。秋忠武詩也。
 ○○聲聲慢次李易安韵
 誰憐誰念。誰唱誰酌。誰親誰眷。誰戚寥落。孤單。

遠條云
詞以委
曲爲體
此二首
又委曲
中之揮
灑如臨
印之放
誕號國
之笑語
自是香
奩之豪

久不聞郎消息。日高簾影未捲。又送來老鶯聲。
急。算不若草青青。圖個沒些知識。空有縹緲。
充積要一卷消愁。那廂尋摘。想是文人個個心。
兒。徧黑床頭。試翻繡枕。夜舒蓮。幾許露滴。但聚
首。便不戴紗帽也得。

○○又

若鶯若燕。若蕙若蘋。若甄若蔡。若戚。宮怨閨情。
絕勝男人聲息。兒家試舉彤管。要比他峽流。還

急。女才子肯輸人。只許碧瞳能識。幸遇郎才

天積常賭茗繙書章。章搜摘打馬纔完。又把蜀

箋塗黑。從來單棲不慣。况傷懷紅鞞翠滴。夜不

寐。聽門外郎馬得得。唐詩地凍馬蹄聲得得
又萬水千山得得來

○千秋歲

次秦少游韵弔少游

心從天外筆掃千人退。玉比潤金如碎。旗亭傳
樂拍簾砌。飄書帶風肆好。更誇靜好蘓娘對。
遠謫成竒會。喜氣生華蓋。繡几上芳詞在。藤陰

蓮句云
高韻

蟬已蛻花影鶯無改人逝矣千秋歲仰秦淮海
華蓋眉也少游南遷過長沙一妓館妓最愛秦
詞手錄盈几遂許嫁之又虔州人慕秦花影鶯
聲之句建鶯花亭山谷和此詞弔之云醉卧藤
陰蓋蓋以秦有醉卧古藤陰下之句為藤州不
返之識也

○河傳

咏明河事次温飛卿韵

雲上相望鬢飄蕭人渡烏橋不遙錦衾淚痕紅
乍銷明朝眼淚依舊潮二萬通錢年月遠今
悔晚別銀溪東復西沿堤曉寒天駟嘶道書云
牽牛借

蓮句云
幽響

天帝二萬錢娶織女不還被驅在
營室天官書漢中有四星曰天駟

○西江月

次坡公悼朝雲韵為寒氏悼云

今雨慘于舊雨雌風分却雄風杜鵑枝上億蠶
叢不及秦天雙鳳怕淚尚餘灼灼衾香難款
紅紅孤征回首蕙樓空馬上續完殘夢今雨舊
雨杜帖

雌風雄風宋賦蠶叢蜀
地名灼灼紅紅婦人名

○卜筮子

次坡公悼趙趙韵為寒氏悼云

新婦月爭新靜女琴偕靜聚得梅花一點竟散

連句云
酸痛刺
心尤勝
前首

作楊花影。春有去無留，恨有增無省。縱使郎
心熱似初難熨，香軀冷。未句借荀倩
事反用之

東風第一枝

正月晦日為沈不傾五表壽

陽氣盈三花，風過九纔逢第一枝。放料應青帝，
多情留教壽筵相餉。朱門高士，正骨重神寒，堪
向笑孟郊走馬，長安何似達夫高唱。彈五十
媯絃，舊樣披五十義圖大象師。惟玉版之禪友，
惟玉膏之釀物。換星移，但松菊主人無恙，到百

年重襲仙銜碧落侍郎天上

二十四風自小寒
至雨水九信矣孟

郊五十登第高適五十始為詩韋表微
五十稱松菊主人沈義授碧落侍郎

鵲橋仙

十二月望夕

山高月小山，深雪老一樣。玻璃澄澈，晚風剪剪，
粟生肌，誰敢跨廣寒空碧。璧圓未碎，面圓未
瘦，喜覩姮娥真色。金波搖漾，綠珠簾不許有霧
橫烟隔。

好事近

雪景

浮動晚香幽。可是揚州官廨。一縷茶烟初斷。散
天花天籟。紅蕉折盡。又蒼筠簾捲。朔風耐却
笑。遠山無數。似白眉先輩。

漁家傲

題摩尼閣

葱嶺因緣如許。大摩尼誰復家珍。那長暗不須
然炬破。真可賀金篋。一擊衣珠墮。如月映川
千萬箇。乾坤瑩潔。難容唾。具教莫教。當面挫盤
鄰。坐西方古佛。凡夫做。

長相思

月夜江舟作

坐青宵望青霄。一色江天。一幅綃彩。毫何處描
對金焦。捧金蕉。蕉葉杯中竹葉嬌。郭郎墳上
澆。

南鄉子

贈龍女

非虺亦非蛇。恥伴人間蛭與蝦。借問同心何處
結。龍砂戲海。游天兩髻丫。轉盼海成汗。天壤
憑誰覓。女媧更問同心何處結。龍華聽罷金經。

蓮句云
此與之
子一律
皆甲戌
初夏事
鶯花驚
散止留
餘影尚

有龍女
一謠又
復被人
滅却

且喫茶汗音蛙

浪淘沙閨憶

本是並頭蓮。樂過三禪。無端忽被憶魔牽。擘却
精寬懸一處。枯渴難痊。永夜靠樓邊。清淚如
鉛車輪還共月輪圓。碾遍天涯終不遠。眼底心
前。

○○○虞美人和魏子一咏虞美人花

或云舞草能隨曲。宛轉褒斜谷。或云應向雅州

蓮句云
如此詞
為咏物
為讀史

為文人
為韻女
為妖為
鬼為英
雄為神
仙俱堪
第一不
得不人
人痛哭
一場

求不道。生于蜀漢。竟忘仇。茲花是也。還非是。
孰渡卿來至。英雄何不共扁舟也。學陶朱夫婦
五湖遊。

怪來楚楚娟娟。箇薄命紅顏。那君王意氣太山
崩。不是天亡。是妾福難勝。輸他呂叟奇哉女。
帳下曾為虜。野鷄冠也。賣風流。惹得匈奴願比
辟陽侯。

薄家殘粉真堪噓。誼薄顏非薄。棄捐赤豹絕蒼

龍更遣妖覓夜魅太牢公如卿生死無相負
確是湘筠友虞廷二女又虞兮芳草芳人合補
楚騷遺

姑搖山上多蓄草瑤女精靈繞服之可以媚于
人還讓冰心玉映此花身魯公有魯雖堅守
無奈天心走兩生若采首陽薇妾願糜身粉骨
療君饑
斷腸花是啼珠灑八月春生也此花想亦淚爲

蓮句云
翻覆轉
側變化
無盡應
知文心
有千萬
竅豈但
七日而
渾沌灰

胎三月秋風颯颯楚歌來摘將一朵懷中弄
正似懷懷夢貞覓不學楚峰雲比例清娛來乞
墓碑文懷夢艸名

蓮句云
呂家蕙
家隋碑
青冢各
一比擬
詞無複
者

騶兮可贈姬難贈姬死君方瞑遠勞杜默哭荒
祠姬與昭君墳上有誰啼兩墳青態兼紅意
地上愁確寄憶君二十四興兵二十四風姬也
發其英

當時恨不如萋楚情以多爲苦多情今已化無

蓮旬云
筆似腰
肢初嫵

蓮旬云
前牛脫
却花后
半併脫
却美人
奇絕

蓮旬云
如烟如
雲

蓮旬云
讀此詞
而不腸
斷者定
是村漢

情。且喜天之沃沃一莖莖。生生死死車輪運。
一點情難盡。翩然舞罷似聞嗟。不辨花枝爲女。
女爲花。

亭亭玉樹埋靈璧。玉有靈苗。茁穀城陵寢。太迢。
遙難做韓憑墓。梓樹根交。生平馬與人同惜。
亭長騎何適。支公神駿。洩生蓮。莫是重瞳故物。
被君牽。

田橫島客何其盛。項則虞兮。僅半千精爽。落誰。

邊何似香魂一縷。幻爲千。千年恨血紛紜色。
不但萇弘碧。金枝玉葉盡蒙羞。漢獨安能賜妾。
姓從劉。

大王絕世之英勇。才子而情種。悲歌數闋羽聲。
高那得紅顏不殞。尚須刀。史遷更不書姬死。
賸與評花史。要之虞也。幾曾亡試看情條意。盡。
萬年香。

○○虞美人影 和魏子一咏虞美人花影

蓮旬云
前十詞
如登嵩
華已踞
巔頂此
復登身
雲霞跨
鳥背而
頰尾漢

蓮旬云
如一月
映于千
山亦如
千燈照
于一室
其中或
笑或怒
或歌或
泣或讚
嘆或慰
唁或痛
寫疾書
或傍見
側出無
不曲盡

漫漫長夜黃泉厭多謝金烏相念強起蓬髮輕
歛小倦還呵欠楚腰舊樣無豐贍自顧西墻
重驗壠上牛羊都佔兩廝猶紅醞朝曦
風來擬逐姮娥去不忍拋君還住更向陰陵尋
晤又似迷前路曾聞一喝樓煩懼天上誰將
弓布喝月速教雲護收爾離魂聚夜月
八千初度江西岸曾否携茲嬌媛河激歌聲清
倩斜領頻窺見八千垓下軍情變曾否香踪

東轉歌出烏鳶聲怨倒立疑將擯谿岸
將軍亦入圖書府耻記姓誰名某嘗自為詩高
古捧硯蛾眉撫只今尚喜陶泓伍無奈墨濤
方怒小小烏江如許掩面還愁覩研池
奄然似欲親床第嬾與釭花爭美鉄馬一聲驚
起記得前身矣帳中中夜催觴洗亂落雙頰
鉛水慘憺瘦竟無幾燈不紅而紫燈前
花神又化青鸞叫舞向粧臺秦照可是紫珍靈

妙豔鬼留瓊貌

沛公漁色人皆道國破難辭

宣召借箇廣寒相罩辣手如何拗

鏡裏

讓他姚魏黃金屋土室權教栖宿發艷朱顏新

簇土亦明于玉可憐根斷難重續賤妾聊生

路促此土偏能修福曾觀芙蓉肉

瓷瓶

莫非七寶靈檀製有所思今隨至現出楚宮之

嬖一勺清泉祭莫非六合葵花例百狀千容

難計恍惚含顰揮涕欲語鴻溝事

髹几

齊威有個虞姬貴西楚虞姬何媿頂戴其貞其

慧雲上安其位虞姬笑曰將無墜掩映秋蟬

翼內宮鑑不須晨對即用玄妻髻

髻光

我疑未必英皇兩舜目看來恰像重以重瞳傳

項豈遜重華曩一姬正與雙妃做何況花多

成黨可惜重瞳長往俗眼空相賞

睇照

蓮旬云
諸詞體
擅二奇
一切安
之奇快
之易安
之奇豔

